

François Marly
Troyes au Seuerini

BOETY.

de
Consolatione Philosophice
Libri V.



Labbia Ajud Ioa: Bayt: Mayr M D C LXXXII

THE HISTORY OF
THE ENGLISH
PEOPLES
BY
EDWARD HASTINGS,
LONDON,
1750.

ANICII MANLII TOR-
QUATI SEVERINI

B O E T I I
DE
CONSOLATIONE
PHILOSOPHIÆ

LIBRI V.

Opus omni seculo summè, nullò
fatis deprædicatum, ipsâ æternitate
dignissimum.

Non solum Ethico-Philosophicum, ve-
rūm & Dogmatico-Theologicum, quod tam
animo sub utraque fortuna firmando; quam
gravissimis controversiis decidendis,
unicè deservit.

Cilibet hominum litteris imbutæ con-
ditioni accommodatum, apprimè utile,
& necessarium.

Praefixa sunt ei nunc primum synopses quin-
que, quarum brevitate, quod cujuslibet libri
decurso reperire est, luculenter
insinuatur.

LABACI, Typis JOANNIS BAPTISTÆ
MAYR, Anno 1682.

280192

СОВЕТСКАЯ
БИБЛИОТЕКА
СОВЕТСКОГО
ГОСУДАРСТВА



NMM4/1926

EX SIMPLICITATE VETUS

A.S.



Maria's foe
Cunditai

Omnia omnes ad eum

Habebit iste regnum





Illustrissimi Domini S.R.I. Comitis
& Domini Domini.

GEORGII SIGISMUNDI
à

G ALLENBER G,

In Thurn, Rossegkh, & Gallen-
stein. Illustris Domini in Aynoedt : Hæ-
reditarii Advocati Cænobii Minken-
dorffensis.

Sac. Cæs. Maj: Camerarii.
Inclytæ Provinciae Carnioliae
olim

Deputatorum Præsidis,
nunc

Judiciorum Prætoris,
&

Capitaneatus ejusdem Cæsareâ institutione
Locumtenentis.

GNATORUM TRIGERMINI NOBILISSIMO,
JOANNI RICHARDO,
WOLFGANGO WAYCHARDO,

Et

SIGEFRIDO WALTHASARI
Comitibus, & Dominis à Gallenberg.

GENITORIS
Delicio dignissimo:
Unico & trifido.

Quod numeris distinguendo
Non dissipes;
Copulando non confundas.
Etenim

Ubi ortus Trinitas numerum oggerit;
Ibi par nobilitate indoles
Unicum compingit
TER NION E M.

Rarâ sanè concordiâ FRATRUM:
Quorum unitas singulorum
Triadem exæquat,
Dum quolibet sui
Triumvirali non inferius,
Maximum videlicet,
Genituræ beneficio
Rependit oblectamentum.

FRATRES dixi,
Et verè COMITES,
Qui
Sic sese mutuò referunt,
Ut invicem conferant:
In quorum singulis debeat,
In nullo nequeat

Ge-

Genitor deliciari.
Digni quos ad ortum reducas ;
Nisi hunc vetustas celasset :

Hoc
Extra velamen relictō,
Quō

Decimō jam sēculō
Ignobilitatem nesciisse,
Fundatissimā conjecturā,
Sciuntur.

Fælix temporis jactura ,
Quod sui ignorantia crescit ,
Cujus ignorantia ortum venustat.

Ab illo defecti L A P I D E ,

Aut (si mavis)

P Y R A M I D E ,

Quæ Duces Franconiae glorias
Immota gestans ,

Etiam in fragmentis ,

Et S E R T I S , & S C E P T R I S

Decora pridem substituit ,

Huius

Ab Arnulpho Alphabetum orsæ Propa-
Surculi (ginis

A Teutone Schärf-

A Slavis OSTER -

A castro condito Gallenbergii
Audivere.

Utrōbique acuti,
Utpote in PYRAMIDES fusī.

Nec quæras,
Scharff-ne, an GALLEN-berg
Antiquitatis primatum teneat,
Ni

Nominalis audire,
Ortūs identitatem ignorare,
Et communes utrīque glorias invidere
videri velis.

Verūm
Capite (ut aiunt) in collum retortō,
Hoc est,
Oculis ad vetustatem longo postliminio
Retroactis,

P Y R A M I D E M hanc
Inter ortu verè germanas
Septimō Christi sæculō †
Jam tum
M A I O R U M excellentiā
Stemmatis antiquitate
Vetusto-Nobilem,
Ignobilem nunquam
Deprehendes.

† Ex Phil. sim. in Episc. spir. f. 46,

Cu

Cujus

Verà verè re

Vetuſtas ab ortu illustris gemmā eft;

Sive F A N A cogites,

Sive P R O F A N A.

Quæ,

Ornamentorū parerga ſemper perofa,

Vetuſtatem

Propriā ſimplicitatis hypoftati

Confitetur.

Nuditati fuæ relictam,

Etiam rubore circumdatam,

Quia nondum potuit erubefcere,

Non nivis coagulum, †

Sed adamantinam

Fateâre.

Nobilifſſimis I N S I G N I B U S ſemper P A X,

Niſi cùm M A I O R.

Sunt, quos pudeat alienis ſpoliari,

Ne proprietate mendicent:

Hæc

Primis noſtratum Profapiarum

Connubiō ſociata,

Ubique Evangelii tenax,

Beatius magis dare, quam accipere, †

Rata,

† Plin.l.21.c.25.† Act.20.) (4 O:

Omnium Cimeliis plus intulit,
Quam participavit.

Sic

Rarò exemplō ,
Solidique Philosophorum axiomatis
Ruinā ,

S I M P L I C I T A T E suā
Quodlibet ei socium
O R N A V I T .

C o n s i m i l i b u s sui Pyramidibus
Familiares Præcones

C H A R A C T E R E S

Ab Ortu dedita ,

Nativō C A N D O R E retento ,
Quam illi non edicerent ,

N O B I L I T A T I S C A N I C I E
Eloquitur V E T U S T A T E M .

Hinc

L I N G U A M dicerem ,
Ni PYRAM IDEM
Pridem dixisse m .

Ast

Erecta post hac , non amplius retorta
Sit mens .

Nec absre :

Etenim futura in finem sperari ,

Quia

Quia ventura :
Præterita ; nec teneri,
Quia delapsa :
Nec numerari queunt ,
Quia infinita.
Non majorem HABITIS , dant FUTURA
CLARITUDINEM ,
Utpote utraque
NULLAM :
Sola possessa dat gloria
MAXIMAM .
Ergò ad PRAESENTIA ,
Quæ in vigésima quarta generatione
Vetustatem nobilem ,
Nobilitatem vetustam ,
In novitate felici
Venustè pandunt ,
Cùm
GNATORUM hic trigemmis Ternio
Nobilissimum GENITOREM
Refert .
Dignam sanè Parente sobolem .
Et Genitorem Genitis dignissimum .
Cujus
MAIORES , & Antenatos non possis ,
Nisi in ipso ,

In quo OMNES desinunt,
SINGULI concurrunt,
Convenire.

Ipse à singulis nullô magis,
Quàm meritis, & magnitudine diversus.

P A T R I A E

Ut crederetur, emolumento natus,
Genium Ei nullibi non ingeniosum
NATURA favit,
VIRTUS exacuit,
FORTUNA occupavit.

Qui idem
Juris ac Justitiæ peritus,
Dicendo docet,
Dictaturâ imperiosus,
Doctrinâ dictator,
Se uno plurimis, citra exemplum,
Sufficiens.

Tot MUNERUM Numeros,
Quis absolveret?

Certè
Nisi ingenîo validissimus,
Impleret NEMO.
Clientibus FÆLICITATE,
Tribunalibus FACUNDIA.
Patriæ FIDELITATE,

Cæ-

Cæsari VIRTUTE probatus;
Non casūs temeritate,
Sed Prudentiæ delectu,
Imo

Ipsius naturæ quodam suffragio
M V I O R U M suorum
Loca omnia occuparet,
Nisi excessisset.

Ad primas Patrias dignitates
Plus aliorum,
Quam suō votō, vocatus,
Ostendit,
Se non ideò eas meruisse
Ut ferret,
Sed ferre, quia meruerit.

Rarissimo divertio, Collibus tumorem,
Flammæ fumum abstergit:
Hoc est,
Fortunam sine fastu,
Æmulationem sine invidia
Sustinet.

Quod quis easdem quæsitas
Non repererit dignitates,
Quid mirum?

Cum illæ QuæRENT E neglater
In QuæSITO maluerunt

Deliciari.

Imò

Monogamiam, tot procis petitam;

Divortio designatæ,

Quæ PLURES fatigarent,

In hoc UNO

Sese collegerunt,

Nullibi melius hospitandæ

Nisi PYRAMIDI huic jam olim do-

Evasissent. (mesticæ

Ideò

Magno ONE RE, pari HONORE

PATRIÆ primitivos PATRES

Majestate publicâ,

Affabilitate privatâ

Ubique conspicuus, nullibi inutilis

Exprimit:

Nullibi MINOR, utpote ubique

MAIOR.

Quamvis aliunde ejus ENCOMIA,

Modestia vulgationem vetante,

Promere DIFFICILE,

Credere FACILLIMUM:

Nec ullus nisi suo dāmno,

Illis detraxerit:

Quia juratam Patriæ fidem

Ne-

Nemo, nisi

Privatâ perfidiâ, laceſſiverit.

Utpote qui

In tanta negotiorum diversitate,

Sævâque temporum præsentium

Tempestate,

PA TRIAE gubernaculo sic afflit,

Ut ambientium male ortus tumor

Abortu perierit:

Dum vix ullus tam projectè audet,

Utsperet ILLI

Uti virtute,

Sic fortunâ, sic famâ succedere.

Etenim & ipse

Gloriferos nobilissimæ suæ Antiquitatis

Coryphæos,

Quà Lentulos, quà Fabios, quà ve Cicerones

Assequuntus priùs, quàm imitatus.

GENITOREM quidem,

Adhuc famâ virentem,

Repetitò Provinciæ DEPUTATUS,

Et olim Præses, excessit.

PROAVUM

Provinciæ P RÆTOR merito existens,

Nequaquam impar,

Exhibit,

Et

Et

Ne Pietate crederetur inferior,
Parthenium Minkendorffense,
Quod per SIGE FRIDUM III.
Undecimum Propagatorem
G ALLENBERG IORUM
DEO, & divæ CLARÆ Seraphicæ
Dicatum, fundatūmque
Diversigena temporum injuriā
Ruiturum pendebat,

Ab imo

Magnificè industrius reerexit.

Hic

Fidei, Gloriæq; Suorum Auctor audiret,
Nisi propriō meritō,
Cæsareo delectu,

Unā

Et PRÆTOR, & LOCUMTENENS
Aliis ipmossibili
Ipsi necessariō
Patriæ utili nexu,
Institutus,
Hyperarchus evasisset.

Ergò, si,

Quæ in INFERIORIBUS sunt dispersa,
In SUPERIORIBUS solūm uniuntur,
Hunc

HUNC,

Prædecessoribus Ejus, quis negaverit?
SUPERIOREM?

Nec absque provectionis miraculo
Ab honoribus requisitus,
Fastigium eorundem inclinavit.

Bravum sine cursu,
Quia totum, comprehendit,
Cùm dignitates solò merito
Accersivit.

Alios umbræ invitò sequuntur

HUNC fulgor fortunæ

Vel solius famæ igniculô:

Et dum illa insita levitate

Ad MAGNATES altum metatur,
Vix edixeris,

An SIGISMUNDUM

Invenerit potius, quam fecerit
MAGNUM.

Summa continentia in summa libertate
Certò probat,

Se felicitatem tanquam frœnum aureum
Excepisse,

Quod pristinæ virtuti,
Nil nisi pretium,
Accesserit,

Indo-

Indole diligenter officiosissimus

Nec vias , nec artes negligit ,

Iis , quos amaverit ,

Benefaciendi :

Hinc rarâ Philophiliâ

Præsentium admirationi ,

Posterorum sequelæ

Commendatur .

Dignus , qui omnis vitæ mastigem

Immortalitate vitet ,

Quam

Quia humana Ei negat Conditio

FAMÆ ÆTERNITAS

Compensabit .

Fælix Genitorum Trias :

Cui

Maxima pars doctrinæ esse debeat

GENITORIS virtutem

Intueri .

Quas enim in PATRE actu miraris ,

In FILIIS futuras

Prævideas .

Nam

Ut singulis exhiberet singulas

Eam per traducem

Indolem in filios propagavit ,

Quæ

Quæ etiam in MINIMO,
Ortum cellare nesciens,
MAXIMA solum

Exhibit.

Ut VETUSTA VIRET, in Genitore;
Sic

In Genitis omnem ornat atatem,
Nec alium ex Indolis charactere
Sensum colliges,

Quam quo Veterū suorū VIRTUTES
Non temporum,
Sed hominum;
ANTERIORUM magis,
Quam MAJORUM
Fuisse ostendant.

Quibus

Quia cum Böetio, †
Si quid est in nobilitate bonum, id solum, ut
imposita Nobilibus necessitudo videatur,
Ne à Maiorum virtute degenerent, esse,
Vei silentes eloquuntur:

Hoc

Animas nobilitantis Philosophiæ
Solamen

Non CALAMO, sed SCALPRO

† Lib. 3. prof. 6.

Quia

Quia PYRAMIDI

Appendit.

Et qui

Nobilitatem Eorum æstimat,

Fortunam probat,

Dignitatem evehit,

Benevolentiam sentit

Obsequia dedicat,

Nobilissimis Genitis

Ortu MAGNIS

MAXIMIS Indole,

Professione

Inter MINORES Minimus

Obsequio deditissimus

P.

Fr. Antonius Lazari,



Lecturo.

Qui propria pridem promisi, aliena
præmitto, nequaquam his à debito
absolvendus: licet enim professionis
Sacramento expropriatus existam, non ideo
tamen tua te in expectatione fatigavi: ve-
rūm quia publicis Provinciæ negotiis calamo
addictus, in propriis trienii jacturam sub-
ivi, ut & fidem violasse, & evulgatæ faciei
fatum suppressisse, alienæ rei plus a quo cu-
riis, visus fuerim. Neque bili ullâ mastiges
hujusmodi excepi, qui spei temporis retro-
vehendi nusquam valedixi, jamque pri-
vata quieti repositus id ago, quō tuā sublevē
patientiā, me à censuris expediā, & sanguinē
scapulis meis affusum, fronti eorum infe-
ram. Interea dum rubiginem meis adimo
revisor, Boëtio prælum occupavi, illo, in-
quam, Anitio Manlio Torquato Severino,
quem quanti omnis ætas, & cana fecerit
vetustas, non major est probandi, quam
solem scintilla illuminandi necessitas: hu-
jus enim instar se ipso famæ fulgorem præ-
ferens ab objecto nulli potuit non esse com-
mendatus. Et quamvis nonnulli opuscu-
lum hoc ingens AUREUM: alii DIVI-

NUM

NUM inscriperint, infrà tamen Authoris mentem, quod pro subjecti nobilitate, de CONSOLATIONE PHILOSOPHIAE signari voluit, ut hoc ipso charactere, qui modicitate subjacet, argumentum magnitudine maxima transcederet volumina, dum eam animis confert valetudinem, quam sola eorundem directrix dispensat Philosophia, ut videlicet rationum equipondio tam solidè rectitudinis centrum teneat, quô nec prosperis extra virtutem trahi, nec adversis supra constantiam premivaleat. Plures posteritati ejus reimpressione, additis etiam commentariis, consuluerunt, nulli tamen felicius, quam qui textum alterare hanc presumperunt, ut potè talentum, quive tam elegans est, ut nescias, num Author ultimus fuerit eorum, qui Romanè locuti sunt, an primus, qui inclinatam eloquentiam in integrum restituere sit adorsus. Tu eo fruere, & animum exhibentis proba, utque debitum exolutu-
ro vita non deficiat, pio voto succurre, tuaq; currículum felix percurre.

Ani-



*Ex veteri statua mar.
morea quæ est Romæ.*





Anicij Manlij Torquati

SEVERINI BOETII VITA.

Jul. Martiano Rota Scriptore.

Anicius Severinus Boëtius, Romanus, & nobilitate majorum & animi dotibus clarus, in ea tempora incidit, quibus Italia à Barbaris oppressa tenebatur. Natus est enim non ita multis post annis, quam ab Alarico Roma caperetur, floruitque Theodorici regis tempestate. Theodoricus hic à Zenone cum ingentibus copijs missus, eruptam Odoaci Italiam sibi vendicaverat; Ravennæque regni sede locatâ, cuncta pro libidine administrabat: quod

videns Boëtius honestis disciplinis animnm applicuit, id sibi tantùm superesse intelligens, quod homine libero dignum foret. Eruditus itaque Græcis & Latinis litteris ab adolescentia cùm esset, quædam primùm ex Euclide transtulit, atque ita transtulit, ut & dimetiendi rationes, & alia quædam de suo adjungeret; ac, quod nondum Aristotelis ætate repertum fuerat, æquale circulo quadratum astruere docuerit. Arithmeticam postea, Nicomachum, non ut interpres, secutus, sed suo usus judicio, Latinis verbis reddidit. Et inde Musicam, perplexam & involutam disciplinam, ex optimis quibusque collegit: qua in re & Aristoxenis copiam, & Pythagoræ judicium expressit. Extat Theodorici regis ad Boëtium epistola, quæ & Ptolomæi Syntaxin, & Archimedis Mechanicem ab eo Latinitate donatam affirmat. Verùm præludia hæc fuisse crediderim eorum, quæ vir tantus mente agi-

agitabat. Philosophiam enim Latinis litteris illustrare constituerat, non ut Varro Stoicam, nec ut Tullius Academicam, sed eam quæ cæteras obscuravit ab Aristotele invectam, & à tot præstantibus ingenio viris, ætatem tam longè celebratam. Id ipse his verbis significat: Ego omne Aristotelis opus, quodcunque in manus venierit, in Romanum stylum vertens, eorum omnium commenta Latina oratione præscribam: ut si quid ex logicæ artis subtilitate, & ex Moralis gravitate peritiæ, & ex Naturalis acumine veritatis, ab Aristotele prescriptum est, id omne ordinatum transferam, atque id quodam lumine commentarys illumitem. Igitur Porphyrium, quem Victorinus Apher compendio transtulerat, explanavit, & eundem à se mox interpretatum novis rursum expositionibus illustravit. Prædicamentis manum admodum ecce Consul Romæ creatur. Hoc ipse suis verbis significat:

Et si nos curæ officij consularis impe-
diunt , quò minus in his studijs o-
mne otium plenamque operam con-
sumimus , pertinere tamen videtur
ad aliquam Reipublicæ curam , elu-
cubratæ rei doctrinâ cives instruere.
Nec male de civibus meis merear , si
cum prisca hominum virtus , urbium
cæterarum ad hanc unam Rempubli-
cam imperium transulerit , ego ad
id saltem quod reliquum est , Græcæ
sapientiæ artibus , mores nostræ civi-
tatis instruxero. Quare ne hoc qui-
dem ipsum Consulis vacat officio ,
cùm Romani moris semper fuerit ,
quod ubicunque gentium pulcherri-
mum esset atque laudabile , id magis
ac magis imitatione commendatum
honestare. Hæc ille. Ex quibus illud
etiam falsum esse convincitur , quod
aliqui memoriæ prodiderunt , Boë-
tium omnia , non pleraque : relega-
tum scripsisse. Ad Consulatum au-
tem juvenis pervenit favore princi-
pum civitatis. Puerum enim à patre-

relictum curandum susceperant, quod & antiquâ Manlij Torquati familiâ prognatum scirent, & novam Anicij proavi indolem perspectam in ipso haberent. Primo ejus Consulatu, rex Hunnorum & Italîæ Odoacer, Phæbâ Rugorum duce victo captioque, potitus est, sicuti Cassiodorus tradit; qui bis solum, cum Symmacho semel ipsum in Consulibus nominat. Non solum autem dignitatem hanc ipse adeptus est, sed duos etiam filios suos, quod nunquam antea contigerat, Consules eodem tempore vidit, Patricium & Hypatium. Anno illo Boëtius in curia Theodoricum tum primum Romam accersitum, S. P. Q. R. nomine, magnâ facundiâ laudavit, & in circo duorum Consulum medius triumphale convivium multitudini exhibuit. Collegam in ultimo Consulatu Symmachum sacerum habuit; cum quo magistratum ita gessit, ut commune bonum privatis amicitiis preferret. Accidit ut Paulini con-

fularis opes regij satellites appeterent: hominem ingenuè tutatus est. Albinum falsò Cyprianus accusavit : innocentem consularem virum ostendit. Acerba fames Campaniam urgebat, & acerbiorem coëmptionem tyranni procuratores indixerant : eam exigi Consul non sustinuit. Triguillam quóque regiæ domûs præpositum multoties ab injuria dejecit , & Conigastum fortunas optimi cujusque infectantem compescuit. Hisce rebus factum est , ut regis indignationem incurreret , perditorumque delationibus in exilium pelleretur. Accusationis summa hæc fuit : Quòd Senatum læsæ Majestatis accusatum prohibuerit:quòd ad Anastasium imperatorem literas miserit de recuperanda libertate. Delatores perditis moribus homines tres extiterunt. Gaudentius & Opilio , tunc ob innumeras fraudes exilio damnati , Basiliusque pridem à procuratione domûs regiæ dejectus , obæratuique pluri-

plurimum. Purgasset facile Severinus objecta crima, si coram delatores arguendi facultas sibi à Theodorico data fuisset. Sed vel iratus oblatam sibi ultionis occasionem amittere, vel improbus à se excitatam calumniam dissolvere noluit. Absens itaque vir, & innocens, & grandis natu Boëtius, malorum conspiratione relegatus est; nec à bonis in patria retentus, Ticinum secessit, urbem in Insubribus possum, & sibi à tyranno præscriptam. In quam simul atq; venit, quo posterris etiam innocentiam suam cognitam faceret, pulcherrimum illud de Consolatione volumen, Ciceronem imitatus, conscripsit. Nam sicut ille, quo filiæ desiderium levaret, de animalium immortalitate disceptans, Tulliam supervivere monstrat; ita Severinus de falso & vero bono, deque providentia disputat, & omnia voluntate divina mortalibus evenire declarat. Verum in eo opere Cicero carmen non atrigit. Boëtius utram-

que orationem admiscet , atque ita
admiscet , ut facile unicuique ostendat ingenium sibi , quicquid tentafset , nunquam defuisse. Sed quid naturali Philosophiâ difficultius ? quid Dialecticâ spinoſius ? at utramque disciplinam ſic oratione ſuâ pervagatus eſt , ut abditissima quæq; cui vis prompta reddiderit. Neque verò ſelectum unum aliquod argumentum oratione confeſtatus eſt , ſed Philosophiaæ penetralia , ingressus , ea Latinis hominibus primus reſeravit , quæ princeps Aristoteles de industria pluribus occultaverat. Qua in re optimos quosque consuluit : Theophrastum dico , Eudemum , Andronicum , Aſpasium , Herminium , Alexandrum Syrianum , Porphyrium , Themistium de quorum ſententiis , tamquam honorarius arbiter , dijudicat. Attestatur hoc expositio in librum Aristotelis de Enuntiatione , tam prima duobus , quam ſecunda ſex libris absolute : in quorum tertio

tio , cùm de tribus contingentium, modis se melius scripsisse dicat in libris Physicis, suspicandum reliquit, se naturalem quoque Philosophiam enucleasse. Verùm hactenus tam hì desiderantur commentarij , licet fuerint Tarvisium hinc nuper asportati , quam illi , quos in Analyticen & Topicen emisit. Siquidem & hos ipse citat , & in Topica Ciceronis septem libros à se confectos profitetur , opus varium , difficile , eruditum , nec à quoquam antea quam à Victorino frustra tentatum. Platonis Dialogos ipse Latinos facturum se recepit , factos Cassiodorus asseverat. Mirarer quomodo tanta præstare potuerit , nisi divina illa in librum Aristotelis de Interpretatione commentaria bieñio scirem ab eo confecta : quod tempus vix evolvendis tot expositoribus satis fuisset videtur , nedum eorum sententiis plerumque controversis , & dijudicandis , & eligendis , & accommodandis. Inter Peripateticos enim ce-

lebris est ferme nullus , qui in hunc librum non scripserit : quod & magnopere quidem necessarius sit , & multa doctrina refertus, sed acumine sententiarum & verborum brevitate perobscurus. Commentabatur autem hæc, quo tempore Theodoricus superatis alpibus Clodoveum ficerum Francorum regem ingenti prælio profligavit. Cæterum Severinus non tantum in interpretando & exponendo Aristotele versatus est , sed pleraque etiam ipse veluti procreavit. Horum in numero sunt pulcherrimi illi quatuor de differentiis Topicislibri , quibus Dialecticos locos à Rheticis dirimit: & totidem alij de utroque Syllogismo: item de Divisione & definitione singuli. Nam qui ad Syllogismos categoricos introductorius inscribitur , titulum subornatum habet, cùm libri Aristotelis de Enuntiatione vel breviarium sit, ut ipse appellat, vel certe idem quod primus de categoricis Syllogismis. Opus quoque de

Scholaſtica disciplina , non titulum modo , ſed & elocutionem & inventionem mentitur : aliter enim Boetius ſcripſiſſet , ſi ea de re ſcribere voluiſſet. Sed ipsum mittamus ac de Hebdomadibus aliquid potiūs in medium afferamus. Sunt autem Hebdomades opera ſeptem partibus diſtributa ; ſicuti decem libris Decades , & novem Enneades. Hebdomadas Varro primus inſcripſit , deinde hic ipſe : ex quibus libellus de Subſtantiaē bono , & aliis de Unitate & vno ſum- ptuſ eſſet ; reliqua aut edita non ſunt , quod ea ſibi , ut ſignificare videtur , commentatus eſſet , aut ad nos uſque non pervenerunt. Hebdomadas ju- venis componuit , velut & de duabus naturis & una perſona Chriſti. Hoc ut ita existimem , ejus verba faciunt : E- pifcopus (inquit) ſcriptor epistolæ , tanquamvalde neceſſarium , cùm præ- terire noluifſet , ē duabus naturis Chriſtum conſiſtere , & in duabus æquali- ter , Catholicos credere : novitate di-

Ati percusus , meditabar omnes animo quæstiones. Decretum hoc fuerat concilio Chalcedone celebrato , illucque Leo Romanus Episcopus venerat : cuius epistola Romam missa , cum postea nitentibus acephalis condemnatum jam dogma revocare , pluribus convocatis Romæ legeretur , nec satis jam quid decerneret intelligeretur , ansam Boëtio dedit eum librum componendi contra Nestorium , qui duabus naturis personas totidem ad jungebat , & Eutychetem , qui unicam naturam & personam tuebatur. Ergo si quis ab Imperatore Leone , qui rejectam sub Martiano Nestorij , & Eutychetis opinionem fovebat , ad Iustinum usque supputet annos , paulo minus quinquaginta deprehendet ; quibus de Boëtij vita detractis , prima juventutis tempora relinquuntur. Verum hæc , ut libuerit , quisque accipiat , illud certe non admittendum contenderim . Boetium morte præventum Musicam non absolvisse.

Nam

Nam quod obijciunt aliqui titulos eorum quæ defunt adhuc superesse, id nos in contrariam sententiam potius trahit, absurdum esse existimantes, nondum conscriptis rebus velle nomen imponere. Quod si quid imperfectum Severinus reliquit, id ipse Theologiam fuisse centuerim: satis enim superque Philosophiam illustraverat. Itaque divina restabant: & jam multum processerat Augustinum secutus, ut ipse de Trinitate ad Symmachum scribens affirmat: Vobis, inquit, inspiciendum est, an ex beati Augustini scriptis semina rationum in nos venientia, fructus aliquos intulerint. Ex quibus illud etiam coniucere possumus, cur nono demum anno Theodosius Severinum & Symmachum necarit: an quia senex in opinionem Arij defecit, & inimicus adeo Catholicis evasit, ut eorum templa diruere in Italia voluerit, si Iustinus Arianos in Asia non restitueret. Propugnatores autem fani dogmatis, cum

aliás semper , tum præcipuè eo tem-
Boëtius & Symmachus extiterunt.
Quamobrem tyrannus conjectos in
carcerem obtruncari jussit. Ticini
incolæ semper à majoribus traditum
constanter asseverant , Severinum ,
cum regius spiculator lethale vulnus
intulisset , utraque manu divulsum
caput sustinuisse , interrogatumque à
quonam se percussum existimaret? ab
impijs , respondisse ; atque ita cum in
vicinum templum venisset , & flexis
genibus ante altare sacra percepisset ,
post paulum , expirasse. Extinctus di-
vinos honores à nostris consecutus est ,
quòd pro Catholicis contra perfidiam
Arij mortem sustinuerit. Sunt qui
scribant ipsum antea Ravennam ac-
cessitum , prætorioque regis præposi-
tum , mox cum aliquot senatoribus
occisum : quod Symmacho potius
convenire videtur. Turris enim e-
nim lateritio lapide fabrefacta etiam-
num Ticini monstratur , Boëtij car-
cer ; sepulcrumque ejus in æde beati

Augustini visitur, qua parte in adytum templi ascensus incipit, hoc Epitaphio incisum.

*Mæonia & Latia lingua clarissimus,
& qui,*

Consul eram, hic perij, missus in exilium.

Et quia mors rapuit, probitas me vexit ad auras: (opus.)

*Et nunc fama viget maxima, vivet
Circumfertur & aliud Elogium,*

quo sepulchrum ejus exornabatur, antequam illic à Luitprando Longobardorum rege collocaretur. Ipsum, quia paucis multa continet, ad ejus vitam facientia, subjunximus:

*Ecce, Boethius adest, in calo magnus,
& omni,*

*Perspectus mundo, mirus habendus
homo.*

*Qui Theodorico regi delatus iniquo,
Ticini senium duxit in exilio.*

*In qua se mestum solans dedit urbe
libellum;*

Post ieiust gladio, exiit è medio.

Hic

Hic finis viri clarissimi fuit, qui sa-
cundiā, probitate, doctrinā, pluri-
mum excelluit: ultimus omnium,
qui ex antiquis Romanis aliquid lite-
rarum monumentis consecrarint, pri-
mus omnium, qui Aristotelicam di-
sciplinam Latinis literis illustrare cæ-
perint; tantæ apud posteros auctori-
tatis, ut ab ejus sententiis nulla fermè
sit provocatio. Hujus morte magnam
rem amisimus, & frustra à multis po-
stea tentatam, Platonis & Aristotelis
concordiam, quam utriusque Philo-
sophiæ peritissimus, & pollicitns fue-
rat, &, nisi vitam eripuisserent improbi,
præstare solus potuisset. Vltio tamen
paulò post insecura est divinitùs, nam
cænanti Theodorico, cùm piscis ca-
put illatum esset, visus est sibi rex in
eo videre Symmachi faciem inferius
labrum mordicus apprehendentem,
torvisque oculis subinde minitantem:
eo spectaculo conternatus tyrannus
in morbum incidit, & simul, atque
quod viderat, id se vidisse confessus

est

est, expiravit. Ictu sanguinis mortuum
sui divulgarunt: verum Amalasiunta
rei conscientia, cum in regno successisset,
patris acta contra ius & fas decreta re-
scidit; & Severini ac Symmachii bo-
na in fiscum redacta, eorum liberis re-
stituit, paucis annis antea quam Be-
lifarius a Justiniano missus, Italiam Go-
thos omnes expulit. Porro Boetij
multi fuerunt: primus Stoicus, de
quo mentionem facit Diogenes in
Zenonis vita: secundus Epicureus,
quem Plutarchus in Conviviis intro-
ducit: tertius Cretensis, Aristotelis
studiosus, & vir consularis, a Gale-
no celebratus. Præter hos alii fue-
runt & Philosophi ambo & Peripate-
tici; unus hic ipse, de quo satis jam
dictum est Patricius Romanus: alter
Græcus & antiquior, quem & hic ip-
se in Porphyrio, & Ammonius atque
Simplicius ut Aristotelis interpretem
agnoscunt. Fuerunt itidem & duo
Symmachii, magnæ in literis existi-
mationis vterque: primus Gratiani,

&

& Valentiniā temporibus ; secundus Zenonis & Anafasij. Illius epistolæ circumferuntur , crebraque de eo in Macrobij Saturnalibus mentio habetur. Hujus nihil quidem extat. Sed ut Boëtij testimonium præteream ; Priscianus Cæsariensis de ponderibus scribens , sic eum laudat , vt omnes omnium disciplinarum apices consecutus vi- deretur.



Ani-

¶ (19) ¶
 ¶ (19) ¶ (19) ¶ (19) ¶ (19) ¶ (19) ¶ (19)

Anicij Manlij Torqnati
SEVERINI BOETII
De
CONSOLATIONE
PHILOSOPHIÆ
LIBRI I.

S Y N O P S I S .

*Boëtius carceratus, & exul imperiosâ
 Philosophia Epiphaniâ dignatur, ubi
 illa propulsis querulis Musis, eundem
 plurium sapientum, qui pari adver-
 sa fortuna pondere pressi occubueré,
 exemplo solatur: ipse verò quanta si-
 bi Senatus, totumq; Latium obligatio-
 ne teneatur, ostendit: modum dela-
 tionis sui, causamque exilij detegit,
 & vita sua innocentia manifestata de-
 magna queritur iniquitate, quâ se
 famæ, fortunæque bonis orbatum lu-
 get. Tandem Philosophia id intimius
 sciscitatur quô se ille durius gravari
 censet,*

venset, quod & totius operis princeps
est scopus.

LIBRI II.

SYNOPSIS.

*Solidis Philosophiae argumentis convinci-
tur Boëtius, vanum esse suum prioris
fortunæ desiderium. Describitur felici-
tas, &, quod hujus ipse potissimum
partem adhuc possideat, probatur.
Varij circa humanam beatitudinem
sensus, iisque erronei, quodve adver-
fitas saepe saepius felicitate sit utilior.*

LIBRI III.

SYNOPSIS.

*Idem efficacius adhuc prosequitur Philo-
sophia, & omnes quidem homines
beatitudinem appetere, in illa tamen
inquirenda deviare, dum nonnulli
in divitiis, alij in dignitatibus,
magnorum propinquitate, fama,
nobilitate, plurimi in voluptatibus
sum-*

somniata m quarebant. Nil eorum, quæ præter boni defectum, multa secum vebunt mala, beare posse, sed solum summum bonum, quod Deus est, cuius providentiâ cuncta reguntur, evidenti demonstratione afferquitur.

LIBRI IV.

SYNOPSIS.

Boëtius stupet super proborum adversitate, & malorum prosperitate, Philosophia verò palam exponit hos illis imbecilliores esse, utpote quos pœna, illos autem primum, exspectat, illa quidem tanto durior, quanto magis dilata. Providentia, & permissio divina describuntur, & tam in prosperis quam adversis, extra bonum, neminem esse felicem, ostenditur.

LIBRI V.

SYNOPSIS.

*Casus , fortuitusque eventus definitur.
Humanum arbitrium liberum assertur. Quid sit fatum , & quô rerum ordine , nexuque divina præscientia , arbitrij nostri libertate illæsâ , cuncta disponat , solide , & captu facillimè demonstratur.*



II

Anicij

Anicij Manlij Torquati
SEVERINI BOETII
De
CONSOLATIONE
PHILOSOPHIÆ,
LIBER I.
METRUM I.

CArmina qui quondam studio flo-
rente peregri,
Flebilis, heu, mæstos cogor inire
modos.

Ecce mihi laceræ dictant scribenda Ca-
menæ.

Et veris elegi fletibus ora rigant.
Has saltem nullus potuit pervincere ter-
ror,

Ne nostrum comites prosequerentur
Iter.

Gloria felicis olim viridisque juventæ
Solatur mæsti nunc mea fata senis.

Venit

Venit enim properata malis inopina se-
 nectus,
 Et dolor ætatem jussit inesse suam.
 Intempestivi funduntur vertice cani,
 Et tremit effæto corpore laxa cutis.
 Mors hominum felix, quæ se nec dulci-
 bus annis.
 Inserit, & mestis sape vocata venit.
 Ehen, quam surda miseros avertitur
 aure,
 Et flenteis oculos claudere sœva negat!
 Dum levibus malefida bonis fortuna fa-
 veret,
 Pene caput tristis merserat hora meū.
 Nunc quia fallacem mutavit nubila
 vultum,
 Protrahit ingratas impia vitamoras.
 Quid me felicem toties jactastis amici?
 Qui cecidit, stabili non erat ille gradu.

PROSA I.

HÆc dum mecum tacitus ipse
 reputarem, querimoniamque
 lacrymabilem styli officio designa-
 rem,

gnarem , adstitisse mihi supra verticem visa est mulier reverendi admodum vultus , oculis ardentibus , & ultra communem hominum valentiam perspicacibus , colore vivido , atque inexhausti vigoris ; quamvis ita ævi plena foret, ut nullo modo nostræ crederetur ætatis : staturâ discretionis ambiguæ.. Nam nunc quidem ad communem sese hominum mensuram cohíbebat , nunc verò pullare cælum summi verticis cacumine videbatur : quæ cum caput altius extulisset, ipsum etiam cælum penetrabat, respicientiumque hominum frustrabatur intuitum. Vesteſ erant tenuiſimis filis ſubtili artificio , indiſſolubilique materiâ perfectæ ; quas, uti poſt eadē prodente cognovi , ſuis manibus ipſa texuerat. Quarum ſpeciem, veluti fumofas imagines ſolet , caligo quædam neglectæ vetuſtatis obduxerat. Harum in extremo margine, Π in supremo verò Θ , legebatur intertum atq; inter utrasq; literas in ſcalatum

rum modum gradus quidam insigniti videbantur, quibus ab inferiore ad superius elementum esset adscensus. Eandem tamen vestem violentorum quorundam sciderant manus, & particulas, quas quisque potuit, abstulerant. Et dextera quidem ejus libellos, sceptrum vero sinistra gestabat. Quae ubi poeticas Musas vident, nostro assistenteis toro, fletibusque meis verba dictanteis, commoda paulisper, ac torvis inflammata luminibus. **Quis**, inquit, has scenicas meretriculas ad hunc ægrum permisit accedere? quæ dolores ejus non modo nullis fovarent remediis, verum dulcibus insuper alerent venenis? Hæ sunt enim, quæ infructuosis affectuum spinis, uberem fructibus rationis segetem necant, hominumque menteis affuefaciunt morbo, non liberant. At si quem profanum, uti vulgo solitum, nobis blanditiæ vestræ detrahent, minus molestè ferendum putarem. Nihil quippe in eo nostræ operæ laderem.

derentur. Hunc verò Eleaticis, atque Academicis studijs attigistis innutritum? Sed abite potius Seirenes usque in exitium dulces, meisque eum Musis curandum, sanandumque relinquite. His ille chorus increpitus, dejicit humi mæstior vultum, confessusque rubore verecundiam, limen tristis excepsit. At ego, cuius acies lacrymis mersa caligarat, ne dignoscere possem, quænam hæc esset mulier tam imperiosæ auctoritatis, obstupui, visuque in terram defixo, quidnam deinceps esset actura, expectare tacitus cœpi. Tum illa proprius accedens, in extrema lectuli mei parte confedit, meumque intuens vultum luctu gravem, atque in humum mærore dejatum, his versibus de nostræ mentis perturbatione conquesta est.

M E L R V M II.

Heu quam præcipiti mersa profundo,

Mens habet, & propriâ luce relicta.

Tendit in externas ire tenebras,
 Terrenis quoties flatibus acta,
 Crescit in immensum noxia cura!
 Hic quondam cielo liber aperto,
 Suetus in aetherios ire meatus,
 Cernebat rosei lumina solis,
 Visibat gelida sidera luna,
 Et quacunque vagos stellae recursus
 Exercet, varios flexa per orbēs,
 Comprensam numeris vīctor habebat.
 Quin etiam caussas, unde sonora
 Flumina sollicitent aquora Ponti,
 Quis volvat stabilem spiritus orbem,
 Vel cur Hesperias sidus in undas
 Casurum rutilo surgat abortu:
 Quis veris placidas temperet horas,
 Ut terras roseis floribus ornet:
 Quis dedit ut pleno fertilis anno
 Autumnus gravidis influat uvis,
 Rimari solitus, atque latentis
 Naturae varias reddere caussas:
 Nunc jacet effæto lumine mentis,
 Et pressus gravibus colla catenis,
 Declivemque gerens pondere vultum,
 Cogitur, heu! stolidam cernere terram.

PROSA II.

Sed medicinæ, inquit, potius tem-
pus est, quam querelæ. Tum ve-
rò totis in me intenta luminibus: Tu-
ne es ille, qui nostro quondam lacte
nutritus, nostris educatus alimentis,
in virilis animi robore evaferas? Atqui
talia contuleramus arma, quæ nisi
priùs abjecisses, invictâ te firmitate
tuerentur. Agnoscisne me? Quid ta-
ces? pudore an stupore siluisti? mal-
lem pudore; sed te, ut video, stupor
oppressit. Cúmq; me non modò ta-
citum, sed elinguem prorsus, mu-
tumque vidisset, admovit pectori
meo leniter manum. Et nihil, in-
quit, periculi est, lethargum patitur,
comunem illusarum mentium mor-
bum. Sui paulisper oblitus est; recor-
dabitur facile, si quidem nos ante re-
cognoverit. Quod ut possit, pauli-
sper lumina ejus, mortalium rerum
nube caligantia, tergamus. Hæc di-
xit, oculosque meos fletibus vn-

danteis , contracta in rugam veste,
siccavit.

METRUM. III.

Tunc me discussâ liquerunt nocte te-
nebrae,
Luminibusque prior rediit vigor :
Ut cùm præcipiti glomerantur sidera coro
Nimboisque polus stetit imbris,
Sol latet , ac nondum cælo venientibus
astris ,
Desuper in terram nox funditur ;
Hanc si Thraïcio Boreas emissus ab antro
Verget , & clausum referet diem ,
Emicat , & subito vibratus lumine Phæ-
bus ,
Miranteis oculos radijs ferit.

PROSA. III.

HAUD aliter tristitiae nebulis dis-
solutis , hausi cælum , & ad
cognoscendam medicantis fa-
ciem mentem recepi. Itaque ubi in
eam

eam deduxi oculos , intuitumque defixi , respicio nutricem meam , in cuius ab adolescentia Laribus versatus fueram , Philosophiam. Et quid , inquam , tu in has exilij nostri solitudines ; ô omnium magistra virtutum , supero cardine delapsa venisti ? an ut tu quoque mecum rea falsis criminationibus agiteris ? An , inquit illa , te , ô alumne , desererem , nec sarcinam , quam mei nominis invidiâ sustuliisti , communicato tecum labore partirer ? Atqui Philosophiae fas non erat , incommittatum relinquere iter innocentis , meam scilicet criminationem verecer ? & quasi novi aliquid acciderit , sic perhorrescerem ? Nunc enim primum censes apud improbos mores lacefitam periculis esse sapientiam ? Nonne apud veteres quoque , ante nostri Platonis ætatem , magnum saepe certamen , cum stultitiae temeritate certavimus ? eodemque superstite , præceptor ejus Socrates injustæ victoriam mortis me adstante prome-

ruit? Cujus hæreditatem, cùm deinceps Epicureum vulgus, ac Stoicum, cæterique pro sua quisque parte raptum ire molirentur, mèque reclamantem, renitentemque, velut in partem prædæ, traherent, vestem, quam meis texueram manibus, disciderunt, abreptisque ab ea panniculis, totam me sibi cessisse credentes, abière. In quibus, quoniam quædam nostri habitūs vestigia videbantur, meos esse familiareis imprudentiā rata, nonnullos eorum profanæ multitudinis errore pervertit. Quod si nec Anaxagoræ fugam, nec Socratis venenum, nec Zenonis tormenta, quoniam sunt peregrina, novisti, at Cavios, at Senecas, at Soranos, quorum nec pervetusta, nec incelebris memoria est, scire potuisti. Quos nihil aliud in cladem detraxit, nisi quòd nostris moribus instituti, studiis improborum dissimillimi videbantur. Itaque nihil est, quod admirere, si in hoc vitæ salo circumstantibus agitemur.

mur procellis , quibus hoc maximè propositum est , pessimis displicere. Quorum quidem tametsi est numerosus exercitus, spernendus tamen est: quoniam nullo duce regitur , sed errore tantùm temerè , ac passim lymphante raptatur. Qui si quando contra nos aciem struens valentior incubuerit , nostra quidem dux copias suas in arcem contrahit : illi verò circa diripiendas inviles sarcinulas occupantur. At nos desuper irridemus , vilissima rerum quæque rapienteis , securi totius furiosi tumultūs , eoque vallo muniti , quō graffanti stultitiae adspirare fas non sit.

METRUM IV.

Quisquis composito serenus ævo ,
Fatum sub pedibus dedit superbū
Fortunāmque tuens utramque rectus ,
Invictum potuit tenere vultum ;
Non illum rabies , minaque Ponti
Versum funditus excitant is astum .

B 5

Nec

Nec ruptis quoties vagus caminis,
 Torquet fumificos Vesevus igneis,
 Aut celsas soliti ferire turreis,
 Ardentis via fulminis movebit.
 Quid tantum miseri feros tyrannos
 Mirantur sine viribus furenteis?
 Nec speres aliquid, nec extimescas:
 Exarma veris impotentis iram:
 At quisquis trepidus pavet, vel optat,
 Quod non sit stabilis, suique juris,
 Abjecit clypeum, locoque motus
 Necit, qua valeat trahi, catenam.

PROSA IV.

Sentisne, inquit, hæc, atque
 animo illabuntur tuo? Es-
 ne, *Afinus ad Lyram.* Quid
 fles? Quid lacrymis manas? Elo-
 quere, ne occultes intellectui. Si o-
 peram medicantis expectas, opor-
 tet ut vulnus detegas tuum. Tum
 ego collecto in vires animo: An-
 ne adhuc eget admonitione, nec
 per se latis eminet fortunæ in nos
 vientis

vientis asperitas ? Nihilne te ipsa loci facies movet : Hæccine est bibliotheca , quam certissimam tibi sedem nostris in Laribus ipsa delegeras ? in qua mecum sæpe residens , de divinarum humanarumque rerum scientia dissebas , Talis habitus , talisque vultus erat cùm tecum naturæ secreta rimarer , cùm mihi siderum vias radio describeres , cùm mores nostros , totiusque vitæ , rationem ad cœlestis ordinis exemplar formares . Hæccine præmia referimus tibi obsequentes ? Atque tu hanc sententiam Platonis ore sanxisti , Beatas fore respuplicas , si eas vel studiosi sapientiæ regerent , vel earum rectores studere sapientiæ contigisset . Tu ejusdem viri ore hanc sapientibus capeſſendæ reipublicæ necessariam cauſsam esse monuisti , ne improbis flagitiosisq; civibus urbium relicta gubernacula , pestem bonis ac perniciem inferrent . Hanc igitur autoritatem secutus , quod à te inter secreta otia didiceram , transferre in a-

ctum publicæ administrationis opta-
vi. Tu mihi , & qui te sapientum
mentibus inferuit Deus, estis conscientijs,
nullum me ad magistratum, nisi com-
mune bonorum omnium studium ,
detulisse. Inde cum improbis graves
inexorabilésque discordiæ , & quod
conscientiæ libertas habet, pro tuen-
do jure spreta potentiorum semper
offensio. Quoties ego Conigastum ,
in imbecillis cuiusque fortunas impe-
tum faciente, obvius excepī ! Quo-
ties Triguillam regiæ præpositum do-
mūs ab incepta , perpetratāque jam
prorsus injuria dejeci ! Quoties mife-
ros quos infinitis calumnijs impunita
Barbarorum semper avaritia vexabat,
objecta periculis auctoritate protexi :
Numquam me ab jure ad injuriam
quisquam detraxit. Provincialium
fortunas, tum privatis rapinis , tum
publicis vetricalibus pessundari , non
aliter, quam qui patiebantur , indolui.
Cùm acerbæ famis rempore gravis
atque inexplicabilis indicta coëmptio

pro-

profligatura inopiâ Campaniam Provinciam videretur , certamen adversum præfectum prætorij communis commodi ratione suscepit, rege cognoscente contendit, & ne coemptio exigeretur evici. Paulinum consularem virum , cuius opes Palatini canes jam spe atque ambitione devorassent , ab ipsis hiantium faucibus traxi. Ne Albinum consularem virum præjudicatae accusationis pœna corriperet , odijs me Cypriani delatoris opposui. Satisne in me magnas videor exacer-
vasse discordias ? sed esse apud cæteros tutior debui , qui mihi amore iustitiæ nihil apud aulicos , quò magis essem tutior , servavi. Quibus autem deferentibus perculti sumus ? quorum Basilius olim regio ministerio depulsus , in delationem nostri nominis , alieni æris necessitate compulsus est. Opilionem verò , atque Gaudentium cum ob injurias , atque multiplices fraudes ire in exilium regia censura decrevisset , cumque illi parere nolen-

tes sacrarum sese ædium defensione
tuerentur, compertumque id regi fo-
ret, edixit, ut nisi intra præscriptum
diem Ravennâ vrbe decederent,
notis insigniti frontibus pellerentur.
Quid huic severitati posse adstrui vi-
detur? At qui eodem die deferentibus
eisdem, nominis nostri delatio suscep-
pta est. **Quid** igitur? nostræ ne artes
ita meruerunt? an illos accusatores
justos fecit præmissa damnatio? Itane
nihil fortunam puduit, si mjnus accu-
satæ innocentiae, at accusantium vi-
litatis? At, cujus criminis arguimur,
summam quæris? Senatum dicimur
salvum esse voluisse. Modum desi-
deras? delatorem, ne documenta de-
ferret, quibus Senatum Majestatis
reum faceret, impediisse criminamur.
Quid igitur, ò Magistra, censes? infa-
ciabimur crimen, ne tibi pudori si-
mus? At volui, nec unquam velle de-
finam. Fatebimur? Sed impediendi
delatoris opera cessabit. An optasse
illius ordinis salutem nefas vocabo?

ille quidem suis de me decretis, uti
hoc nefas esset, effecerat. Sed sibi
semper mentiens imprudentia rerum,
merita non potest immutare: nec mi-
hi Socratico decreto fas esse arbitror,
vel occuluisse veritatem, vel con-
cessisse mandacium. Verum id quo
modo sit, tuo, sapientiumque judi-
cio, aestimandum relinquo. Cujus
rei seriem, atque veritatem, ne late-
re posteros queat, stylo etiam, me-
moriaque mandavi. Nam de com-
positis falsò literis, quibus libertatem
arguor sperasse Romanam, quid atti-
net dicere? **Quarum** fraus aperta pa-
tuisset, si nobis ipsorum confessione
delatorum, quod in omnibus nego-
tijs maximas vires habet, utilicuisset.
Nam quæ sperari reliqua libertas po-
test? Atque utinam possit ulla! Re-
spondissim Canii verbo: qui cum à
C. Cæsare Germanici filio conscius
contra se factæ conjurationis fuisse di-
ceretur; Si ego, inquit, scissim, tu
nescisses. **Qua** in re non ita sensus no-
stros

stros mœror hebetavit , ut impios
scelerata contra virtutem querar molitos : sed , quæ speraverint effecisse ,
vehementer admiror . Nam deteriora
ra velle , nostri fuerit fortassè defectus :
posse verò contra innocentiam , quæ
sceleratus quisque conceperit , inspe
ctante Deo , monstri simile est : vi
de haud injuriā tuorum quidam fami
iliarum quæsivit : Siquidem Deus , in
quit , est , vnde mala ? bona verò vnde , si non est ? Sed fas fuerit nefarios
homines , qui bonorum omnium , to
tiūsque Senatūs sanguinem petunt ,
nos etiam , quos propugnare bonis ,
Senatuīque viderant , perditum ire
voluisse . Sed num idem de patribus
quoque merebamur ? Meministi , vt
opinor , quoniam me dicturum quid ,
facturūmve præsens ipsa semper di
rigebas . Meministi , inquam , Vero
næ cùm rex avidus communis exitij ,
Majestatis crimen in Albinum dela
tum ad cunctum Senatūs ordinem
transferre moliretur , universi inno
centiam

centiam Senatūs , quantā mei periculi securitate defenderim . Scis me hæc & vera proferre , & in nulla umquam mei laude jactasse . Minuit enim quodammodo se probantis conscientiæ secretum , quoties ostentando quis factum recipit famæ pretium Sed innocentiam nostram , quis exceperit eventus , vides . Pro veræ virtutis præmijs falsi sceleris pœnas subimus . Et cuius umquam facinoris manifesta confessio ita judices habuit in severitate concordes , vt non aliquos vel ipse humani error ingenij , vel fortunæ conditio cunctis mortalibus incerta submitteret ? Si inflamare sacras ædes voluisse , si sacerdotes impio jugulare gladio , si bonis omnibus necem struxisse diceremur , præsentem tamen sententiâ confessum , convictumve punisset . Nunc quingentis ferè passuum millibus procul moti , atque indefensi ob studium propensius in Senatum , morti , proscriptioneque damnamur . O meritos , de simili

mili criminē neminem posse convinci ! cuius dignitatē reatūs, ipsi etiam qui detulere , viderunt : quam uti aliquius sceleris admītione fuscarent, ob ambitum dignitatis , sacrilegio me conscientiam polluisse , mentiti sunt. Atqui & tu insita nobis , omnem rerum mortalium cupidinem de nostri animi sede pellebas , & sub tuis oculis sacrilegio locum esse fas non erat. Instillabas enim auribus , cogitationibꝫque quotidie meis Pythagoricum illud , *Sequere D E U M.* Nec conveniebat vilimorum me spirituum præsidia captare , quem tu in hanc excellētiam componebas , vt consimilem Deo faceres. Præterea penetrale innocens domūs , honestissimorum cœtus amicorum , sacer Symmachus sanctus , & æque actu ipso reverendus ab omni nos hujus criminis suspicio- ne defendunt. Sed ô nefas ! illi verò de te tanti criminis fidem capiunt, atque hoc ipso affines suis videmur

maleficio ; quod tuis imbuti disciplinis, tuis instituti moribus sumus. Ita non est satis nihil mihi profuisse tuam reverentiam, nisi ultro tu mea potius offensione lacereris. At verò hic etiam nostris malis cumulus accedit, quod existimatio plurimorum non rerum merita, sed fortunae spectat eventum ; eaque tantum judicat esse provisa, quæ felicitas commendaverit. Quo fit, ut existimatio bona prima omnium deferat infelices. Qui nunc populi rumores, quam dissonæ, multiplicésque sententiæ, piget reminisci. Hoc tantum dixerim : vltimam esse adversæ fortunæ sarcinam, quod dum miseris aliquod crimen affingitur, quæ perferunt, meruisse creduntur. Et ego quidem bonis omnibus pulsus, dignitatibus exutus, existimatione fœdatus, ob beneficium, supplicium tuli. Videre autem videor nefarias sceleratorum officinas gaudio, lætitiāque fluitanteis : perditissimum quemq; novis delationum frau-

fraudibus imminentem : jacere bonos , nostri discriminis terrore prostratos : flagitiosum quemque, ad audendum quidem facinus impunitate , ad efficiendum verò præmijs , incitari : insonteis autem non modò securitate, verùm ipsa etiam defensione privatos, itaque libet , exclamare.

M E T R U M V.

O Stelliferi conditor orbis ;
 Qui perpetuo nixus folio
 Rapido cœlum turbine versas ,
 Legemque pati sidera cogis ;
 Ut nunc pleno lucida cornu ,
 Totisfratribus obvia flammis ,
 Condat stellas Luna minores ,
 Nunc obscur o pallida cornu ,
 Phæbo propior , lumina perdat .
 Et qui primæ tempore noctis ,
 Agit algenteis Hesperus ortus ,
 Solitas iterum mutat habenas ,
 Phæbi pallens Lucifer ortu ,
 Tu frondifluæ frigore bruma

Strin-

Stringis lucem breviore mora:
 Tu cùm fervidens venerit ætas,
 Agileis noctis dividis horas,
 Tua vis varium temperat annum,
 Ut, quas Boreæ spiritus aufert,
 Revehat mitis Zephyrus, frondeis:
 Quæque Arcturus semina videt,
 Seirius altas urat segetes.
 Nihil antiquâ lege solutum,
 Linquit propriæ stationis opus.
 Omnia certo fine gubernans,
 Hominum sòlos respuis actus,
 Merito rector cohibere modo.
 Nam cur tantas lubrica versat,
 Fortuna vices? premit insonteis
 Debita sceleri noxia pœna:
 At perversi, resident celso,
 Mores solio, sanctaque calcant,
 Injustâ vice colla nocentes.
 Latet obscuris condita virtus,
 Clara tenebris, iustusque tulit,
 Crimen iniqui.
 Nil perjuria, nil nocet ipsis,
 Fraus mendacij comta colore.
 Sed cum libuit viribus uti,

Quos

*Quos innumeris metuunt populi,
Summos gaudent subdere reges.
Ojam miseras respice terras,
Quisquis rerum fædera necis.
Operis tanti pars non vilis,
Homines, quatimur fortunæ salo.
Rapidos rector comprime fluctus,
Et quo cœlum regis immensum,
Firma stableis fædere terras.*

PROSA V.

HÆc ubi continuato dolore declaravi, illa vultu placido, nihilque meis questibus mota: Cùm te, inquit, mæstum, lacrymantemque vidisssem, illicò miserum, exulémq; cognovi. Sed quām id longinqvum esset exilium, nisi tua prodidisset oratio, nesciebam. Sed tu porcul à patria non quidem pulsus es, sed aberrasti. At si te pulsum existimari mavis, te potius ipse pepulisti. Nam id quidem de te nunquam cuiquam fas fuisset. Si enim cujus oriundus

dus sis patriæ reminiscaris, non, vti
Atheniensium quondam multitudi-
nis imperio regitur : Sed *vnus Rex*
est, *unus dominus*. Qui frequentiâ
civium, non depulsione lætatur: cujus
agi freuis, atque obtemperare iusti-
tiæ, summa libertas est. An ignoras
illam tuæ civitatis antiquissimam le-
gem, qua sancitum est, ei jus exulare
non esse, quisquis in ea sedem funda-
re maluerit ? Nam qui vallo ejus, ac
munimine continetur, nullus metus
est, ne exsul esse mereatur. At quis-
quis inhabitare eam velle desierit,
pariter desinit etiam mereri. Itaque
non tam me loci hujus, quam tua fa-
cies movet. Nec bibliothecæ potius
comptos ebore, ac vitro parietes,
quam tuæ mentis sedem, requiro. In
qua non libros, sed id, quod libris pre-
mium facit, librorum quondam meo-
rum sententias, collocavi. Et tu qui-
dem de tuis in commune bonum me-
ritis vera quidem, sed pro multitudi-
ne gestorum tibi, pauca dixisti. De
ob-

objectorum tibi, vel honestate, vel
falsitate, cunctis nota memorasti. De
sceleribus, fraudibusque delatorum
recte tu quidem strictim attingen-
dum putasti, quod ea melius, uber-
iusque recognoscens omnia vulgi
ore celebrentur. Increpuisti etiam
vehementer injusti factum Senatus.
De nostra etiam criminatione dolui-
sti, laetaque opinionis damna flevisti.
Postremus adversus fortunam dolor
incanduit, conquestusque es non æ-
qua meritis præmia pensari. In ex-
tremo Musæ sævientis, uti quæ cæ-
lum, terras quoque pax regeret, vota
posuisti. Sed quoniam plurimus tibi
affectionatum tumultus incubuit, diver-
sumque te dolor, ira, mœror distra-
hunt, uti nunc mentis es, nondum
te validiora remedia contingunt. Ita-
que lenioribus paulisper utemur, ut
quæ in tumorem perturbationibus
influentibus induruerunt, ad acrioris
vim medicaminis recipiendam, ta-
ctu blando mollescant.

M E

M E I T R U M VI.

Cum Phœbi radijs grave,
 Cancris sidus inestuat;
 Tum qui larga negantibus,
 Sulcis semina credidit,
 Elusus Cereris fide,
 Quernas pergit ad arbores.
 Nunquam purpureum nemus,
 Lecturus violas petas,
 Cum sævis Aquilonibus
 Stridens campus inhorruit,
 Nec queras avidâ manu,
 Vernos stringere palmites,
 Vt si libeat frui;
 Autumno potius sua
 Bacchus munera contulit.
 Signat tempora proprijs,
 Aptans officijs Deus,
 Nec, quas ipse coercuit,
 Misceri patitur vices,
 Sic quod præcipiti viâ,
 Certum deserit ordinem,
 Latos no. habet exitus.

PROSA VI.

PRIMÙM igitur paterisne me pauculis rogationibus statum tuæ mentis attingere , atque tentare ; vt qui modus sit tuæ curationis , intelligam ? Tu verò arbitratu , inquam , tuo quæ voles , vt responfum rogato . Tum illa , Hunc cine , inquit , mundum temerarijs agi , fortuitisque casibus putas ? an vllum credis ei inesse regimen rationis ? Atqui , inquam , nullo existimaverim modo , vt fortuita temeritate tam certa moveantur . Verùm operi suo conditorem præsidere Deum scio : nec vñquam fuerit dies , qui me ab hac sententiæ veritate depellat . Ita est , inquit . Nam id etiam paullo ante cœciuisti , hominésque tantùm divinæ exfortes curæ esse deplorasti . Nam de cæteris , quin ratione regerentur , nihil movebare . Papæ autem vehe menter admiror , cur , in tam salubri sententia locatus , ægrotæ ! Verùm altius

altius perscrutemur : nescio , quid abesse conjecto . Sed dic mihi , quoniam à Deo mundum regi non ambigis , quibus etiam gubernaculis regatur advertis ? Vix , inquam , rogationis tuæ sententiam nosco , ne dum ad inquisita respondere queam . Num me , inquit , fecellit abesse aliquid , per quod , velut hiante valli robore , in animum tuum perturbationum morbus irrepserit ? Sed dic mihi , meministine , quis sit rerum finis ? quæve totius naturæ tendat intentio ? Audieram , inquam , sed memoriam mæror hebetavit . At qui scis , vnde cuncta processerint ? Novi , inquam , Deumque esse respondi . Et qui fieri potest , ut principio cognito , quis sit rerum finis , ignores ? Verum hi perturbationum mores sunt , ea valentia est , ut movere quidem loco hominem possint ; convellere autem , sibiique totum extirpare non possint . Sed hoc quoque respondeas velim ; hominemne te esse meministi : Quid

ni, inquam, meminerim? Quid igitur homo sit, poteris ne proferre? Hocci-
ne interrogas, an esse nesciam ratio-
nale animal, atque mortale; Scio, &
id me esse confiteor. Et illa: Nihil ne
te aliud esse novisti? Nihil. Iam scio
morbi tui, inquit, aliam vel maxi-
mam causam; quid ipse sis, nosse
desisti. Quare plenissime vel ægritu-
dinis tuæ rationem, vel aditum re-
conciliandæ sospitatis inveni. Nam
quoniam tui oblivione confunderis,
& exsulem, & expoliatum proprijs
bonis esse doluisti. Quoniam verò,
quis sit rerum finis, ignoras, ne quam
homines, atque nefarios, potenteis,
felicésque arbitraris. Quoniam verò,
quibus gubernaculis mundus regatur,
oblitus es, has fortunarum vices exi-
stimas sine rectore fluitare. Magnæ
non ad morbum modò, verùm ad
interitum quoque causæ. Sed sospitati-
tis auctori grates, quòd te nondum
totum natura destituit. Habemus
maximum tuæ somitem salutis, ve-

ran!

ram de mundi gubernatione sententiam, quod eam non casuum temeritati, sed divinae rationi subditam credis. Nihil igitur pertimescas. Iam tibi ex hac minima scintillula vitalis calor illuxerit. Sed quoniam firmioribus remediis nondum tempus est vti, & eam mentium constat esse naturam, ut quoties abjecerint veras, falsis opinionibus induantur, ex quibus orta perturbationum caligo verum illum confundit intuitum; hanc paulisper lenibus, mediocribusque fomentis attenuare tentabo, ut dimotis fallacium affectionum tenebris splendorem verae lucis possis agnoscere.

METRUM VII.

Nubibus atris
Condita nullum
Fundere possunt
Sidera lumen.
Si mare volvens
Turbidus Auster

*Misceat astum,
Vitre a dudum,
Parque serenis
Vnda diebus,
Mox resoluto
Sordida cæno,
Visibus obstat.*

*Quique vagatur
Montibus altis
Defluus amnis,
Sape resistit
Rupe soluti
Obijce saxi.
Tu quoque si vis
Lumine claro
Cernere verum,
Tramite recto
Carpere callem:
Gaudia pelle,
Pelle timorem;
Spemque fugato,
Nec dolor adsit.
Nubila mens est,
Vinctaque frenis,
Hac ubi regnant.*

LIBER SECUNDUS.

PROSA I.

POsthaec paulisper obticuit: atque ubi attentionem meam, modestâ taciturnitate collegit, sic exorsa est. Si penitus ægritudinis tuæ causas, habitumque cognovi, fortunæ prioris affectu, desiderioque tabescis; ea tantum animi tui statum, sicuti tu tibi fingis, mutata pvertit. Intelligo multiformeis illius prodigijs fucos, & eò usque cum ijs, quos eludere nititur, blandissimam familiaritatem exercere, dum intolerabili dolore confundat, quos insperata reliquerit. Cujus si naturam, mores ac meritum reminiscare, nec habuisse te in ea pulchrum aliquid, nec amisisse cognoscet. Sed, ut arbitror, haud multum tibi hæc in memoriam revocare laboraverim. Solebas enim præsentem quoque, blandientemque virilibus incessere verbis: eamque de

nostro adyto prolatis insectabare sententijs. Verum omnis subita mutatio rerum non sine quodam quasi fluctu contingit animorum. Sic factum est, ut tu quoque paulisper à tua tranquilitate discesseris. Sed tempus est, haurire te aliquid ac degustare molle, atque jucundum, quod ad interiora transmissum validioribus haustibus viam fecerit. Adsit igitur Rheticæ suadela dulcedinis, quæ tunc tantum recto calle procedit, cum nostra instituta non deserit; cumque hac Musica Laris nostri vernula nunc leviores, nunc graviores modos succinat. Quid est igitur, ò homo, quod te in mestitiam, luctumque dejecit? novum credo aliquid, inusitatumque vidisti. Tu, si fortunam putas erga te esse mutantam, erras. Hi semper ejus mores sunt; haec natura est. Servavit circate propriam potius in ipsa sui mutabilitate constantiam. Talis erat, cum blandiebatur, cum tibi falsæ illecebris felicitatis alluderet. Deprehendisti

cæci Numinis ambiguos vultus. Quæ
seſe adhuc velat alijs, tota tibi prorsùs
innotuit. Si probas, vtere moribus,
ne queraris. Si perfidiam perhorrescis,
ſperne, atque abijce pernicioſè allu-
denter? Nam quæ nunc mœroris ti-
bi cauſa tanti eſt, hæc eadem tran-
quillitatis eſſe debuiffet. Reliquit e-
nim te, quam non relicturam nemo
vnquam poterit eſſe ſecurus. An ve-
rò tu pretiosam æſtimasabituram fe-
licitatem? & cara tibi eſt fortuna præ-
ſens, nec manendi fida, & cum di-
ſcēſſerit allatura mærorem? Quòd si
nec arbitrio retineri potest, & calamiti-
toſos fugiens facit; quid eſt aliud fu-
gax, quām futuræ quoddam calamiti-
tis indicium? Neque enim quod
ante oculos ſitum eſt ſuffecerit intue-
ri. Rerum exitus prudentia metitur;
eadémque in alterutro mutabilitas,
nec formidandas facit eſſe blanditias.
Poſtremò æquo animo toleres opor-
tet, quidquid intra fortunæ aream ge-
ritur, cùm ſemel jugo ejus colla ſub-

miseris. Quòd si manendi , abeundi-
que scribere legem velis ei , quam tu
dominam spontè elegisti , nonne in-
jurius fueris : & impatientia tua for-
tem exacerbabis , quam permutare
non possis ? Si ventis vela commit-
teres , non quò voluntas peteret , sed
qñò flatus impelleret , promovereris.
Si arvis semina crederes , feraces in-
ter se annos , sterileisque pensares. For-
tunæ te regendum dedisti , dominæ
moribus oportet obtemperes. Tu
verò volventis rotæ impetum retine-
re conaris ? At omnium mortalium
stolidissimé , si manere incipit , fors
esse desistit.

M E T R V M I.

HÆc cùm superba verterit vices
dextra ,
Et astuantis more fertur Euripi ,
Dudum tremendos sœva proterit reges ,
Humilemque victi sublevat fallax vul-
tum ;

Non

*Non illa miseros audit : haud curat fle-
tus ;*

*Vlthroque gemitus , dura quos fecit , ridet .
Sic illa ludit , sic suas probat vires ;
Magnumque suis monstrat ostentum , si
quis ,*

Visatur una stratus ac felix hora .

PROSA II.

VEllem autem pauca tecum for-
tunæ ipsius verbis agitare. Tu
igitur an jus postulet, animadverte.
Quid tu ô homo ream me quotidiana-
nis agis querelis : **Q**quam tibi fecimus
injuriam ? **Q**uae tua tibi detraximus
bona ? **Q**uovis judice de opum , di-
gnitatūmq; mecum possessione con-
tende. Et si cujusquam mortalium
proprium quid horum esse monstra-
veris, ego jam tua fuisse quæ repetis ,
spontè concedam. Cùm te matris
ex vtero natura produxit, nudum re-
bus omnibus , inopémque suscepi,
meis opibus fovi , & quod te nunc
impatientem nostri facit , favore pro-

na indulgentius educavi, & omnium,
quæ mei sunt juris, affluentia, &
splendore circumdedi. Nunc mihi re-
trahere manum libet; habe gratiam,
velut usus alienis. Non habes jus que-
relæ, tanquam tua prorsus perdi-
ris. Quid ergo ingemiscis? nulla ti-
bi à nobis illata est violentia. Opes,
honores, cæteraque talium mei sunt
juris. Dominam famulæ cognoscunt;
mecum veniunt, me abeunte disce-
dunt. Audacter affirmem, si tua fo-
rent, quæ amissa conquereris, nullò
modò perdidisses. An ego sola meum
jus exercere prohibeor? Licet cælo
proferre lucidos dies, eosdémque te-
nebrosis noctibus condere. Licet an-
no terræ vultum nunc floribus frugi-
busque redimire, nunc nimbis, fri-
goribusque confundere. Jus est mari,
nunc strato æquore blandiri, nunc
procellis, ac fluctibus inhorrescere.
Nos ad constantiam nostris moribus
alienam inexpleta hominum cupiditi-
tas alligabit? Hæc nostra vis est, hunc

COR-

continuum ludum ludimus. Rotam volubili orbe versamus, infima summis, summa infimis mutare gaudemus. Adscende si placet, sed eâ lege, ne vti, cùm ludici mei ratio poscet, descendere injuriam putas. An tu mores ignorabas meos? Ne sciebas Crœsum regem Lydorum Cyro paulò ante formidabilem, mox deinde miserandum rogi flammis traditum, missò cœlitùs imbre defensum? Num te præterit Paullum Persi regis à se capti calamitatibus pias impendisse lacrymas? Quid tragœdiarum clamor aliud deflet, nisi indiscreto iactu fortunam felicia regna vertentem? Nonne adolescentulus, *Duo dolia malorum quidem unum, alterum autem bonorum, in Jovis limite jacere didicisti?* Quid si vberiūs de bonorum parte sumisti? quid si à te non tota discessi? quid si hæc ipsa mei mutabilitas justa tibi causa est sperandi meliora? Tamen ne animo contabescas, & int̄ta commune om-

nibus regnum locatus , proprio jure
vivere desideres.

M E T R V M II.

Si quantas rapidis flatibus incitum
Pontus versat arenas ,
Aut quot stelliferis edita noctibus
Cælo sidera fulgent ,
Tantas fundat opes , nec retrahat manū ,
Pleno copia cornu ,
Humanum miser as hand ideo genus
Cesset flere querelas .
Quamvis vota libens excipiat Deus
Multi prodigis auri ;
Et claris avidos ornet honoribus .
Nil iam parta videntur :
Sed quæsita vorans sæva rapacitas
Altos pandit hiatus .
Quæ jam præcipitem ferna Cupidinem ,
Certo fine retentent ,
Largis cùm potius muneribus fluens
Sitis ardescit habendi ?
Numquam dives agit , qui trepidus ge-
mens ,
Se credit egentem .

PRO-

PROSA III.

His igitur si pro se tecum fortuna loqueretur, quid prefecto contra hisceres non haberet. At si quid est, quod querelam tuam jure tuearis, proferas oportet; dabimus dicendi locum. Tum ego: Speciosa quidem ista sunt, inquam, oblitaque rhetoricae, ac musicae melle dulcedinis; tum tantum, cum audiuntur, oblectant. Sed miseris malorum altior sensus est. Itaque cum haec auribus insonare desierint, insitus animum maior prægravat. Et illa, Ita est, inquit. Haec enim nondum morbi tui remedia, sed adhuc contumacis adversus curationem doloris fomenta quædam sunt. Nam quæ in profundum sese penetrent, cum tempestivum fuerit, admovebo. Verumtamen ne te miserum existimari velis, an numerum modumque tuæ felicitatis oblitus es? Taceo quod desolatum parente, summorum te virorum cura susce-

suscepit, delectusque in affinitatem
principum civitatis, quod pretiosissi-
mum propinquitatis genus est, prius
carus, quam proximus esse cœpisti.
Quis non te felicissimum cum tanto
splendore sacerorum, cum conjugis
pudore, tam masculæ quoque prolis
opportunitate prædicavit? Prætereo
(libet enim præterire communia)
sumtas in adolescentia negatas seni-
bus dignitates: ad singularem felici-
tatis tuæ cumulum venire delectat. Si
quis rerum mortaliū fructus ullum
beatitudinis pondus habet, poteritne
illius memoria lucis quantalibet in-
gruentium malorum mole deleri?
cùm duos pariter consules liberos
tuos domo provehi, sub ferquentia
patrum, sub plebis alacritate vidisti;
cum eisdem in curia curules insiden-
tibus, tu regiae laudis orator, ingenij
gloriam, facundiæque meruisti: cùm
in circo duorum medius consulum
circumfusæ multitudinis exspecta-
tionem, triumphali largitione satiasti.

Dedi-

Dedisti, vt opinor, verba fortunæ,
 dum te illa demulcet, dum te, vt
 suas delicias, fovet. Munus, quod
 nulli vñquam privato commodave-
 rat, abstulisti. Vilne igitur cum for-
 tuna calculum ponere: Nunc te pri-
 mum liventi oculo præstrinxit. Si
 numerum, modumque letorum,
 tristiumve consideres, adhuc te fe-
 licem negare non possis. Quod si id-
 circo te fortunatum esse non existi-
 mas, quoniam, quæ tunc læta vide-
 bantur, abierunt, non est quod te mi-
 serum putas; quoniam quæ nunc
 mœsta creduntur, prætereunt. An
 tu in hanc vitæ scenam nunc pri-
 mum subitus, hospesque venisti? ul-
 lamne humanis rebus inesse constan-
 tiā reris, cùm ipsum sæpe hominem
 velox hora dissolvat? Nam etsi rara
 est fortuitis manendi fides? Ultimus
 tamen vitæ dies mors quædam fortu-
 næ est etiam manentis. Quid igitur
 referre putas? Túne illam-moriendo
 deferas, illa an te fugiendo?

ME-

METRUM III.

Cum polo Phæbus roseis quadrigis
 Lucem spargere cæperit,
 Pallet albenteis hebetata vultus
 Flammis stella prementibus,
 Cum nemus flatu Zephyri tepentis,
 Vernis irrubuit rosis.
 Spiret insanum nebulosus Auster,
 Iam spinis abeat decus:
 Sape tranquillo radiat sereno
 Immotis mari fluctibus:
 Sape ferventeis Aquilo procellas
 Verso concitat æquore.
 Rara si constat sua forma mundo,
 Si tantas variat vices,
 Crede fortunis hominum a caducis,
 Bonis crede fugacibus.
 Constat, æterna positumque lege est,
 Ut constet genitum nihil.

PROSA IV.

Tum ego, Vera, inquam, com-
 memoras ô virtutum om-
 nium nutrix, nec inficiari pos-
 sum

sum prosperitatis meæ velocissimum cursum. Sed hoc est, quod recolentem me vehementius coquit. Nam in omni adversitate fortunæ infelicitissimum genus est infortunij, fuisse felicem. Sed quod tu, inquit, falsæ opinionis supplicium luis, id rebus jure imputare non possis. Nam si te hoc inane nomen fortuitæ felicitatis movet, quam plurimis, maximisque abundes, mecum reputes licet. Igitur si quod in omni fortunæ censu, preciosissimum possidebas, id tibi divinitus illæsum adhuc, inviolatumque servatur, poterisne meliora quæque retinens, de infortunio jure caussari? Atqui viget incolumis, illud pretiosissimum generis humani decus, Symmachus sacer; & quod vitæ pretio non segnis emeres, virtutibusque factus, suarum securus, tuis ingemiscit injurijs. Vivit vxor ingenio modesta, pudicitiae pudore præcellens, & ut omneis ejus dotes breviter includam,

dam, patri similis. Vivit, inquam, tibiique tantum vitæ hujus exosa spiritum servat. Quō vno felicitatem minui tuam, vel ipsa concefferim, tui desiderio lacrymis ac dolore tabescit. Quid dicam liberos consulares, quorum jam, ut in id ætatis pueris, vel aviti vel paterni specimen elucet ingenij? Cūm igitur præcipua sit mortalibus vitæ cura retinendæ, ô te, si tua bona cognoscas, felicem, cui suppetunt etiam nunc, quæ vita nemo dubitat esse cariora. Quare, sicca jam lacrymas. Nondum est vr̄num omneis exosa fortuna, nec tibi nimium valida tempeſtas incubuit; quoniam tenaces hærent ancoræ, quæ nec præſentis folamen, nec futuri ſpem temporis abesse patiantur. Et hæreant, inquam, precor: illis namque manentibus, ut cūmque ſe res habeant, enarrabimus. Sed quantum ornamentis nostris deceſſerit, vides. Et illa, promovimus, inquit, aliquantulum, ſi te nondum totius tuæ fortis piget. Sed delicias tuas

tuas ferre non possum, qui abesse aliquid tuæ beatitudini tam luctuosus, atque anxius conqueraris. **Quis** est enim tam compositæ felicitatis, ut non aliqua ex parte cum status sui qualitate rixetur? Anxia enim res est humanorum conditio bonorum, & quæ vel numquam tota proveniat, vel numquam perpetua subsistat. Huic sensus exuberat, sed est pudori degener sanguis. Hunc nobilitas notum facit, sed angustia rei familiaris inclusus, esse mallet ignotus. Ille utroque circumfluus vitam cælibem deflet. Ille nuptiis felix, orbus liberis, alieno censum nutrit hæredi. Alius prole lætatus, filij, filiæve delictis mestus illacrymat. Idcirco nemo facile cum fortunæ suæ conditione concordat. Inest enim singulis, quod inexpertus ignoret, expertus exhorreat. Adde, quod felicissimi cujusque delicatissimus sensus est, & nisi ad nutum cuncta suppetant: Omnis adversitatis insolens, minimis quibuscque prosteratur:

nitur : adeo perexigua sunt , quæ fortunatissimis beatitudinis summam detrahunt . Quàm multos esse conjectas , qui sese cœlo proximos arbitrentur , si de fortunæ tuæ reliquiis pars eis minima contingat ? Hic ipse locus , quem tu exfilium vocas , incolentibus patria est . Adeo nihil est miserum , nisi cùm putas ; contraque beata fors omnis est æquanimitate tolerantis . Quis est ille tam felix , qui cùm dederit impatientiæ manus , statum suum mutare non optet ? Quàm multis amaritudinibus humanæ felicitatis dulcedo respersa est ! quæ si etiam fruenti jucunda esse videatur , tamen , quò minus , cùm velit , abeat , retineri non possit . Liquet igitur , quàm sit mortalium rerum misera beatitudo , quæ nec apud æquanimos perpetua perdurat , nec anxious tota delectat . Quid igitur , ô mortales ! extra petitis intra vos positam felicitatem ? Error vos , inficiâque confundit . Ostendam breviter tibi summæ cardinem felicitatis .

tatis. Estne aliquid tibi te ipso preciosius? Nihil, inquies. Igitur si tui compos fueris, possidebis quod nec tu umquam amittere velis, nec fortuna possit auferre. Atque ut agnoscas in his fortuitis rebus beatitudinem constare non posse, sic collige. Si beatitudo est summum naturae bonum ratione degentis, nec illud est summum bonum, quod eripi vlo modo potest: quoniam præcellit id, quod nequeat auferri: manifestum est, quod ad beatitudinem percipiendam fortunæ instabilitas aspirare non possit. Ad hæc quem caduca ista felicitas vehit, vel scit eam, vel nescit esse mutabilem. Si nescit, quænam beata sors esse potest ignorantiae in cæcitate? Si scit, metuat necesse est, ne amittat, quod amitti posse non dubitat: quare continuus timor non sinit esse felicem. An si amiserit, negligendum putat? Sic quoque perexisse bonum est, quod æquo animo feratur amissum. Et quoniam tu idem es, cui persuasum esse

esse, atque insitum permultis demonstrationibus scio, menteis hominum nullo modo esse mortaleis: cùmque sit clarum, fortuitam felicitatem corporis, morte finiri: dubitari nequit, si hæc asserere beatitudinem non potest, quin omne mortalium genus in miseriam, mortis fine, labatur. Quòd si multos scimus beatitudinis fructum non morte solum, verum etiam doloribus suppliciisque quæsisse, quónam modo præsens vita facere beatos potest, quæ miseros transacta non efficit?

M E T R V M IV.

Quisquis volet perennem,
Cantus ponere sedem,
Stabilisque nec sonori,
Sterni flatibus Euri,
Et fluctibus minantem,
Curat sfernere Pontum,
Montis cacumen alti,
Bibulas vitet arenas,

Illud

Illud protervus Auster,
 Totis viribus urget;
 Hæ pendulum solute,
 Pondus ferre recusant.
 Fugiens periculosa
 Sortem sedis amæna,
 Humili domum memento
 Certus figere saxo.
 Quamvis tonet ruinis,
 Miscens aquora ventus,
 Tu conditus quieti,
 Felix robore valli,
 Duces serenus ævum,
 Ridens aetheris iras.

PROSA V.

Sed quoniam rationum jam in te
 smearum fomenta descendunt,
 paulò validioribus vtendum puto.
 Age enim, si jam caduca, & momen-
 tanea fortunæ dona non essent, quid
 in eis est, quod aut vestrum umquam
 fieri queat, aut non perspectum, con-
 sideratumque vilescat? Divitiæne

D

vel

vel vestri , vel sui naturâ prætiosa sunt ? Quid earum potius ? aurûmne, an vis congestæ pecuniæ ? Atqui hæ effundendo magis , quâm coacervando melius nitent : siquidem avaritia semper odiosos , claros largitas facit. Quòd si manere apud quemquam non potest , quod transfertur in alterum : tunc est preciosa pecunia , cùm translata in alios largiendi usu desinit possideri. At eadem si apud unum , quanta est ubique gentium , congeratur , cæteros sui inopes fecerit. Et vox quidem tota pariter multorum replet auditum : vestræ verò divitiæ , nisi comminutæ , in plures transire non possunt. Quod cùm factum est , pauperes necessè est faciant , quos relinquent. Oigitur angustas , inopésque divitias , quas nec habere totas pluribus licet , & ad quemlibet sine cæterorum paupertate non veniunt ! An gemmarum fulgor oculos trahit ? Sed si quid est in hoc splendore præcipui , gemmarum est lux illa , non hominum :

num : quas quidem mirari homines
vehementer admiror. Quid est enim
carens animæ motu , atque membro-
rum compage , quod animatæ , ratio-
nabilique naturæ pulchrum esse jure
videatur ? Quæ tametsi conditoris
sunt opera, siue distinctione postre-
mæ aliquid pulchritudinis trahunt ,
infra vestram tamen excellentiam
collocatae , admirationem vestram
nullo modo merebantur. An vos a-
grorum pulchritudo delectat ? Quid-
ni ? Est enim pulcherrimi operis pul-
chra portio. Sic quondam sereni maris
facie gaudemus : sic cælum , sidera ,
Solem, Lunamque miramur. Num te
horum aliquid attingit , num audes a-
licujus talium splendore gloriari ? An
vernus floribus ipse distingueris ? aut
tua in æstivos fructus intumescit v-
bertas ? Quid inanibus gaudiis rape-
ris ? quid externa bona pro tuis am-
plexaris ? Numquam tua faciet esse
fortuna , quæ à te natura rerum fecit
aliena. Terrarum quidem fructus a-

nimantium proculdubio debentur alimentis. Sed si, quod naturæ satis est, replere indigentiam velis, nihil est quod fortunæ affluentiam petas. Faucis enim minimisque natura contenta est : cuius satietatem si superfluis vrgere velis, aut injucundum, quod infuderis fiet, aut noxiū. Iam verò pulchrum variis fulgere vestibus putas : quarum si grata intuitu species est, aut materiæ naturam, aut ingenium mirabor artificis. An vero longus ordo famulorum facit esse felicem ? Qui si vitiosi moribus sunt, perniciosa domūs sarcina, & ipsi domino vehementer inimica : sin verò probi, quonam modo in tuis opibus, aliena probitas numerabitur ? Ex quibus omnibus nihil horum, quæ in tuis computas bonis, tuum esse bonum liquidò monstratur. Quibus si nihil inest appetendæ pulchritudinis, quid est, quòd vel amissis doleas, vel læteris retentis ? Quòd si naturā pulchra sunt, quid id tua refert ? Nam

hæc

hæc per se à tuis quoque opibus sequestrata placuissent. Nèque enim idcirco sunt pretiosa, quod in tuas venere divitias : sed quoniam pretiosa videbantur, tuis ea divitiis annumerare maluisti. Quid autem tanto fortunæ strepitu desideratis ? Fugare, credo, indigentiam copiâ quæritis. Atqui hoc vobis in contrarium cedit. Pluribus quippe adminiculis opus est ad tuendam pretiosæ supellectilis varietatem: verumque illud est, permultis indigere eos, qui permulta possideant: contraq; minimo, qui abundantiam suam naturæ necessitate, non ambitus superfluitate metiantur. Itane autem nullum est proprium vobis atque insitum bonum, vt in externis, ac lepositis rebus bona vestra quæratis ? Sic rerum versa conditio est, vt divinum meritò rationis animal, non aliter sibi splendere, nisi inanimatæ supellectilis possessione videatur ? Et alia quidem suis contenta sunt : vos autem Deo mente consimiles, ab re-

bus infimis excellentis naturæ ornamenti captatis: non intelligitis quantum conditori vestro faciatis injuriam. Ille genus humanum terrenis omnibus præstare voluit: vos dignitatem vestram infra infima quæque detruditis. Nam si omne cujusque bonum, eō, cuius est, constat esse pretiosius, cùm vilissima rerum vestra bona esse judicatis, eisdem vosmet ipsos vestrâ aestimatione summittitis: quod quidem haud immerito cadit. Humanæ quippe naturæ hæc conditio est, vt tum tantum cæteris rebus, cùm se cognoscit, excellat: eadem tamen infra bestias redigatur, si se nosse desierit. Nam cæteris animantibus sese ignorare, natura est; hominibus verò, vitio venit. Quam verò latè patet vester hic error, qui ornari posse aliquid ornamentis existimatis alienis? At id fieri nequit. Nam si quid ex appositis luceat ipsa quidem, quæ sunt apposita, laudantur; illud verò his tectum, atque velatum in sua.

sua nihilo minùs fœditate perdurat.
 Ego verò nego illud esse bonum, quod
 noceat habenti. Num id mentior?
 Minimè, inquies. Atqui divitiæ pos-
 sidentibus per sæpe nocuerunt, cùm
 pessimus quisque, eoque alieni magis
 avidus, quidquid vsquam auri, gem-
 marum est, se solùm qui habeat, di-
 gnissimum putat. Tu igitur, qui
 nunc contum, gladiúmque solicitus
 pertimescis, si vitæ hujus callem va-
 cuus viator intrasses, coram latrone
 cantares. O præclara opum morta-
 lium beatitudo, quam cùm adeptus
 fueris, securus esse desistis!

METRUM V.

Felix nimium prior ætas,
 Contenta fidelibus arvis,
 Nec inertî perdita luxu;
 Facili quæ sera solebat,
 Iejunia solvere glande.
 Nec Bacchica munera norat
 Liquido confundere melle,

D 4

Næ

Nec lucida vellera Serum
Tyrio miscere veneno.
Somnos dabat herba salubreis :
Potum quoque lubricus amnis ;
Vmbras altissima pinus.
Nondum maris alta secabat ,
Nec mercibus undique lectis ,
Nova litora viderat hospes .
Tunc classica sæva tacebant ,
Odijs neque fusus acerbis ,
Cruor horrida tinxerat arma :
Quid enim furor hostibus vlla ,
Vellet prior arma movere ,
Cùm vulnera sæva videret :
Nec præmia sanguinis vlla ?
Vtinam modo nostra redirent ,
In mores tempora priscos !
Sed sævior ignibus Ætnæ ,
Fervens anior ardet habendi .
Hei , quis primus fuit ille ,
Auri qui pondera tecti ,
Gemmæque latere volenteis ,
Pretiosa pericula fodit ?

PROSA VI.

QVid autem de dignitatibus, potentiaque differam, quas vos veræ dignitatis ac potestatis inscij cælō exæquatis? Quæ si in improbissimum quémq; ceciderint, quæ incendia flammis Ætnæ eructantibus, quod diluvium tantas strages dederit? Certè, vti meminisse te arbitror, consulare imperium, quod libertatis principium fuerat, ob superbiam consulum vestri veteres abolere cupierunt: qui ob eandem superbiam priùs regium de civitate nomen abstulerant. At, si quando, quod per rarum est, probis honores deferantur, quid in eis aliud, quam probitas vtentium, placet? Ita fit, vt non virtutibus ex dignitate, sed virtute dignitatibus honor accedat. Quæ verò est ista vestra expetibilis, ac præclara potentia? Nonne ò terrena animalia consideratis, quibus præsidere videamini? Nam si inter mures videres

vnum aliquem jus sibi, ac potestatem
præ cæteris vindicantem : quanto
movereris cachinno ? Quid verò, si
corpus spectes, imbecillus homine
reperire queas, quos sæpe musculo-
rum quóque vel morsus, vel in se-
creta quæque reptantium necat in-
troitus ? Quò verò quisquam jus ali-
quod in quempiam, nisi in solum
corpus, & quod infra corpus est, for-
tunam loquor, possit exercere ? Num
quidquam vñquām liberō imperabis
animō ? Num mentem firmā sibi ra-
tione cohærentem de statu propriæ
quietis amovebis ? Cùm liberum
quendam virum suppliciis se tyran-
nus adacturum putaret, vt adversum
se factæ conjurationis consciens pro-
deret, linguam ille momordit atque
abscidit, & in os tyranni sævientis ab-
jecit : ita cruciatus, quos putabat ty-
rannus mareriam crudelitatis, vir sa-
piens fecit etiam virtutis. Quid au-
tem est, quod in alium quisquam fa-
cere possit, quod sustinere ab alio ip-
se.

se non possit? Busiridem accepimus
necare hospites solitum, ab Hercule
hospite fuisse macatum. Regulus
plures Pœnorum bellô captos in vin-
cula conjecerat: sed mox ipse victo-
rum catenis manus præbuit. Vil-
lamne igitur ejus hominis potentiam
putas, qui, quod ipse in alio potest,
ne id in se alter valeat, efficere non
possit? Adhæc, si ipsis dignitatibus
ac potestatibus inesset aliquid natura-
lis ac proprij boni, nunquam pessi-
mis provenirent. Neque enim sibi
solent adversa sociari. Natura re-
spuit, ut contraria quæque jungan-
tur. Ita cùm pessimos plerūmque
dignitatibus fungi dubium non sit, il-
lud etiam liquet, naturâ sibi bona
non esse, quæ se pessimis hærere pati-
antur. Quod quidem de cunctis for-
tunæ muneribus dignius existim. ri
potest, quæ ad improbissimum quem-
quam vberiora proveniunt. De qui-
bus etiam illud considerandum puto,
quod nemo dubitat esse fortem, cui

fortitudinem inesse conspexerit : & cuicunque velocitas adeat manifestum est, esse velocem. Sic Musica quidem Musicos, medicina medicos, Rhetorica Rethores facit. Agit enim cuiusque rei natura, quod proprium est: nec contrariarum rerum miscetur effectibus, sed ultrò, quae sunt adversa, depellit. Atqui nec opes inexpressam restinguere avaritiam queunt, nec potestas sui compotem fecerit, quem vitiosæ libidines insolubilibus adstrictum retinent catenis. Et collata improbis dignitas, non modo non efficit dignos, sed prodit potius, & ostentat indignos. Cur ita provenit? Gaudetis enim sese res aliter habentes falsis compellare nominibus, quae facile ipsorum rerum redarguntur effectu: itaque nec illæ divitiæ, nec illa potentia, nec haec dignitas jure appellari potest. Postremò idem de tota fortuna concludere licet, in qua nihil expetendum, nihil nativæ bonitatis inesse manifestum est: quæ nec

nec se bonis semper adjungit ; &
bonos , quibus fuerit adjuncta , non
efficit.

METRUM VI.

NOvimus quantas dederit ruinas ,
Urbe flammata , patribusque cæsis ,
Fratre qui quondam ferus interempto ,
Matris effuso maduit cruento ,
Corpus & visu gelidum pererrans ,
Ora non tinxit lacrymis , sed esse
Censor extincti potuit decoris .
Hic tamen sceptro populos regebat ,
Quos videt condens radios sub vndas ,
Phœbus , extremo veniens abortu ;
Quos premunt septem gelidi triones ;
Quos Notus siccō violentus æstu ,
Torret , ardenteis recoquens arenas ,
Celsa num tandem valuit potestas ,
Vertere insanirabiem Neronis ?
Huc gravem sortem , quoties iniquus
Additur saevo gladius veneno !

PROSA VII.

Tum ego, scis, inquam, ipsa minimum nobis ambitionem mortalium rerum fuisse dominatam: sed materiam gerendis rebus optavimus, quod ne virtus tacita consenseret. Et illa: Atqui hoc unum est, quod praestantes quidem natura mentes, sed nondum ad extremam manum virtutum perfectione perducas allicere possit, gloriæ scilicet cupido, & optimorum in rem publicam fama meritorum: quæ, quam sit exilis & totius ponderis vacua, sic considera. Omnem terræ ambitum, sicuti astrologicis demonstrationibus accepisti, ad cæli spatiū, puncti constat obtinere rationem, id est, ut si ad cælestis globi magnitudinem conseratur, nihil spatiij prorsus habere judicetur. Hujus igitur tam exiguae in mundo regionis quarta fere portio est, sicut Ptolomæo probante didicisti, quæ à

à nobis cognitis animantibus incola-
tur. Huic quartæ, si quantum ma-
ria, paludēisque premunt, quantum-
que siti vasta regio distenditur, cogi-
tatione subtraxeris, vix angustissima
inhabitandi hominibus area relinque-
tur. In hoc igitur minimo puncto
quodam punto circumsepti, atque
conclusi, de pervulganda fama, de
proferendo nomine cogitatis? At
quid habet amplum, magnificum-
que gloria, tam angustis exiguisque
limitibus arcta? Adde, quod hoc
ipsum brevis habitaculi septum plu-
res incolunt nationes, lingua, mori-
bus, totius vitae ratione distantes,
ad quas tum difficultate itinerum,
tum loquendi diversitate, tum com-
mercij insolentiâ, non modo fama
hominum singulorum, sed ne vr-
bium quidem pervenire queat. Æ-
tate denique Marci Tullij, sicut ipse
quodam loco significat, nondum cau-
casum montem Romanæ reipublicæ
fama transcenderat, & erat tunc a-
dulta.

dulta. Parthis etiam, cæterisque id locorum gentibus formidolosa. Videsne igitur quām sit angusta, quām compressa gloria, quam propagare ac dilatare laboratis? An ubi Romani nominis transfere fama nequit, Romani hominis gloria progredietur? Quid quodd diversarum gentium mores inter se, atque instituta, discordant; ut quod apud alios laude, apud alios supplicio dignum judicetur. Quō fit, ut si quem famæ prædicatio delectat, huic, in plurimos populos nomen proferre, nullo modo conducat. Erit igitur pervagatâ inter suos gloriam quisque contentus, & intra unius gentis terminos præclara illa famæ immortalitas coarctabitur. Sed quām multos clarissimos suis temporibus viros scriptorum inops delevit oblio! Quamquam quid ipsa scripta proficiunt, quæ cum suis auctoribus premit longior, atque obscura vetustas? Vos autem immortalitatem vobis propagare videmini, cùm futuri fa-

famam temporis cogitatis. Quòd si ad æternitatis infinita spatia pertrahes, quid habes, quòd de tui nominis diuturnitate læteris? Vnius enim mora momenti, si decem millibus conferatur annis, quoniam vtrumque spatium definitum est, minimam licet, habet tamen aliquam portionem. At hic ipse numerus annorum, ejusque quantumlibet multiplex, ad interminabilem diuturnitatem ne comparari quidem potest. Etenim finitis ad se invicem fuerit quædam; infiniti verò, atque finiti, nulla umquam poterit esse collatio. Ita fit, ut quamlibet prolixo temporis fama, sic cum inexhausta æternitate cogitur, non parva, sed planè nulla esse videatur. Vos autem nisi ad populareis auras, inaneisque rumores, rectè facere nescitis; & relicta conscientiæ, virtutisque præstantiâ, de alienis præmia fermunculis postulatis. Accipe in hujusmodi arrogantiæ levitate quam festivè aliquis illuserit.

Nam

Nam cùm quidam adortus esset hominem contumelijs , qui non ad veræ virtutis usum , sed ad superbam gloriam falsum sibi Philosophi nomen induerat , adjecissetque jam se sciturum , an ille Philosophus esset , siquidem illatas injurias leniter , patienterque tolerasset , ille patientiam paulisper assumpsit : acceptaque contumeliâ velut insultans , jam tandem , inquit , intelligisne me esse Philosophum ; Tum ille nimium mordaciter , intellexeram , inquit , si tacuisses . Quid autem est , quod ad præcipuos viros (de his enim sermo est) qui virtute gloriam petunt : quid , inquam est , quod ad hos de fama post resolutum morte supremâ corpus attineat ? Nam si , quod nostræ rationes credi vetant , toti moriuntur homines , nulla est omnino gloria : cùm is , cuius ea esse dicitur , non existet omnino . Sin verò sibi mens benè conscientia , terrenò carcere resoluta , cælum libera petit , nonnè omne terrenum nego-

negotium spernet, quæ se, cælo fru-
ens, terrenis gaudet exemptam?

METRUM VII.

Quicunque solam mente præcipiti
petit,
Summumque credit gloriam;
Latè patentes ætheris cernat plagas,
Arctumque terrarum situm:
Brevem replere non valentis ambitum
Pudebit aucti nominis.
Quid ô superbi colla mortali jugo
Frustra levare gestiunt?
Licet remotos fama per populos means,
Diffusa, linguas explicet,
Et magna titulis fulgeat claris domus,
Mors spernit altam gloriam.
Involvuit humile pariter, & celsum ca-
put,
Æquaque summis infima.
Vbi nunc fidelis offa Fabricij jacent?
Quid Brutus, aut rigidus Cato?
Signat superstes fama tenuis pauculis,
Inane nomen litteris.

Sed

Sed quòd decora novimus vocabula,
 Num scire consumptos datur?
 Iacetis ergo prorsus ignorabiles,
 Nec f. ma notos efficit.
 Quòd si putatis longius vitam trahi,
 Mortalis aurā nominis,
 Cùm sera vobis rapiet hoc etiam dies,
 Iam vos secundamors manet.

PROSA VIII.

Sed ne me inexorable contra fortunam gerere bellum putas, est aliquando cùm de hominibus illa fallax non nihil benè mereatur; tum scilicet, cùm se aperit, cùm frontem dētegit morēsq; profitetur. Non dum forte quid loquar, intelligis. Mirum est, quod dicere gestio, eoque sententiam verbis explicare vixqueo. Etenim plus hominibus reor adversam, quàm prosperam prodesse fortunam. Illa enim semper specie felicitatis, cùm videtur blanda, mentionitur: hæc semper vera est, cùm se in-

instabilem mutatione demonstrat.
Illa fallit ; hæc instruit : illa mendax
specie bonorum mentes fruentium
ligat ; hæc cognitione fragilis felici-
tatis absolvit. Itaque illam videas
ventosam, fluentem, suique semper
ignaram : hanc sobriam, succinctam-
que , & ipsius adversitatis exercita-
tione prudentem. Postremò felix , à
vero bono devios blanditiis trahit :
adversa plerūmquo ad vera bona re-
ducens , vncō retrahit. An hoc in-
ter minima æstimandum putas, quod
amicorum tibi fidelium menteis hæc
aspera , hæc horribilis fortuna dete-
xit : hæc tibi certos sodalium vul-
tus , ambiguosque secrevit : disce-
dens , suos abstulit , tuos reliquit ?
Quanti hoc integer , & , vt videbaris
tibi, fortunatus emisses ? Desine nunc
amissas opes quærere , quod pretio-
sissimum genus divitiarum
est, amicos inve-
nistī.

METRUM VIII.

Quod mundus stabili fide,
Concordes varias vices,
Quod pugnantia semina,
Fædus perpetuum tenent,
Quod Phœbus roseum diem,
Curru provehit aureo;
Ut quas duxerit Hesperus,
Phœbe noctibus imperet,
Ut fluctus avidum mare,
Certo fine coërceat,
Ne terris liceat vagis,
Letos tundere terminos,
Hanc rerum seriem ligat,
Terras ac pelagus regens,
Et cælo imperitans amor.
Hic si frena remiserit,
Quidquid nunc amat invicem,
Bellum continuò geret:
Et quam nunc socia fide,
Pulchris motibus incitant,
Certent solvere machinam.
Hic sancto populos quoque,

Inn-

f.

*Iunctos fædere continent :
Hic e& conjugij sacrum,
Castis neclit amoribus :
Hic fidis etiam sua,
Dicitat iura sodalibus.
O felix hominum genus,
Si vestros animos amor,
Quô cælum regitur, regat.*

LIBER TERTIUS.

PROSA I.

IAm cantum illa finierat, Cūm me audiendi avidum, stupentemque arrectis adhuc auribus carminis mulcedo defixerat. Itaque paulò post, ô, inquam, summum lafforum, solamen animorum, quantum me vel sententiarum pondere, vel canendi etiam jucunditate refovisti! adeo ut jam me posthac imparem fortunæ ictibus non arbitrer. Itaque remedia, quæ paulò ante acriora esse dicebas, non modo non perhorresco, sed audiendi avidus vehementer efflagito.

to. Tum illa , Sensi , inquit , cùm
verba nostra tacitus , attentusque ra-
piebas , eumque tuæ mentis habitum
vel exspectavi , vel , quod est verius ,
ipsa perfeci. Talia sunt quippe quæ
restant , vt degustata quidem morde-
ant , interius autem recepta dulce-
scant. Sed quòd tu te audiendi cu-
pidum dicis , quanto ardore flagra-
res , si quonam te ducere aggredia-
mūr , agnosceres ? Quonam inquam ?
Ad veram , inquit , felicitatem ,
quam tuus quoque somniat animus :
sed occupato ad imagines visu , ip-
sam illam non potes intueri. Tum
ego : Fac obsecro , & , quæ illa ve-
ra sit , sine cunctatione demonstra.
Faciam , inquit illa , tui causà liben-
ter : sed quæ tibi causa notior est , eam
prius designare verbis , atque infor-
mare conabor : vt eâ perfectâ , cùm
in contrariam partem flexeris ocu-
los , veræ beatitudinis speci-
men possis agno-
scere.

ME.

M E T R V M I.

Qui serere ingenuum volet agrum,
 Liberat arva prius fruticibus,
 Falce rubos, filicemque resecat,
 Ut novâ fruge gravis Ceres eat.
 Dulcior est apium mage labor,
 Si malus ora prius sapor edat.
 Gratius astra nitent, ubi Notus
 Desinit imbriferos dare sonos.
 Lucifer ut tenebras pepulerit,
 Pulchra dies roseos agit equos.
 Tu quoque falsa tuens bona, prius
 Incipe colla jugo retrahere;
 Vera dehinc animum subierint.

P R O S A II.

Tum defixò paululum visu, &
 velut in angustam suæ men-
 tis sedem recepta, sic cœpit.
 Omnis mortalium cura, quam multi-
 plicium studiorum labore exercet, di-
 versoо quidem calle procedit, sed ad
 unum tamen beatitudinis finem ni-

E titur

titur pervenire. Id autem est bonum, quô quis adepto, nihil vltérius desiderare queat. Quod quidem est omnium summum bonorum, cunctaque intra se bona continens : cui si quid abforet, summum esse non poffet, quoniam relinqueretur extrinſecus, quod posset optari. Liquet igitur, beatitudinem esse statum bonorum omnium congregatione perfectum. Hunc, vti diximus, diverso tramite mortales omnes conantur adipisci. Est enim mentibus hominum veri boni naturaliter inserta cupiditas : sed ad falſa devius error abducit. Quorum quidem alij summum esse bonum nihilo indigere credentes, vt divitijs affluant, elaborant : alij vero bonum, quod sit dignissimum veneratione, judicantes, adeptis honoribus, reverendi civibus suis esse nituntur. Sunt qui summum bonum in summa potentia esse constituant : hi vel regnare ipſi volunt, vel regnantibus adhaerere conantur. At quibus optimum

quid.

quiddam claritas videtur, hi vel belli, vel pacis artibus gloriosum nomen propagare festinant. Plurimi verò boni fructum gaudio, lætitiaque metiuntur: hi felicissimum putant voluptate diffluere. Sunt etiam, qui horum fineis, causasque alterutro permutant: ut qui divitias ob potentiam, voluptatesque desiderant vel qui potentiam seu pecuniæ causâ, seu proferendi nominis petunt. In his igitur, cæterisque talibus humanorum actuum, votorumq; versatur intentio, veluti nobilitas, favoreque popularis, quæ videntur quandam claritudinem comparare, vxor, ac liberi, qui jucunditatis gratiâ petuntur. Amicorum verò, quod sanctissimum quidem genus est, non in fortuna, sed in virtute numeratur. Reliquum verò vel potentiae causâ, vel delectationis assumitur. Iam verò corporis bona promptum est, ut ad superiora referantur. Robur enim magnitudineque videntur præstare va-

E2 lentiam:

lentiam : pulchritudo atque velocitas
celebritatem : salubritas , volupta-
tem. Quibus omnibus solam beat-
itudinem desiderari liquet. Nam
quod quisque præ cæteris petit , id
summum judicat bonum. Sed sum-
mum bonum beatitudinem esse defi-
nimus. Quare beatum esse judicat
statum , quem præ cæteris quisque
desiderat. Habet igitur ante oculos
propositam ferè formam felicitatis
humanæ , opes , honores , potentiam ,
gloriam , voluptates. Quæ quidem
sola considerans Epicurus , consequen-
ter sibi summum bonum voluptatem
esse constituit , quod cætera omnia
jucunditatem animo videantur affer-
re. Sed ad hominum studia revertor:
quorum animus etsi caligante me-
moriâ , tamen bonum summum re-
perit : sed velut ebrius , domum quo
tramite revertatur , ignorat. Nam
enim videntur errare hi , qui nihilo
indigere nituntur ? Atqui non est a-
liud quod æquè perficere beatitudi-
nem

nem possit, quam copiosus bonorum omnium status, nec alieni egens, sed sibi ipsi sufficiens. Num verò labuntur hi, qui quod sit optimum, id etiam reverentiæ cultu dignissimum putant? minimè. Neque enim vile quiddam, contemnendumque est, quod adipisci omnium ferè mortalium laborat intentio. An in bonis non est numeranda potentia? Quid igitur? Num imbecillum, ac sine viribus æstimandum est, quod omnibus rebus constat esse præstantius? An claritudo nihili pendenda est? Sed sequestrari nequit, quin omne quod excellentissimum sit, id etiam videatur esse clarissimum. Nam non esse anxiam, tristemque beatitudinem, nec doloribus molestiisque subjectam, quid attinet dicere, quando in minimis quoque rebus id appetitur, quod habere, fruique delectet? Atqui hæc sunt, quæ adipisci homines volunt; eaque de causa divitias, dignitates, regna, gloriam voluptatésque desiderant,

quòd per hæc sibi sufficientiam , re-
verentiam , potentiam , celebrita-
tem , lætitiam credunt esse ventu-
ram . Bonum est igitur quod tam di-
versis studijs homines petunt : in quo
quanta sit naturæ vis , facilè monstra-
tur , cùm licet variæ dissidentésque
sententiæ , tamen in diligendo boni
fine consentiunt .

M E T R V M II.

Quantas rerum flectat habenas
Natura potens , quibus immensum
Legibus orbem provida servet ,
Stringatque ligans irresoluto ,
Singula nexu , placet arguto ,
Fidibus lentis promere cantu .
Quamvis Pæni pulchra leones ,
Vincula gestent , manib[us]que datas ,
Captent escas , metuantque trucem ,
Soliti verbera ferre magistrum :
Si cruor horrida tinixerit ora ,
Resides olim redeunt animi ,
Fremituque gravi memineres sui ;

La-

Laxant nodis colla solutis,
 Priusque lacer dente cruento
 Domitor rabidas imbuit iras.
 Quæ canit altis garrula ramis
 Ales cavea clauditur antro:
 Huic licet illata pocula melle,
 Largasque dapes dulci studio,
 Ludens hominum cura ministret,
 Si tamen arcto saliens tecto,
 Nemorum gratas viderit umbras,
 Sparsas pedibus proterit escas,
 Silvas tantum mesta requirit,
 Silvas dulci voce susurrat.
 Validis quondam viribus acta,
 Pronum flebit virga cacumen:
 Hanc si curvans dextra remisit,
 Recto spectat vertice cælum,
 Cedit Hesperias Phæbus in undas:
 Sed secreto tramite rursus,
 Currum solitos vertit ad ortus.
 Repetunt proprios quæque recursus,
 Redituque suo singula gaudent.
 Nec manet ulli traditus ordo,
 Nisi quod fini junxerit ortum,
 Stabilemque sui fecerit orbem.

PROSA III.

Vos quoque ô terrena anima-
lia, tenui licet imagine, ve-
strum tamē principium som-
niatis, verūmque illum beatitudinis
finem, licet minimè perspicaci, qua-
licūmque tamen cogitatione perspi-
citis, eoque vos, & ad verum bonum
naturalis dicit intentio, & ab eodem
multiplex error abducit. Considera
namque, an per ea, quibus se homi-
nes adepturos beatitudinem putant,
ad destinatum finem valeant perve-
nire. Si enim vel pecunia, vel hono-
res, cæteraque tale quid afferunt,
cui nihil bonorum abesse videatur,
nos quoque fateamur fieri aliquos ho-
rum adeptione felices. Quòd si ne-
que id valent efficere, quod promit-
tunt, bonisque pluribus carent, non-
ne liquidò falsa in eis beatitudinis spe-
cies deprehenditur? Primum igitur
te ipsum, qui paulò ante divitijs af-
fluebas,

fluebas, interrogo. Inter illas abundantissimas opes nunquamne animum tuum concepta ex qualibet injuria confudit anxietas? Atqui, inquam, tam liberò me fuisse animò, quin aliquid semper angeret, reminisci nequeo. Nonne quia vel aberat, quod abesse non velles: vel aderat, quod adesse noluisses? Ita est, inquam. Illius igitur præsentiam, hujus absentiam desiderabas. Confiteor, inquam. Eget verò, inquit, eo, quod quisque desiderat? Eget, inquam. Qui verò eget aliquo, num est usquequaque sibi ipsi sufficiens? Minime, inquam. Tu itaque hanc insufficiantiam plenus, inquit, opibus sustinebas? Quid nimirum? inquam. Opes igitur nihilo indigentem, sufficientemque sibi facere nequeunt: & hoc erat, quod promittere videbantur. Atqui hoc quoque maximè considerandum puto, quod nihil habeat suapte natura pecunia, ut his, à quibus possideatur, invitis nequeat auferri. Fateor,

inquam. Quidni fateare, cùm eam quotidie valentior aliquis eripiat invitò? Vnde enim forenses querimoniæ, nisi quòd vel vi vel fraude à nolentibus pecuniæ repetuntur ereptæ? Ita est, inquam. Egebit igitur, inquit, extrinsecùs petito præsidio, quo suam pecuniam quisque tueatur. Quis id, inquam, neget? Atqui non egeret eo, nisi possideret pecuniam, quam possit amittere. Dubitari, inquam, nequit. In contrarium igitur relapsa res est: nam quæ sufficienes sibi facere putabantur opes, alienò pótius præsidiô faciunt indigentes. Quis autem modus est, quo pellatur divitijs indigentia? Num enim divites esurire nequeunt? num sitire non possunt? num frigus hibernum pecuniosorum membra non sentiunt? Sed adest, inquies, opulentis, quo sitim, frigusque depellant. Sed hoc modo consolari quidem divitijs indigentia potest, auferri penitus non potest. Nam si hæc hians semper, atque

que aliquid poscens , opibus expletur,
maneat uecessè est , quæ possit exple-
ri. Taceo , quòd naturæ minimum ,
quòd avaritiæ nihil satis est. Quare
si opes nec summoveare indigentiam
possunt , & ipsæ suam faciunt , quid
est , quòd eas sufficientiam præstare
credatis ?

M E T R V M III.

Quamvis fluente dives auri gurgite
Non expleturas cogat avarus o-
pes ,
Ornetque baccis colla rubri litoris ,
Ruraque centeno scindat opima bove:
Nec cur a mordax deserit superstitem ,
Defunctumque leves non comitantur
opes .

P R O S A IV.

Sed dignitates honorabilem , re-
verendumque , cui provenerint ,
reddunt. Num vis ea est magi-
stratibus ,

stratibus, ut vtentium mentibus vir-
tutes inferant, vitia depellant? At-
qui non fugare, sed illustrare potius
nequitiam solent. Quo fit, ut indi-
gnemur eas saepe nequissimis homini-
bus contigisse. Vnde Catullus licet
in curuli Nonium sedentem strumam
appellat. Videsne quantum dedecus
malis adjiciant dignitates? At qui mi-
nus eorum patebit indignitas, si nul-
lis honoribus inclarescant. Tu quo-
que num tandem tot periculis adduci
potuisti, ut cum Decorato gerere
Magistratum putares, cum in eo men-
tem nequissimi scurræ, delatoris
que respiceres? Non enim possumus
ob honores reverentiâ dignos judica-
re, quos ipsis honoribus judicamus
indignos. At si quem sapientiâ præ-
ditum videres, num posses eum vel
reverentiâ, vel ea qua prædictus est,
sapientiâ, non dignum putare? Mini-
mè. Inest enim dignitas propria vir-
tu*i*, quam protinus in eos, quibus
fuerit adjuncta, transfundit. Quod
quia

populares nequeunt facere homines,
liquet eos propriam dignitatis pul-
chritudinem non habere. In quo il-
lud est animadvertisendum magis: nam
si eò abjectior est, quò magis à pluri-
bus quisque contemnitur, cùm rever-
endos facere nequeant, quos pluri-
bus ostentat despectiores, potius di-
gnitas improbos facit. Verùm non
impunè: reddunt namque improbi
parem dignitatibus vicem, quas sua
contagione commaculant. Atque ut
agnoscas veram illam reverentiam
per has umbratileis dignitates non
posse contingere, sic collige. Si quis
multiplici consulatu funetus in Bar-
baras nationes fortè devenerit, vene-
randumne Barbaris honor faciet?
Atqui si hoc naturale munus dignita-
tibus foret, ab officio suo quoquo
gentium nullo modo cessarent. Sicut
ignis vbique terrarum, nunquam ta-
men calere desistit. Sed quoniam id
eis non propria vis, sed hominum fal-
lax annexit opinio, vanescunt illicò

cùm ad eos venerint , qui dignitates eas esse non æstiment . Sed hoc apud exteris nationes . Inter eos verò , apud quos ortæ sunt , num perpetuò perdurant ? Atqui præfectura magna olim potestas , nunc inane nomen est , & Senatorij censūs gravis sarcina . Si quis quondam populi curasset annam , magnus habebatur . Nunc eâ præfecturâ quid abjectius ? Ut enim paulò ante diximus , quod nihil habet proprij decoris , opinione vtentium nunc splendorem accipit , nunc amittit . Si igitur reverendos facere nequeunt dignates , si vltrò improborum contagione fordescunt , si mutatione temporum splendere desinunt , si gentium æstimatione vilescunt , quid est , quod in se expetendæ pulchritudinis habeant , ne dum alijs præstent ?

METRUM IV.

Quamvis se Tyrio superbis ostro
Comeret , & niveis lapillis ,

In-

*Invisus tamen omnibus vigebat,
Luxuria Nero saevientis.
Sed quondam dabat improbus verendis,
Patribus indecoris curules.
Quis illos igitur putet beatos,
Quos miseri tribuunt honores?*

PROSA V.

AN verò regna, Regumque familiaritas efficere potentem valent? Quid ni, quando eorum felicitas perpetuò perdurat? At qui plena est exemplorum vetustas, plena etiam præsens ætas, qui Reges felicitatem calamitate mutaverint. O præclara potentia, quæ nec ad conservationem quidem sui satis efficax invenitur! Quòd si hæc regnum potestas beatitudinis auctor est, nonne si qua parte defuerit, felicitatem minuat, miseriam importet? Sed quamvis latè humana tendantur imperia, plures necessè est gentes relinqui, quibus Regum quisque non imperet.

peret. Quâ verò parte beatos faciens desinit potestas , hac impotentia subintrat, quæ miseros facit: hoc igitur modo majorem Regibus ineffe necesse est miseriae portionem. Expertus fortissimæ periculorum Tyrannus, regni metus pendentis supra verticem gladij terrore simulavit. Quæ est igitur hæc potestas, quæ solitudinum morsus expellere , quæ formidinum aculeos vitare nequit ? Atqui vellent ipſi vixisse securi , sed nequeunt : dehinc de potestate gloriantur. An tu potentem censes, quem videoas velle, quod non possit efficere ? Potentem censes, qui satellite latus ambit , qui quos terret, ipſe plus metuit, qui ut potens esse videatur, in servientium manu sitū est ? Nam quid ego de Regum familiaribus differam, cùm regna ipsa tantæ imbecillitatis plena demonstrem? quos quidem regia potestas saeppe incolmis, saeppe autem lapsa prosternit : Nero Senecam familiarem, præceptorēmque suum ad eligendæ

mor-

mortis coëgit arbitrium. Papinianum diu inter aulicos potentem, militum gladiis Antoninus objecit. Atqui v-terque potentiae suæ renunciare voluerunt : quorum Seneca opes etiam suas tradere Neroni , s^eque in otium conferre conatus est. Sed dum fructu-ros moles ipsa trahit , neuter , quod voluit , effecit. Quæ est igitur ista potentia , quam pertimescunt haben-tes : quam , nec , cùm habere velis , tutus sis , & cùm deponere cupias , vitare non possis ? An præsidio sunt amici , quos non virtus , sed fortuna conciliat ? Sed quem felicitas ami-cum fecit , infortunium faciet inimi-cum. Quæ verò pestis efficacior ad nocendum , quam familiaris inimicus ?

M E T R U M V.

Qui se volet esse potentem ,
Animos domet ille feroceſ ,
Nec victa libidine colla ,
Fædis summittat habenis ,

Ete-

Etenim licet Indica longe,
 Tellus tua iura tremiscat,
 Et serviat ultima Thule;
 Tamen atras pellere curas,
 Miserisque fugare querelas,
 Non posse, potentia non est.

PROSA VI.

Gloria verò quam fallax saepe,
 quam turpis est! Vnde non
 in iuriā Tragicus exclamat:
*O gloria, gloria, infinitis jam mortali-
 bus nullius pretij vitam tu me facisti ma-
 gnam.* Plures enim magnum saepe
 nomen falsis vulgi opinionibus abstu-
 lerunt. Quòd quid turpius excogitari
 potest? Nam qui falso prædicantur,
 suis ipsi necessè est laudibus erube-
 scant. Quæ si etiam meritis conqui-
 sitæ sint, quid tamen sapientis adje-
 cerint conscientiæ, qui bonum suum
 non populari rumore, sed conscientiæ
 veritate metitur? Quod si hoc ipsum
 propagasse nomen, pulchrum vide-
 tur;

tur ; consequens est , vt fœdum non extendisse judicetur. Sed cùm , vti paulò ante differui , plures gentes esse necessè sit , ad quas vnius fama hominis nequeat pervenire , fit , vt quem tu æstimas gloriosum , proximâ parte teirarum videatur inglorius. Inter hæc verò popularem gloriam , ne commemoratione quidem dignam puto , quæ nec judicio provenit , nec vñquam firma perdurat. Iam verò quām sit inane , quām futile nobilitatis nomen , quis non videat ? quæ si ad claritudinem refertur , aliena est. Videtur namque esse nobilitas , quædam de meritis veniens laus parentum. Quòd si claritudinem prædicatio facit , illi sint clari necessè est , qui prædicantur. Quare splendidum te , si tuam non habes , aliena claritudo non efficit. Quòd si quid est in nobilitate bonum , id esse arbitror solum , vt imposta nobilibus necessitudo videatur , ne à majorum virtute degenerent.

ME

METRUM VI.

OMne hominum genus in terris
 Simili surgit ab ortu:
Vnus enim rerum pater est,
Vnus cuncta ministrat.
Ille dedit Phœbo radios,
Dedit & cornua Lunæ.
Ille homines etiam terris,
Dedit & sidera cælo.
Hic clausit membris animos,
Celsâ sede petitos.
Mortaleis igitur cunctos
Edit nobile germen.
Quid genus, & proavos strepitis?
Si primordia vestra,
Auctoremque Deum spectes,
Nullus degener exstat,
Ni vitijs pejora fouens;
Proprium deserat ortum.

PROSA VII.

Quid autem de corporis vol-
 ptatibus loquar; quarum ap-
 petentia quidem plena est
 anxie-

anxietatis, satietas verò pœnitentia? Quantos illæ morbos, quām intollerabiles dolores, quasi quandam frumentum nequitiæ fruentium solent referre corporibus! quarum motus, quid habeat jucunditatis, ignoro. Tristeis verò esse voluptatum exitus, quisquis reminisci libidinum suarum volet, intelliget. Quæ si beatos explicare possunt, nihil causæ est, quin pecudes quoque beatæ esse dicantur; quarum omnis ad explendam corporalem lacunam festinat intentio. Honestissima quidem conjugis foret liberorumque jucunditas: sed nimis è natura dictum est, nescio quem filios invenisse tortores: quorum quām sit mordax quæcumque conditio, neque alias expertum te, neque nunc anxiū necesse est admonere. In quo Euripides mei sententiam probo, qui carrentem liberis, infortuniō dixit esse felicem.

METRUM VII.

Habet omnis hoc voluptas,
Stimulis agit fruenteis,
Apiumque par volantum,
Vbi grata mella fudit.
Fugit, & nimis tenaci,
Ferit icla corda morsu.

PROSA VIII.

Nihil igitur dubium est, quin
hae ad beatitudinem viæ de-
via quædam sint, nec perdu-
cere eò quemquam valeant, ad quod
se perducturas esse promittunt. Quan-
tis verò implicitæ molis sint, brevi-
simè monstrabo. Quid enim? pecu-
niamne congregare conaberis. sed eri-
pies habenti. Dignitatibus fulgere ve-
lis? danti supplicabis: & qui præire
ceteros honore cupis, poscendi hu-
militate viletces. Potentiamne desi-
deras: subjectorum insidijs obnoxius
periculis subjacebis. Gloriam petis?
sed

sed per aspera quæq; distractus, securus
esse desistis. Voluptariam vitam de-
gas, sed quis non spernat, atq; abiijciat
viliissimæ, fragilissimæque rei corpo-
ris servicium? Iam verò qui bona præ-
se corporis ferunt, quām exigua,
quām fragili possessione nituntur!
Num enim elephantes mole, tauros
robore superare poteritis? num tigres
velocitate præibitis? Respicite cæli
spatium, firmitudinem, celeritatem,
& aliquando definite vilia mirari.
Quod quidem cælum non his potius
est, quām suā, quā regitur ratione,
mirandum. Formæ verò nitor ut ra-
pidus est, ut velox, & venalium flo-
rum mutabilitate fugatior! Quòd si,
ut Aristoteles ait, Lynceis oculis ho-
mines vterentur, ut eorum visus ob-
stantia penetraret, nonne introspe-
ctis visceribus, illud Alcibiadis super-
ficie pulcherrimum corpus, turpissi-
mum videretur? Igitur te pulchrum
videri, non tuā naturā, sed oculorum
spectantium reddit infirmitas. Sed
æstima-

L I B E R

æstimate, quām vultis, nimiò corporis bona; dum sciatis hoc, quodcūmque miramini, triduanæ febris igniculo posse dissolvi. Ex quibus omnibus illud in summain redigere licet; quòd hæc, quæ nec præstare, quæ possidentur, bona possunt, nec omnium bonorum congregatione perfecta sunt, ea nec ad beatitudinem, quasi quidam calles, ferunt, nec beatos ipsa, perficiunt.

M E T R V M VIII.

Ehen, quām miseros tramite devio
Abducit ignorantia!
Non aurum in viridi quaritis arbore,
Nec vite gemmas carpitis,
Non altis laqueos montibus abditis,
Ut pisce ditetis dapes.
Nec vobis capreas si libeat sequi,
Tyrrhena captatis vadu.
Ipsos quinetiam fluctibus abditos,
Norunt recessus aquoris,
Quæ gemmis niveis undaferacior,
Vel quarubentis purpure:
Nec

Nec non quæ tenero pisce , vel asperis
 Praestrant echinis littora .
 Sed quonam lateat , quod cupiunt bo-
 num ,
 Nescire cæli sustinent ,
 Et quod stelliferum trans abiit polum ,
 Tellure demersi petunt .
Quid diḡum stolidis mentibus imprecer?
 Opes , honores ambiant ,
 Et cum falsa gravi mole paraverint ,
 Tum vera cognoscant bona .

PROSA IX.

Hactenus mendacis formam
 felicitatis ostendisse suffece-
 rit : quam si perspicaciter in-
 tuearis , ordo est deinceps , quæ sit ve-
 ra monstrare . Atqui video , inquam ,
 nec opibus sufficientiam , nec regnis
 potentiam , nec reverentiam dignita-
 tibus , nec celebritatem gloriæ , nec
 lætitiam voluptatibus posse contingere . An etiam causas , cur id ita sit ,
 deprehendisti ? Tenui quidem veluti

F rimu-

rimulâ mihi videor intueri : sed exte-
cognoscere apertiùs malim. Atqui
promptissima ratio est. Quod enim
simplex est, indivisumque naturâ , id
error humanus separat , & à vero , at-
que perfecto ad falsum, imperfectum-
que traducit. An tu arbitraris , quòd
nihilo indigeat, egere potentia ? mi-
nimè , inquam. Rectè tu quidem :
nam si quid est , quod in villa re imbe-
cillioris valentiae sit , in hac præsidio
necessitatem egeat alieno. Ita est , in-
quam, igitur sufficientiae , potentiaeque
vna est , eademque natura. Sic vide-
tur. Quod verò hujusmodi sit , sper-
nendum , ne esse censes , an contra re-
rum omnium veneratione dignissi-
mum ? At hoc , inquam , ne dubitari
quidem potest. Addamus igitur su-
fficientiae , potentiaeque reverentiam ,
ut hæc tria unum esse judicemus. Ad-
damus , siquidem vera volumus con-
fiteri. Quod verò , inquit , obscurum-
ne hoc atque ignobile censes esse , an
omni celebritate clarissimum ? Con-
sidera

sidera verò , ne , quod nihilo indige-
re , quod potentissimum , quod ho-
nore dignissimum esse concessum est ,
egere claritudine , quam sibi præstare
non possit , atque ob id aliqua ex par-
te videatur abjectius . Non possum ,
inquam ; quin hoc vti est , ita etiam
celeberrimum esse confitear . Conse-
quens igitur est , vt claritudinem su-
perioribus tribus nihil differre fatea-
mur . Consequitur , inquam . Quod
igitur nullius egeat alieni , quod suis
cuncta viribus possit , quod sit cla-
rum , atque reverendum : nonne hoc
etiam constat esse lætissimum ? Sed
vnde huic , inquam , tali mœror ullus
obrepat , ne cogitare quidem possum .
Quare plenum esse lætitiae , siquidem
superiora manebunt , necesse est con-
fiteri . Atqui illud quoque per eadem
necessarium est , sufficientiae , poten-
tiæ , claritudinis , reverentiæ , jucun-
ditatis nomina quidem esse diversa ,
nullo vero modo discrepare substan-
tiam . Necesse est , inquam . Hoc

igitur, quod est vnum, simplicesque
naturā, pravitas humana dispertit, &
dum rei, quæ partibus caret, partem
conatur adipisci, nec portionem, quæ
nulla est: nec ipsam, quam minimè
affectat, assequitur. **Quonam**, in-
quam, modo? **Qui** divitias, inquit,
petit penuria fugā, de potentia nihil
laborat: vilis, obscurusque esse ma-
vult, multas etiam sibi naturaleis
quoque subtrahit voluptates, ne pe-
cuniam, quam paravit, amittat. Sed
hoc modo ne sufficientia quide[m]
contigit ei, quem valentia deserit,
quem molestia pungit, quem vilitas
abijcit, quem recondit obscuritas.
Qui verò solūm posse desiderat; pro-
fligat opes, despicit voluptates, ho-
norēmque potentia carentem, glo-
riam quoque nihil pendit. Sed huic
quoque, quam multa deficiant, vides.
Fit enim ut aliquando necessarijs e-
geat, ut anxietatibus mordeatur;
cūmque hæc depellere nequeat, et-
iam id, quod maximè petebat, potens
esse

esse desistit. Similiter ratiocinari de honoribus, gloria, voluptatibus licet. Nam cùm vnumquodq; horum idem quod cætera, sit, quisquis horum aliquid sine cæteris petit, ne illud quidem, quod desiderat, apprehendit. Quid igitur? inquam. Si quis cuncta simul cupiat adipisci, summam quidem ille beatitudinis velit: sed num in his eam reperiet, quæ demonstravimus, id, quod pollicentur, non posse conferre? Minimè inquam. In his igitur, quæ singula quæque expetendorum præstare creduntur, beatitudo nullo modo investiganda est. Fateor, inquam, & hoc nihil dici verius potest. Habes igitur, inquit, & formam falsæ felicitatis, & causas: deflece nunc in adversum mentis intuitum; ibi enim veram, quam promisimus, statim videbis. Atqui hæc, inquam, vel cæcō perspicua est, eamque tu paulò ante monstrasti, dum falsæ beatitudinis causas aperire conabar. Nam, ni fal-

lor, ea vera est, & perfecta felicitas,
quæ sufficientem potentem, reveren-
dum, celebrem, lætumque perficiat.
Atque ut me interius animadvertisse
cognoscas, quæ vnum horum, quo-
niam idem cuncta sunt, veraciter
præstare potest, hanc esse plenam bea-
titudinem sine ambiguitate cognos-
co. O te alumne hac opinione feli-
cem sentio, siquidem hoc, inquit, ad-
jeceris. Quidnam? inquam. Essene
aliquid in his mortalibus caducisque
rebus putas, quod hujusmodi statum
possit afferre? Minime, inquam, pu-
to; idque à te, nihil ut amplius desi-
deretur, ostensum est. Hæc igitur vel
imagines veri boni, vel imperfecta
quædam dare bona mortalibus viden-
tur: verum autem, atque perfectum
bonum conferre non possunt. Af-
fentior, inquam. Quoniam igitur
agnovisti, quæ vera illa sit, quæ au-
tem beatitudinem mentiantur, nunc
supereft, ut vnde veram hanc petere
possis, agnoscas. Id quidem, in-
quam,

quam, jam dudum vehementer ex-
pecto. Sed cùm, vti in Timæo Pla-
toni, inquit, nostro placet, in minimis
quoque rebus divinum præsidium
debeat implorari. Quid nunc facien-
dum censes, vt illius summi boni se-
dem reperire mereamur? | Invocan-
dum, inquam, rerum omnium patrem
quò prætermisso, nullum ritè funda-
tur exordium. Rectè, inquit, ac si-
. mul ita modulata est.

M E T R V M IX.

O Qui perpetua mundum ratione
gubernas,
Terraruis calique sator, qui tempus ab-
œvo,
Ire jubes, habilisque manens das cuncta
moveri,
Quem non externæ pepulerunt fingere
causæ:
Materia fluitantis opus; verum insita
summi,

Forma boni, livore carens, tu cuncta
 superno,
 Ducis ab exemplo : pulchrum pulcherri-
 mus ipse,
 Mundum mente gerens similique imagi-
 ne formans,
 Perfectasque jubens perfectum absolvere
 parteis,
 Tu numeris elementa ligas, ut frigora
 flammis,
 Arida convenient liquidis : ne purior
 ignis
 Evolet, aut mersas deducant pondera
 terras.
 Tu triplicis medium naturae cuncta mo-
 ventem
 Connectens animam per consona mem-
 bra resolvit.
 Quæ cùm secta duos motum glomeravit
 in orbeis,
 In semet redditura meat, mentemque
 profundam
 Circuit, & simili convertit imagine ca-
 lum.

Tu

Tu causis animas paribus, vitasque mi-
 nores
 Provehis, & levibus sublimeis curribus
 aptans,
 In cælum, terramque seris: quas lege
 benignâ
 Ad te conversas reduci facis igne reverti.
 Da pater augustam menti descendere
 sedem,
 Da fontem lustrare boni, da luce re-
 pertâ
 In te conspicuos animi defigere visus.
 Disjice terrena nebulas & pondera molis,
 Atque tuo splendore mica: tu namque
 serenum,
 Tu requies tranquilla pijs: te cernere fi-
 nis,
 Principium, vector, dux, semita, ier-
 minus idem.

PROSA X.

Quoniam igitur quæ sit im-
 perfecti, quæ etiam perfecti
 boni forma, vidisti: nunc de-
 mon-

monstrandum reor, quoniam hæc felicitatis perfectio constituta sit. In quo illud primū arbitror inquirendum, an aliquod hujusmodi bonum, quale paulò ante definisti, in rerum natura possit existere, ne nos præter rei subjectæ veritatem cassa cognitionis imago decipiatur. Sed quin existat, sitque hoc veluti quidam omnium fons bonorum, negari nequit. Omne enim quod imperfectum esse dicitur, id diminutione perfecti imperfectum esse prohibetur. Quô fit, vt si in quolibet genere imperfectum quid esse videatur, in eo, perfectum quoque aliquod esse, necessè sit. Etenim perfectione sublatâ, unde illud, quod imperfectum prohibetur extiterit, ne fingi quidem potest. Neque enim à diminutis, in consummatisque natura rerum cæpit exordium, sed ab integris absolutisque procedens, in hæc extrema atque effera dilabitur. Quod si, vti paulò ante monstravimus, est quædam boni fragilis imperfecta felicitas; esse a-

liquam solidam , perfectamque , non potest dubitari . Firmissime , inquam , verissimèque conclusum est . Quò vero , inquit , habitet , ita considera . Deum rerum omnium principem , bonum esse , communis humanorum conceptio probat animorum . Nam cùm nihil Deo melius excogitari queat , id , quò melius nihil est , bonum esse quis dubitet ? ita verò bonum esse Deum ratio demonstrat , ut perfectum quoque bonum in eo esse convincat . Nam ni tale sit , rerum omnium princeps esse non poterit ; erit enim eō præstantius aliquid , perfectum possidens bonum , quod hoc prius , atq; antiquius esse videatur : omnia namque perfecta minùs integris priora esse claruerunt . Quare ne in infinitum ratio prodeat , confitendum est summum Deum , summi , perfectique boni esse plenissimum . Sed perfectum bonum veram esse beatitudinem constitui- mus . Veram igitur beatitudinem in summo Deo sitam esse , necesse est .

Accipio, inquam, nec est quod contradici vlo modo queat. Sed quæso, inquit, te, vide quām id sanctè atque inviolabiliter probes, quòd boni summi summum Deum diximus esse plenissimum. Quonam, inquam, modo? Ne hunc rerum omnium patrem illud summum bonum, quō plenus esse perhibetur, vel extrinsecus accepisse, vel ita naturaliter habere præsumas, quasi, habentis Dei, habitæque beatitudinis diversam cogites esse substantiam. Nam si extrinsecus acceptum putas, præstantius id, quod dederit, eō quod acceperit, existimare possis. Sed hunc esse rerum omnium præcellentissimum, dignissimè confitemur. Quod si natura quidem inest, sed ratione diversum, cùm de rerum principe loquamur Deo, fingat qui potest, quis hæc diversa conjunxerit? Postremo quod à qualibet re diversum est, id non est illud, à quo intelligitur esse diversum. Quare à summo bono diversum est sui naturâ, id quod sum-

mum

mum bonum non est : quod nefas est de Deo cogitare, quò nihil constat esse præstantius. Omnia enim nullius rei natura suo principio melior poterit existere. Quare quod omnium principium sit, id etiam sui substantiæ summum esse bonum verissimâ ratione concluserim. Reclissimè, inquam. Sed summum bonum beatitudinem esse concessum est. Ita est, inquam. Igitur, inquit, Deum esse ipsam beatitudinem, necesse est confiteri. Nec propositis, inquam, prioribus refragari queo, & ab illis hoc illatum consequens esse perspicio. Respice, inquit, an hinc quoque idem firmius approbetur, quod duo summa bona, quæ à se diversa sunt, esse non possunt. Etenim quæ discrepant bona, non esse alterum quod sit alterum, liquet : quare neutrum poterit esse perfectum, cum alterutri alterum deest. Sed quod perfectum non sit, id summum non esse manifestum est : nullo modo igitur quæ summa sunt bona, ea possunt esse

diversa. Atqui & beatitudinem, & Deum, summum bonum esse colligimus: quare ipsam necesse est summam esse beatitudinem, quæ sit summa diuinitas. Nihil, inquam, nec re ipsâ verius, nec ratiocinatione firmius, nec Deo dignius concludi potest. Super hæc, inquit, igitur veluti Geometræ solent demonstratis propositis aliquid inferre, quæ ipsi *porismata* vocant, ita ego quoque tibi veluti corollarium dabo. Nam quoniam beatitudinis adeptione fiunt homines beati, beatitudo verò est ipsa divinitas, divinitatis adeptione fieri beatos, manifestum est. Sed uti iustitiæ adeptione justi, sapientiæ sapientes fiunt, ita divinitatem adeptos, deos fieri simili ratione necessè est. Omnis igitur beatus, Deus; sed naturâ quidem unus, participatione verò nihil prohibet esse quam plurimos. Et pulchrum, inbuam, hoc, atque pretiosum, sive *porisma*, sive corollarium vocari mavis. Atqui hoc quo-

quoque pulchrius nihil est, quod his
annectendum esse ratio persuadet.
Quid? inquam. Cùm multa, inquit,
beatitudo continere videatur, utrum
ne hæc omnia unum veluti corpus
beatitudinis quadam partium varie-
tate conjungant, an sit eorum ali-
quid, quod beatitudinis substantiam
completeat, ad hoc verò cætera referan-
tur? Vellein, inquam, id ipsarum re-
rum commemoratione petefaceres.
Nonne, inquit, beatitudinem bonum
esse censemus? Ac summum quidem,
inquam. Addas, inquit, hoc omnibus
licet. Nam eadē sufficientia summa
est, eadem summa potentia, reveren-
tia quoque, claritas, & voluptas bea-
titudo esse judicatur. Quid igitur?
Hæccine omnia bona, sufficientia, po-
tentia, cæteraque veluti quædam beati-
tudinis membra sunt, an ad bonū ve-
luti adverticem cuncta referuntur? In-
telligo, inquam, quid investigandum
proponas: sed quid constituas, audire
desidero. Hujus rei discretionē sic ac-
cipe.

cipe. Si hæc omnia beatitudiuis membra forent , à se quoque invicem diligarent. Hæc est enim partium natura, ut vnum corpus diversa componant. Atqui hæc omnia idem esse monstrata sunt. Minime igitur membra sunt : alioquin ex uno membro beatitudo videbitur esse conjuncta , quod fieri nequit. Id quidem, inquam dubium non est : sed id , quod restat , exspecto. Ad bonum verò cætera referri palam est. Idcirco enim sufficiencia petitur , quoniam bonum esse iudicatur, idcirco potentia, quoniam id quoque esse creditur bonum. Idem de reverentia, claritudine , jucunditate, conjectare licet. Omnium igitur expectendorum summa atque causa bonum est. Quod enim neque re , neque similitudine ullum in se retinet bonum , id expeti nullo modo potest , contrariaq; etiam, quæ naturâ bona non sunt , tamen si esse videantur , quasi vera bona sint , appetuntur. Quô fit , vti summa , cardo , atque causa expectendorum

tendorum omnium, bonitas esse jure credatur. Cujus verò causâ quid expetitur, id maximè videtur optari. Veluti si salutis causâ quispiam velit equitare, non tam equitandi motum desiderat, quām salutis effectum. Cùm igitur omnia boni gratiâ petantur, non illa potius quām bonum ipsum desideratur ab omnibus. Sed propter quod cætera optantur, beatitudinem esse concessimus: quare sic quoque sola quæritur beatitudo. Ex quo liquidò apparet ipsius boni, & beatitudinis vnam atque eandem esse substantiam. Nihil video, cur dissentire quispiam possit. Sed Deum verāmque beatitudinem vnum, atque idem esse monstravimus. Ita, inquam. Securé igitur concludere licet, Dei quoque in ipso bono, nec vsquam alio, sitam esse substantiam.

METRUM X.

Huc omnes pariter venite capti,
 Quos fallax ligat improbis catenâ
 Terrenas habitans libido menteis.
 Heic erit vobis requies laborum,
 Heic portus placidâ manens quiete,
 Hoc patens unum miseris asylum.
 Non quidquid Tagus aureis arenis
 Donat, aut Hermus rutilante ripâ,
 Aut Indus calido pâpinqvis orbi:
 Candidis miscens virideis lapillos,
 Illustrant aciem, magisque cacos
 In suos condunt animos tenebras.
 Hoc quidquid placet, excitatque mem-
 teis,
 Infimis tellus aluit cavernis.
 Splendor quo regitur, vigetque calum,
 Utat obscuras anime ruinas.
 Hanc quisquis poterit notare lucem,
 Candidos Phæbi radios negabit.



PROSA XI.

Affentior, inquam. Cuncta enim firmissimis nexa rationibus constant. Tum illa, quanti, inquit, æstimabis, si bonū ipsum quid sit, agnoveris: Infiniti, inquam: siquidē mihi pariter Deum quoq; , qui bona est continget agnoscere. Atqui hoc verissimā, inquit, ratione patefaciam, maneant modo quæ paulò ante conclusa sunt. Manebunt, inquam. Nonne, inquit, monstravimus ea, quæ appetuntur à pluribus, idcirco vera perfecta; bona non esse, quoniam à se invicem discreparent, cùmque alteri abesset alterum, plenum, absolutum que bonum afferre non posse ? Tum autem verum bonum fieri, cum in vnam velutiformam, atque efficien- tiam colliguntur, vt quæ sufficientia est, eadem sit potentia, reverentia, clari- tas, atque jucunditas. Nisi verò vnum, atque idem omnia sint, nihil habe-

habere, quō inter expetenda numerantur. Demonstratum est, inquam, nec dubitari ullo modo potest. Quae igitur, cum discrepant, minimè bona sunt; cum verò unum esse cœperint, bona fiunt: nonne hæc ut bona sint, unitatis fieri adeptione contingit? Ita, inquam, videtur. Sed omne quod bonum est, boni participatione bonum esse concedis, an minimè? Ita est. Oportet igitur idem esse unum, atque bonum simili ratione concedas. Eadem namque substantia est eorum, quorum naturaliter non est diversus effectus. Negare, inquam, nequeo. Nostine igitur, inquit, omne quod est, tam diu manere atque subsistere, quam diu sit unum; sed interire atque dissolvi pariter, atque unum esse destiterit? Quonam modo? Ut in animalibus, inquit, cum in unum coœunt, ac permanent anima corpùsque, id animal vocatur. Cum verò hæc unitas utriusque separatione dissolvitur, interire, nec jam esse animal liquet.

Iplum

Ipsum quoque corpus cum in vna forma, membrorum conjunctione, permanet, humana visitur species. At si distributæ, segregatæque partes corporis distraxerint vnitatem, desinit esse quod fuerat. Eoque modo per currenti cætera proculdubio patebit subsistere vnumquodque, dum vnum est: cum verò vnum esse desinit, interire. Consideranti, inquam, mihi plura, minimè aliud videtur. Estne igitur, inquit, quod in quantum naturaliter agat, relictâ sustinendi appetentiâ, venire ad interitum, corruptionemque desideret? Si animalia, inquam, considerem, quæ habent aliquam volendi nolendique naturam, nihil invenio, quod, nullis extra cogentibus abjiciant manendi intentionem, & ad interitum sponte festinent. Omne namque animal tueri salutem laborat: mortem verò, perniciemque devitat. Sed quid de herbis, arboribúsque, quid de inanimatis omnino consentiam rebus, prorsus dubito. At qui non est,

est, quod de hoc possis ambigere, cum
herbas, atque arbores intuearis,
primùm sibi convenientibus innasci
locis, ubi quantum earum natura
queat, citò exarescere, atque interire
non possunt. Nam aliæ quidem cam-
pis, aliæ montibus oriuntur, alias fe-
runt paludes, aliæ saxis hærent, alia-
rum fecundæ sunt steriles arenæ, quas
si in alia quispiam loca transferre co-
netur, arescant. Sed dat cuique natu-
ra quod convenit, & ne dum manere
possunt, intereant, elaborat. Quid di-
cam, quod omnes, velut in terras ore
demerso, trahunt alimenta radicibus,
ac per medullas robur, corticemque
diffundunt? Quid, quod mollissimum
quodque, sicuti medulla est, interiore
semper sede reconditur, extra vero
quadam ligni firmitate tegitur: ulti-
mus autem cortex adversum cæli in-
temperiem, quasi mali patiens defen-
sor opponitur? Jam vero quanta est
naturæ diligentia, ut cuncta semine
multiplicato propagentur, quæ omnia

non

non modo ad tempus manendi, verū generatim quoque, quasi in perpetuum permanendi, veluti quasdam machinas esse quis nesciat? Ea etiam quæ inanimata esse creduntur, nonne quod suum est, quæque simili ratione desiderant? Cur enim flamas quidem sursum levitas vehit, terras vero deorsum pondus deprimit, nisi quod hæc singulis loca, motionesque convenientiunt? Porro autem quod cuique consentaneum est, id vnumquodque conservat: sicuti ea, quæ sunt inimica, corrumpunt. Jam vero quæ dura sunt, ut lapides adhærent tenacissime partibus suis, &, ne facilè dissolvantur, resistunt. Quæ vero liquentia, ut aer, atque aqua, facilè quidem dividentibus cedunt, sed citò in ea rursus, à quibus sunt abscissa, relabuntur. Ignis vero omnem refugit sectiōnem. Neque nunc nos de voluntariis animæ cognoscentis motibus, sed de naturali intentione tractamus. Sicuti est, quod exceptas escas sine cogitatione

tione transfigimus, quod in somno spiritum ducimus nescientes. Nam ne in animalibus quidem manendi amor ex animæ voluptatibus, verum ex naturæ principiis venit. Nam saepe mortem cogentibus causis, quam natura reformidat, voluntas amplectitur: contraque illud, quod solo mortalium rerum durat diuturnitas, gignendi opus, quod natura semper appetit, interdum coercet voluntas. Adeo haec sui caritas non ex animali motione, sed ex naturali intentione procedit. Dedit enim providentia creatis a se rebus hanc vel maximam manendi causam, ut, quoad possunt, naturaliter manere desiderent: quare nihil est, quod vlo modo queas dubitare, cuncta, quæ sunt, appetere naturaliter constantiam permanendi, devitare perniciem. Confiteor, inquam, nunc me indubitate cernere, quæ dudum incerta videbantur. Quod autem, inquit, subsistere ac permanere appetit, id unum esse desiderat,

siderat, hoc enim sublato, ne esse quidem cuiquam permanebit. Verum est, inquam. Omnia igitur, inquit, vnum desiderant. Consensi. Sed vnum id ipsum monstravimus esse, quod bonum est. Ita quidem. Cuncta igitur bonum petunt : quod quidem ita describas licet, ipsum bonum esse, quod desideretur ab omnibus. Nihil, inquam, verius excogitari potest. Nam vel ad nihilum cuncta referuntur, & uno, veluti vertice destituta, sine rectore, fluitabunt : aut si quid est, ad quod vniuersa festinent, id erit omnium summum honorum. Et illa, nimium, inquit, o alumne. lætor : ipsam enim mediæ veritatis notam mente fixisti : sed in hoc patuit tibi, quod ignorare te paulò ante dicebas. Quid? inquam. Quis esset, inquit, rerum omnium finis : Id enim profectò, quod desideratur ab omnibus : quod quia bonum esse collegimus, oportet, rerum omnium finem bonum esse fateamur.

METRUM XI.

Quisquis profundâ mente vestigat
 verum,
 Cupitque nullis ille deviis falli,
 In se revolat intimi lucem visûs,
 Longosque in orbem cogat inflectens mo-
 tus,
 Animumque doceat quidquid extra mo-
 litur,
 Suis retrusum possidere thesauris.
 Dudum quod atra texit erroris nubes,
 Lucebit ipso perspicaciùs Phæbo.
 Non omne námque mente depluit lu-
 men,
 Obliviosam corpus invehens molem.
 Hæret profecto semen introrsum veri,
 Quod excitatur ventilante doctrinâ.
 Nam cur rogati sponte recta censem,
 Ni mersus aliò viveret fomes corde?
 Quid si Platonis Musa personat verum.
 Qnod quisque dicit, immemor recorda-
 tur.

PRO-

PROSA XII.

Tum ego, Platoni, inquam, vehementer assentior: nam me horum jam secundò commoras. Primum, quod memoriam corporeâ contagione, dehinc cum mœroris mole pressus, amisi. Tum illa, si superiora, inquit, concessa respicias, ne illud quidem longius abeuit, quin recorderis, quod te dudum nescire confessus es. Quid? inquam. Quibus, ait illa gubernaculis mundus regatur. Memini, inquam, me inscitiam meam fuisse confessum: sed quid afferas, licet jam prospiciam, planiùs tamen ex te audire desidero. Mundum hunc, inquit, à Deo regi paulò ante minimè dubitandum putabas. Ne nunc quidem arbitror, inquam; nec unquam dubitandum putabo, quibuscque in hoc rationibus accedam, breviter exponam. Mundus

dus hic ex tam diverfis, contrariisque partibus in unam formam minimè convenisset, nisi unus esset, qui tam diversa coniungeret: conjuncta verò naturarū ipsa diversitas, invicem discors, dissociaret, atque divelleret: nisi unus esset, qui quod nexuit, contineret. Non tam verò certus naturæ ordo procederet, nec tam dispositos motus, locis, temporibus, efficientiā, spatiis, qualitatibus explicaret, nisi unus esset, qui has mutationum varietates manens ipse disponeret. Hoc quidquid est, quo condita manent, atque cogitantur, usitato cunctis vocabulo Deum nomino. Tum illa, cum hæc, inquit, ita sentias, parvam tibi restare operam puto, ut felicitatis compos, patriam fospes revisas: sed quæ proposuimus, intueamur. Nonne in beatitudine sufficiētiā numeravimus, Deumque beatitudinem ipsam esse concessimus? Ita Iquidem. Et ad mundum igitur, inquit, regendum nullis extrin-

trinsecus adminiculis indigebit: alioquin si quo egeat, plenam sufficientiam non habebit. Id, inquam, ita est necessarium. Per se igitur solum cuncta disponit. Negari, inquam, nequit. Atqui Deus ipsum bonum esse monstratus est. Memini, inquam. Per bonum igitur cuncta disponit: si quidem per se regit omnia, quem bonum esse concessimus; & hic est veluti quidam clavus atque gubernaculum, quo mundana machina stabiliſ atque incorrupta servatur. Vehementer assentior, inquam, & id te paulo ante dicturam, tenui licet suspicione, prospexi. Credo, inquit: jam enim, ut arbitror, vigilantiis ad cernenda vera oculos deducis: sed quod dicam non minis ad contuendum patet. Quid? inquam. Cum Deus, inquit, omnia bonitatis clavo gubernare jure credatur, eademque omnia, sicuti docui, ad bonum naturali intentione festinent, num dubitari potest, quin voluntarie regan-

tur, s^eque ad disponentis nutum, ve-
luti convenientia, contemperataque
rectori, sponte convertant. Ita, in-
quam, necesse est: nec beatum regi-
men esse videretur: si quidem detre-
ctantium jugum foret, non obtempe-
rantium salus. Nihil est igitur, quod
naturam servans, Deo contraire co-
netur. Nihil, inquam. Quod si co-
netur, ait, num tandem proficiet
quidquam adversus eum, quem jure
beatitudinis potentissimum esse con-
cessimus? prorsus, inquam, nihil va-
leret. Non est igitur aliquid, quod
summo huic bono vel velit, vel pos-
sit obsistere. Non, inquam, arbitror.
Est igitur, inquit, summum bonum,
quod regit cuncta fortiter, suavit^e-
que disponit. Tum ego, quam, in-
quam, me non modo ea, quae conclu-
sa est, summa rationum, verum mul-
to magis h^ac ipsa verba, quibus ute-
ris, delectant, ut tandem aliquando
stultitiam magna latrantem sui pu-
deat. Accepisti, inquit, in fabulis la-

ce-

cessenteis cœlum Gigantes : sed illos quoque, uti condignum fuit, benigna fortitudo deposuit. Sed visne rationes ipsas invicem collidamus ? forsitan ex hujusmodi conflictatione pulchra quædam veritatis scintilla difficiet. Tuo, inquam, arbitratu. Deum, inquit, esse omnium potentem nemo dubitaverit. Qui quidem, inquam, mente consistat, nullus profsus ambigat. Qui verò est, inquit, omnium potens, nihil est, quod ille non possit. Nihil, inquam. Num igitur Deus facere malum potest? Minime, inquam. Malum igitur, inquit, nihil est, cùm id facere ille non possit, qui nihil non potest. Ludi sive inquam, me, inextricabilem Labyrinthum rationibus texens, quò nunc quidem, quà egrediaris, introëas : nunc verò quò introieris, egrediare; an mirabilem quendam divinæ simplicitatis orbem complicas? Etenim paulò ante à beatitudine incipiens, eam summum bonum esse dicebas, quam in-

summo Deo sitam loquebare? ipsum quoque Deum summum esse bonum, plenāmque beatitudinem differebas: ex quo neminem beatum fore, nisi qui pariter Deus esset, quasi munusculum dabas. Rursus ipsam boni formam, Dei, ac beatitudinis loqueris esse substantiam: ipsisque unum id ipsum esse bonum dicebas, quod ab omni rerum natura peteretur: Deum quoque bonitatis gubernaculis universitatem regere disputabas, volentiāque cuncta parere, nec ullam mali esse naturam: atque hæc nullis extrinsecūs sumptis, sed altero ex altero fidem trahente, insitis, domesticisque probationibus explicabas. Tum illa, minimè, inquit, ludimus; remque omnium maximam Dei munere, quem dudum deprecabamur, exegimus. Ea est enim divinæ forma substantiæ, ut neque in externa dilabatur, nec in se externum aliquid ipsa suscipiat: sed sicut de ea Parmenides ait: *Undique in circulis*

du-

ducis similem acerum. Quod si rationes quoque non extra petitas, sed intra rei, quam tractabimus, ambitum collocatas agitavimus: nihil est quod admirere, cum Platone sanciente diceris, cognatos, de quibus loquimur, rebus oportere esse sermones.

M E T R V M XII.

F*Elix qui potuit boni
Fontem visere lucidum:
Felix, qui potuit gravis
Terræ solvere vincula.
Quondam funera conjugis
Vates Threicius gemens,
Postquam flebilibus modis
Silvas currere, mobileis
Amneis stare coegerat,
Inxitque intrepidum latus
Savit cerva leonibus,
Nec visum timuit lepus
Iam cantu placidum canem,
Cum flagrantior intima
Fervor pectoris uret.*


G 5

Nec

Nec qui cuncta subegerant,
 Mulcerent dominum modi,
 Immiteis superos querens,
 Infernas adiit domos.
 Illic blanda sonantibus
 Chordis carmina temperans,
 Quicquid præcipuis Deæ
 Matris fontibus hauserat,
 Quod luctus dabant impotens,
 Quod luctum geminans amor
 Deflet, Tænara commovens,
 Et dulci veniam prece
 Umbrarum dominos rogat.
 Stupet tergeminus novo
 Captus carmine janitor,
 Quæ fontes agitant mala
 Ultrices scelerum deæ,
 Iam mestæ lacrimis madent.
 Non Ixionium caput
 Velox præcipitat rota,
 Et longa site perditus
 Spernit flumina Tantalus.
 Vultur dum satur est modis,
 Non traxit Tayjecur.
 Tandem, vincimur, arbiter

U-

Umbrarum miserans ait.
 Donemus comitem viro
 Emtam carmine conjugem:
 Sed lex dona coerceat,
 Ne, dum Tartara liquerit,
 Fas sit lumina flectere.
 Quis legem det amantibus?
 Major lex amor est sibi.
 Heu, noctis prope terminos,
 Orpheus Eurydicen suam
 Vedit, perdidit, occidit.
 Vos haec fabula respicit,
 Quicunque in superum diem
 Mentem ducere queritis.
 Nam qui Tartareum in specie
 Victus lumina flexerit,
 Quicquid precipuum trahit,
 Perdidit, dum videt inferas.



LIBER QUARTUS.

PROSA I.

HÆc cùm Philosophia, dignitate
vultûs, & oris gravitate servata,
leniter, suavitérque ceci-
nisset, tum ego, nondum penitus in-
siti mœroris oblitus, intentionem di-
cere adhuc aliquid parantis abrupi. Et
C, inquam, veri prævia luminis, quæ
usque adhuc tua fudit oratio, tum sui
speculatione divina, tum tuis ratio-
nibus invicta patuerunt, eaque mihi,
etsi ob injuriæ dolorem nuper oblita,
non tamen antehac prorsus ignorata
dixisti. Sed ea ipsa est vel maxima
nostrî causa mœroris, quod, cùm re-
rum bonus rector existat, vel esse o-
mninò mala possint, vel impunita
prætereant. Quod solum quantâ di-
gnum sit admiratione, profectò con-
sidera. At huic aliud majus adjungi-
tur, nam inperante, florentéque ne-
qui-

quitia, virtus non solum premissis caret, verum etiam scelerorum pedibus subjecta calcatur, & in locum facinorum supplicia luit. Quae fieri in regno scientis omnia, potentis omnia, sed bona tantummodo volentis Dei, nemo satis potest nec admirari, nec conqueri. Tum illa, & esset, inquit, infiniti stuporis, omnibusque horribilis monstros, si, uti tu existimas, in tanti velut partis familias dispositissima domo, vilia vase colerentur, pretiosa sordecerent: sed non ita est. Nam si ea, quae paulo ante conclusa sunt, inconvulsa servantur, ipsò, de cuius nunc regno loquimur, auctore cognosces semper quidem potentes bonos esse, malos vero abjectos semper, atque imbecilleis: nec sine poena unquam esse vitia: nec sine premio virtutes: bonis felicia, malis semper infortunata contingere, multaque id genus, quae sotiris querelis firmate soliditate coroborent. Et quoniam verae formam beatitudinis me dudum

monstrante vidisti , quò etiam sita sit
agnovisti, decursis omnibus, quæ præ-
termitere necessarium puto, viam ti-
bi, quæ te domum revehat, ostendam,
Pennas, etiam tuæ menti , quibus se
in altum tolere possit, affigam, ut per-
turbatione depulsâ, fôspes in patriam,
meô ductu, meâ semitâ , meis etiam
vehiculis revertatis.

METRVM I.

Sunt enim pennæ volucres mihi ,
Quæ celsa conscendant poli :
Quas sibi cùm velox mens induit,
Terras perosa despicit ,
Aëris immensi superat globum ,
Nubesque post tergum videt ,
Quique agili motu calet aetheris,
Transcendit ignis verticem ,
Donec in astriferas surgat domos ,
Phæbōque conjungat vias.
Aut comitetur iter , gelidi senis ,
Miles coruscis fideris ,
Vel quocunque micans nox pingitur ,
Recurrat astri circulum. At-

Atque ubijam exhausti fuerit satis,
 Polum relinquat extimum,
 Dorsaque velocis premat aetheris
 Compos verendi luminis.
 Hec regum sceptrum dominus tenet,
 Orbisque habenas temperat,
 Et volucrem currum stabilis regit,
 Rerum coruscus arbiter.
 Huc te si reducem referat via,
 Quam nuic requiris immemor,
 Hac dices, memini, patria est mihi,
 Hinc ortus heic sistam gradum:
 Quod si terrarum placeat tibi
 Noctem relictam visere,
 Quos miseri toruos populi timent,
 Cernes tyrannos exsules.

PROSA II.

Tum ego, Papæ, inquam, ut
 magna promittis! nec du-
 bito quin possis efficere: tu
 modò quem excitayeris, ne moreris.
 Primùm igitur, inquit, bonis semper
 adesse potentiam, malos cunctis viri-
 bus

bus esse desertos, agnoscas licebit : quorum quidem alterum demonstratur ex altero. Nam cum bonum , malumque contraria sint, si bonum potens esse constiterit, liquet imbecillitas mali: at si fragilitas clarescat mali, boni firmitas nota est. Sed uti nostrae sententiae fides abundantior sit, alterutro calle procedam, nunc hinc , nunc inde proposita confirmans. Duo sunt, quibus omnis humorum actuum constat effectus : voluntas scilicet , ac potestas : quorum si alterutrum desit, nihil est quod explicari queat. Deficiente etenim voluntate , ne aggreditur quidem quisque quod non vult : at si potestas absit , voluntas frustra sit. Quod fit , ut si quem videoas velle adipisci , quod minimè adipiscatur , huic obtinendi quod voluerit , defuisse valentiam dubitare non possis. Perspicuum est, inquam, nec ullo modo negari potest. Quem verò effecisse , quod voluerit, videoas , num etiam potuisse

dubitabis? Minime. Quod verò quisque potest, in eo validus: quod verò non potest, in hoc imbecillis esse censendus est. Fateor, inquam. Meministine igitur, inquit, superioribus rationibus esse collectum, intentionem omnem voluntatis humanæ, quæ diversis studiis agitur, ad beatitudinem festinare? Memini, inquam, id quoque esse demonstratum. Num recordaris beatitudinem ipsum esse bonum; eoque modo cum beatitudo petitur, ab omnibus desiderari bonum? Minime, inquam, recordor, quoniam id memorie fixum teneo. Omnes igitur homines boni pariter, ac mali, indiscretâ intentione ad bonum pervenire nituntur: Ita, inquam, consequens est. Sed certum est, adeptione boni, bonos fieri. Certum. Adipiscuntur igitur boni, quod appetunt? Sic videtur. Mali verò si adipiscerentur, quod appetunt, bonum, mali esse non possent. Ita est. Cum igitur utriusque bonum petant,

fed

sed hi quidem adipiscantur, illi vero
minime; non dubium est, bonos qui-
dem potentes esse; qui vero mali
sunt, imbecilles. **Quisquis**, inquam;
dubitatur, nec rerum naturam, nec con-
sequentiam potest considerare ratio-
num. Rursus inquit: Si duo sint,
quibus idem secundum naturam pro-
positum sit, eorumque unus natu-
rali officio id ipsum agat, atque perfic-
iat: alter vero naturale illud offici-
um minime administrare queat, aliò
vero modò, quam naturae convenit,
non quidem impleat propositum
suum, sed imitetur implementum; quem-
nam horum valentiorum esse decer-
nis? Et si conjecto, inquam, quid ve-
lis, planius tamen audire desidero.
Ambulandi, inquit, motum secun-
dum naturam esse hominibus num
negabis? Minime, inquam. Ejusque
rei pedum officium esse naturale num
dubitas? Ne hoc quidem, inquam.
Si quis igitur pedibus incedere valens
ambulet, aliisque, cui hoc naturale
pedum

pedum dedit officium, manibus nitens, ambulare conetur, quis horum jure valentior existimari potest? Contexi, inquam, cætera; nam quin naturalis officii potens, eō, qui idem nequeat, valentior sit, nullus ambigit. Sed Summum, inquit, bonum, quod æque malis bonisque propositum est, boni quidem naturali officio virtutum petunt; mali verò variam per cupiditatem, quod adipisci boni naturale officium non est, id ipsum conantur adipisci. An tu aliter existimas? Minime, inquam; nam etiam, quod est consequens, patet. Ex his enim quæ concesseram, bonos quidem potenteis, malos verò esse necessè est imbecilleis. Rectè, inquit, percurris: idque uti medici sperare solent, indicium est erectæ jam, resistenterque naturæ. Sed quoniam te ad intelligendum promptissimum esse conspicio, crebras coacervabo rationes. Vide enim quanta vitiosorum hominum pateat infirmitas, qui
ne

ne ad hoc quidem pervenire queunt ;
ad quod eos naturalis dicit , ac pæne
compellit intentio . Et quid ? si hoc
tam magno , ac pæne invictō præ-
untis naturæ desererentur auxiliō ?
Considera verò quanta fceleratos ho-
mines habeat impotentia . Neque
enim levia , ac ludicra præmia petunt ,
quæ consequi , atque obtinere non
possunt : sed circa ipsam rerum sum-
mam , verticemque deficiunt , nec in
eo miseris contigit effectus , quod so-
lum dies , noctesque moliuntur , in
qua re bonorum vires eminent . Sicut
enim eum , qui pedibus incedens , ad
eum locum usque pervenire potuif-
set , quō nihil ultetius pervium jace-
ret incessui , ambulandi potentissi-
mum esse censeret : Ita eum , qui ex-
petendorum finem , quō nihil ultra
est , apprehendit , potentissimum ne-
cessè esse judices . Ex quo fit , quod
huic objacet , ut iidem scelesti , iidem
viribus omnibus videantur esse de-
ferti . Cur enim relicta virtute vitia
sestan-

fectantur? infelicitate bonorum? sed quid enervatius ignorantiae cæcitatem? An fœtanda noverunt? sed transversos eos libido præcipitat: sic quoque facit intemperantia fragiles, qui obluctari vitio nequeunt. An scientes, volentesque, bonum deserunt, ad via deflestant? Sed hōc modō non solum potenteis esse, sed omnino esse desinunt. Nam qui communem omnium, quæ sunt, finem relinquunt, pariter quoque esse desistunt. Quod quidem cuiquam mirum fortè videatur, ut malos, qui plures hominum sunt, eosdem non esse dicamus: sed ita se se res habet. Nam qui mali sunt, eos malos esse non abnuo: sed eosdem esse purè, atque simpliciter, nego. Nam uti cadaver hominem mortuum dixeris, simpliciter vero hominem appellare non possis: ita vitiosos, malos quidem esse concesserim: sed esse absolutè, nequeam confiteri. Est enim quod ordinem retinet, servatque naturam: quod vero ab hac defi-

deficit , esse etiam , quod in sui natura
situm est , derelinquit . Sed possunt ,
inquires , mali : nec ego quidem ne-
gaverim : sed hæc eorum potentia
non à viribus , sed ab imbecillitate de-
scendit . Possunt enim mala , quæ
minimè valerent , si in bonorum effi-
cienria manere potuissent . Quæ pos-
sibilitas eos evidenter nihil posse de-
monstrat . Nam si , uti paulò ante
collegimus , malum nihil est , cùm
mala tantummodo possunt , nihil pos-
se improbos liquet . Perspicuum est .
Atque ut intelligas , quænam sit hujus
potentiae vis : summô bonô nihil po-
tentius esse , paulò ante definivimus .
Ita est , inquam . Sed idem , inquit ,
malum facere nequit . Minimè Est
igitur , inquit , aliquis , qui omnia po-
sse homines putet ? Nisi quis insaniat ,
nemo . Atqui iidem possunt mala .
Utinam quidem , inquam , non pos-
sent ! Cùm igitur bonorum tan-
tummodo potens possit omnia ;
non verò queant omnia potentes et-

jam

iam malorum: eosdem, qui mala pos-
sunt, minùs posse manifestum est. Huc
accedit, quod omnem potentiam
inter expetenda numerandam, omniā-
que expetenda referri ad bonum,
velut ad quoddam naturae suae cacu-
men, ostendimus. Sed patrandi scele-
ris possiblitas referri ad bonum non
potest. Expetenda igitur non est. At-
qui omnis potentia expetenda est.
Liquet igitur malorum possibili-
tatem non esse potentiam. Ex quibus
omnibus bonorum quidem potentia,
malorum verò minimè dubitabilis
apparet infirmitas. Veram illam Pla-
tonis esse sententiam liquet. Solos,
quod desiderent, facere posse sapien-
tes, improbos verò exercere quidem
quod libeat: quod verò desiderent,
explere non posse. Faciunt enim quæ-
libet, dum per ea, quibus delectantur,
id bonum, quod desiderant, se ade-
pturos putant; sed minimè adipiscun-
tur, quoniam ad beatitudinem pro-
bra non veniunt.

M E.

METRVM II.

Quod vides sedere celso
 Solii culmine reges,
 Purpurâ claros nitente,
 Septos tristibus armis,
 Ore torvo commitantes,
 Rabie cordis anhelos,
 Detrahat si quis superbis
 Vani tegmina cultus,
 Iam videbit intus arctas
 Dominos ferre catenas.
 Hinc enim libido versat
 Avidis corda venenis;
 Hinc flagellat ira mentem
 Fluctus turbida tollens.
 Mæror aut captos fatigat,
 Aut spes lubrica torquet.
 Ergo, cum caput tot unum
 Cernas ferre tyrannos,
 Non facit, quod optat, ipse
 Dominis pressus inquis.

•S(O)S•

PRO-

PROSA III.

Videsne igitur, quanto in cæno probra volvantur, quâ probitas luce resplendeat ? In quo perspicuum est, numquam bonis præmia, numquā sua sceleribus esse supplicia. Rerum enim quæ geruntur, illud, propter quod unaquæque res geritur, eiusdem rei præmium esse non injuriâ videri potest : uti currenti in stadio, propter quam curritur, jacet præmium corona. Sed beatitudinem esse idem ipsum bonum , propter quod omnia geruntur , ostendimus. Est igitur humanis actibus ipsum bonum , veluti præmium commune propositum. Atqui hoc à bonis non potest separari. Neque enim bonus ultra jure vocabitur, qui careat bono: quare probos mores sua præmia non relinquent. Quantumlibet igitur sæ-

H viant

viant mali : sapienti tamen corona non decidet , non arescit. Neque enim probis animis proprium decus aliena decerpit improbitas. Quòd si extinsecus accepto lactaretur , poterat hoc vel alius quispiam , vel ille etiam , qui contulisset auferre. Sed quoniam id sua cuique probitas confert , tum suo præmiō carebit , cùm probis esse desierit. Postremò cùm omne præmiū idcirco appetatur , quoniam horum esse creditur , quis boni compotem , præmij judicet expertem ? At cuius præmij? omnium pulcherrimi , maximique. Memento enim illius corollarii , quod paulò ante præcipuum dedi , ac sic collige : Cùm ipsum bonum beatitudo sit , bonos omnes eō ipsō quòd boni sint fieri beatos liquet. Sed qui beati sunt , Deos esse convenit. Est igitur præmium bonorum , quod nullus deterat dies , nullius minuat potestas , nullius fuscet improbitas , Deos feri. Quæ cùm ita sunt , de malorum quoque inseparabili pœna dubitare sapiens nequeat. Nam cùm

bonum malumque, item pœna atque præmium adversâ fronte diffideant, quæ in boni præmio videmus accidere, eadem necessè est in mali pœna contrariâ parte respondeant. Sicut igitur probis probitas ipsa sit præmium: ita improbis nequitia ipsa supplicium est. Iam verò quisquis afficitur pœnâ, malo se affectum esse non dubitat. Si igitur sese ipsi existimari velint, possuntne sibi supplicii expertes videri, quos omnium malorum externa nequitia non afficit modo, verùm etiam vehementer inficit? Vide autem ex adversa parte bonorum, quæ improbos pœna comitetur. Omne namque quod fit, unum esse, ipsumque unum bonum esse paulò ante didicisti: cui consequens est, ut omne quod fit, id etiam bonum esse videatur. Hoc igitur modo, quidquid à bono deficit, esse desistit: quô fit, ut mali desinant esse, quod fuerant. Sed fuisse homines adhuc ipsa humani corporis species ostentat: quare versi in

malitiam, humanam quoque amisere naturam. Sed cum ultra homines quemque provehere sola probitas possit, necessè est, ut quos ab humana conditione dejicit, infra hominis detrudat improbitas. Evenit igitur, ut quem transformatum vitiis video, hominem existimare non possis. Avaritiâ feryet alienarum opum violentus ereptor? similem lupi dixeris. Ferox, atque inquietus linguam litigii exerceat? cani comparabis. Infidior occultis surripuisse fraudibus gaudet? vulpeculis exæquetur. Iræ intemperans fremit? leonis animum gestare credatur. Pavidus ac fugax non metuenda formidat? cervis similis habeatur. Segnis, ac stupidus torpet? asinum vivit. Levis, ac inconstans studia permutat? nihil ab avibus differt. Fædis, immundisque libidinibus immergitur? fordidæ suis voluptate detinetur. Ita fit, ut qui, probitate desertâ, homo esse desierit; cum

cum in divinam conditionem transire non possit, vertatur in belluam.

M E T R V M III.

Vela Neritii ducis,
Et vagas pelago rates
Eurus appulit insula,
Pulchra quæ residens dea
Solis edita semine,
Miscet hospitibus novis
Tacta carmine pocula.
Quos ut in varios modos
Vertit hercipotens manus:
Hunc apri facies tegit?
Ille Marmaricus leo
Dente crescit, & unguibus:
Hic lupis super additus
Flere dum parat, ululat:
Ille, tigris ut indica
Tecta mitis obambulat.
Sed licet variis malis
Numen Arcadis aliis
Obstum miserans ducem
Peste solverit hospitis,

Iam tamen mala remiges
 Ore pocula traxerant:
 Iam sues Cerealiā
 Glande pabula verterant.
 Et nihil manet integrum
 Voce, corpore, perditis.
 Sol amens stabilis, super
 Monstra quæ patitur, gemit.
 O levem nimium manum,
 Nec potentia gramine,
 Membra quæ valeant lièct,
 Corda vertere non valent!
 Intus est hominum vigor
 Arce conditis abdita.
 Hæc venena potentiùs
 Detrahunt hominem sibi
 Dira, quæ penitus meant,
 Nec nocentia corpori
 Mentis vulnere saeviunt.

PROSA IV.

Tum ego, fateor, inquam, nec
 injuriā dici video vitiosos;
 tametsi humani corporis
 spe

speciem servent, in belluas tamen animorum qualitate mutari. Sed quorum atrox sceleratique mens bonorum pernicie fævit, id ipsum eis licere noluisset. Nec licet, inquit; uti convenienti monstrabitur loco: sed tamen si id ipsum, quod eis licere creditur, auferatur, magna ex parte sceleratorum hominum poena revelatur. Etenim, quod incredibile fortè cuiquam videatur, infeliores esse necessè est malos, cùm cupita perfecrint, quàm si ea, quæ cupiunt, implere non possint. Nam si miserum est voluisse prava, potuisse miseriis est sine quo voluntatis miseræ langueret effectus. Itaque, cùm sua singulis miseria sit, triplici infortunio necessè est urgeantur, quos videoas scelus velle posse perficere. Accedo, inquam: sed uti hoc infortunio citò careant, patrandi sceleris possibilitate deserti, vehementer exopto. Carebunt, inquit, ocyùs, quàm vel tu forsitan velis, vel illi sese

existiment esse carituros. Neque enim est aliquid in tam brevibus vitæ metis ita serum, quod exspectare longum immortalis præsertim animus putet: quorum magna spes, & excelsa facinorum machina repentinio atque insperato saepe fine destruitur, quod quidem illis miseriæ modum statuit. Nam si nequitia miseris facit, miserior sit necessè est diuturnior nequam: quos infelicissimos esse judicarem, si non eorum malitiam saltem mors extrema finiret. Etenim si de pravitatis infortunio vera conclusimus, infinitam liquet esse miseriā, quam esse constat æternam. Tum ego, mira quidem, inquam, & concessu difficilis illatio: sed his ea, quæ priùs concessa sunt, nimirum convenire cognosco. Rectè, inquit, existimas: sed qui conclusioni accedere durum putet, æquum est vel falsum aliquid præcessisse demonstret, vel collationem propositionum non esse efficacem necessariæ conclusio-

sionis ostendat: alioquin concessis
præcedentibus, nihil prorsus est, quod
de illatione causetur. Nam hoc
quoque, quod dicam, non minùs mi-
rum videatur, sed ex his quæ sumpta
sunt, æquè est necessarium. Quid-
nam? inquam. Feliciores, inquit,
esse improbos supplicia luentes, quām
si eos nulla justitiae pœna coērceat.
Neque id nūnc molior, quod cuivis
veniat in mentem, corrigi ultione
pravos mores, & ad rectum supplicii
terrore deduci, cæteris quoque ex-
emplum esse culpanda fugiendi: sed
alio quodam modo infeliciores esse
improbos arbitror impunitos, tametsi
nulla ratio correctionis, nullus re-
spectus habeatur exempli. Et quis
erit, inquam, præter hos aliis modis?
Et illa, Bonos, inquit, esse felices,
malos verò miseros nonne conces-
sus? Ita est, inquam. Si igitur
inquit, miseriæ cuiuspiam bonum ali-
quid addatur, none felicior esse, cuius

H 5

pura ac solitaria sine cuiusquam boni admissione miseria est? Sic, inquam, videtur. Quid si eidem misero, qui cunctis careat bonis, præter ea, quibus miser est, malum aliud fuerit annexum, nonne multò infelicior eō censendus est, cujus infortunium boni participatione relevatur? Quidni? inquam. H̄abent igitur improbi, cùm puniuntur, quidem boni aliquid annexum, pœnam ipsam scilicet, quæ ratione justitiae bona est: iidemque cùm supplicio carent, inest eis aliquid alterius mali, ipsa impunitas, quam iniquitatis meritò malum esse confessus es. Negare non possum. Multò igitur infeliores improbi sunt inusta impunitate donati, quam justa ultione puniti. Sed puniri improbos justum, impunitos verò elabi, iniquum esse manifestum est. Quis id neget? Sed ne illud quidem, ait, quisquam negabit, bonum esse omne, quod justum est: contráque quod injustum est, malum liquet esse.

Tum

Tum ego : Ista quidem consequentia sunt eis , quæ paulò ante conclusa sunt. Sed quæso , inquam , te , nullane animarum supplicia post defunctum morte corpus relinquis ? Et magna quidem , inquit : quorum alia pœnali acerbitate , alia verò purgatoriâ clementiâ exerceri puto. Sed nunc de his differere consilium non est. Id verò hactenus egimus , ut , quæ indignissima tibi videbatur , malorum potestas , eam nullam esse cognosceres : quosque impunitos querebare videres numquam improbitatis suæ carere suppliciis. Licentiam quam citò finiri precabaris , nec longam esse disceres : infeliciorēmque fore , si diuturnior ; infelicissimam verò , si esset æterna. Post hæc misériores esse improbos , injustâ impunitate demissos , quām justâ ultione punitos. Cui sententiæ consequens est , ut tū demū gravioribus suppliciis urgeantur , cùm impuniti esse

creduntur. Tum ego , cùm tuas , in quam , rationes considero , nihil dici verius puto. At si ad hominum judicia revertar , quis ille est , cui hæc non credenda modò , sed saltem non audienda videantur; Ita est , inquit illa. Nequeunt enim oculos tenebris assuetos ad lucem perspicuæ veritatis attollere: similésque avibus sunt , quoniam intuitum nox illuminat , dies cœcat: dum enim non rerum ordinem , sed suos intuentur affectus , vel licentiam vel impunitatem scelerum putant esse felicem. Vide autem quid æterna lex sanciat. Melioribus animis si conformaveris , nihil opus est iudice præmium deferente: tu te ipse excellentioribus addidisti. Si studium ad pejora deflexeris , extra ne quæsieris ultorem ? tu te ipse in deteriora detrusisti : veluti si vicibus sordidam humum , cœlumque respicias , cunctis extra cessantibus , ipsâ cernendi ratione nunc cœnō , nunc sideribus inter-

nt eresse videaris. At vulgus ista non respicit. Quid igitur? his ne accedamus, quos belluis similes esse monstravimus? quid, si quis amissò penitus visu, ipsum etiam se habuisse oblivisceretur intuitum, nihilque sibi ad humanam perfectionem deesse arbitraretur, num videntes eadem cœcos putaremus? Nam ne illud quidem acquiescent, quod æquè validis rationum utitur firmamentis, infeliores esse eos, qui faciunt, quam qui patiuntur injuriam. Velle, inquam, has ipsas audire rationes. Omnem, inquit, improbum num suppicio dignum negas? Minime. Infelices verò esse, qui sunt improbi, multipliciter liquet. Qui igitur suppicio digni sunt, miseros esse non dubitas; Convenit, inquam. Si igitur cognitor, ait, resideres, cui supplicium inferendum putas, eum qui fecisset, an qui perfulisset injuriam? Nec ambigo, inquam, quin Perpresso satisfacerem do-

lore facientis. Miserior igitur tibi in-
juriæ illator, quam acceptor esse vi-
deretur. Consequitur, inquam. Hinc
igitur, aliisque de causis eâ radice ni-
tentibus, quod turpitudo suapte na-
tura miserios faciat, apparet, illatam
cuilibet injuriam non accipientis, sed
inferentis esse miseriam. Atqui nunc,
ait, contra faciunt oratores. pro his
enim, qui grave quid, acerbumque
perpeſſi sunt, miserationem judicū
excitare conantur; cùm magis ad-
mittentibus justior miseratio debea-
tur: quos non ab iratis, sed à propitiis
potiūs, miserantibúsque accusatori-
bus ad judicium, veluti ægros ad me-
dicum duci oportebat, ut culpæ mor-
bos suppliciō reſecarent: quō pactō
defensorum opera, vel tota frigeret,
vel si prodeſſe hominibus mallet, in
accusationis habitum verteretur.
Ipsi quoque improbi, ſi eis aliquā ri-
mulā virtutem reliqtam fas effet ad-
ſpicere, vitiorūmque ſordes pæna-

rum cruciatibus se deposituros vide-
rent , compensatione adipiscendæ
probitatis , ne hos cruciatus esse du-
cerent , defensorumque operam repu-
diarent , ac se totos accusatoribus , ju-
dicib[us]que permitterent . quô fit , ut
apud sapientes nullus prorsus odio
locus relinquatur . Nam bonos quis
nisi stultissimus oderit : malos verò
odisse ratione caret . Nam sicuti cor-
porum languor , ita vitiositas quidam
est quasi morbus animorum . Cùm æ-
gros corpore minimè dignos odio ,
sed potius miseratione judicemus ,
multò magis non insequendi , sed mi-
serandi sunt , quorum mentes omni
languore atrocior urget improbitas .

M E T R U M IV.

Quid tantos juvat excitare motus ,
Et propriâ fatum sollicitare ma-
nu ?
Si mortem petitis , propinquat ipsa
Sponte suâ , volucris nec remoratur
equos .

Quos

*Quos serpens, leo, tigris, ursus, aper
Dente petunt, iidem se tamen ense pe-
tunt,*

An distant quia, dissidentque mores.

Injustas acies & fera bella movent,

Alternisque volunt perire telis?

Non est iusta satis saevitiae ratio.

Vis aptam meritis vicem referre?

Dilige jure bonos, & miseresce malis.

PROSA V.

HEc ego video, inquam, quæ sit vel felicitas, vel miseria in ipsis proborum atque improborum metris constituta. Neque enim sapientum quisquam exful, inops ignominiosusq; esse malit potius, quam polleasantibus, honore reverendus, potentiam validus, in sua permanens urbe florere. Sic enim clarius, testatusque sapientiae tractatur officium, cum in contingenteis populos regentium quo-

quodam modo beatitudo transfunditur: cùm prælertim carcer, nexus, ceteraq; legalium tormenta pœnarū pernitiosis potius civibus, propter quos etiam constituta sunt, debeantur. Cur hæc igitur versâ vice mutentur, scelerûnque supplicia bonos premant, præmia virtutum mali rapiant, vehementer admiror: quæque tam injustæ confusionis ratio videatur, ex te scire desidero. Minùs enim mirarer, si miseri omnia fortuitis casibus crederem. Nunc stuporem meum Deus rector exaggerat, qui cùm sæpe bonis jucunda tribuat, malis aspera; contraque bonis dura tribuat, malis optata concedat: nisi causa deprehendatur, quid est, quod à fortuitis casibus differre videatur? Nec mirum, inquit, si quid ordinis ignoratâ ratione temerarium, confusumque credatur. Sed tu quamvis causam tantæ dispositio-
nis ignores, tamen quoniam bonus mundum rector temperat, recte fieri cuncta ne dubites.

M E.

METRUM V.

Si quis Arcturi sidera nescit
 Propinqua summo cardine labi,
 Cur legat tardus planstra Bootes,
 Mergatque seras aequore flamas:
 Cum nimis celeres explicet ortus,
 Legem flupebit aetheris alti,
 Palleant plena cornua Lunæ.
 Infecta metis noctis opacæ,
 Quæque fulgenti texerat ore
 Confusa phœbe, detegat astra.
 Commovet genteis publicus error,
 Lassantque crebris pulsibus ora
 Nemo miratur flamina Cori
 Litus frementi tundere stuctu,
 Nec nivis duram frigore molens
 Fervunti phœbi solvier æstu.
 Heic enim causas cernere promptum est:
 Illic latentes pectora turbant
 Sancta, quæ rara provehit atas,
 Stupetque subitis mobile vulgus.
 Sed at inficitia nubilus error,
 Cessent profecto mira videri.

HM

PRO-

PROSA IV.

ITa est inquam. Sed cūm tui muneris sit latentium rerum causas evolvere, velatásque caligine explicare rationes: quæso uti hinc decernas, & quoniam hoc me miraculum maximè perturbat, edisseras. Tum illa paulisper arridens, Ad rem me, inquit, omnium quæsitu maximam vocas, cui vix exhausti quidquam fatis fit. Talis namque materia est, ut unâ dubitatione succisâ, innumerabiles aliae, velut hydræ capita, succrescant: nec ullus fuerit modus, nisi quis eas vivacissimo mentis igne coërceat. In hac enim de providentiæ simplicitate, fati serie, de repētinis casibus, de cognitione, prædestinatio-
ne divina, de arbitrii libertate quæri solet, quæ quāti oneris sint ipse perpen-
dis. Sed quoniā hæc quoq; te nosse, quæ
dā medicinæ tuæ portio est, quamquā
gu-

angusto limite temporis septi , tamen
aliquid deliberare conabimur. Quod
si te musici carminis oblectamenta
delectant, hanc oportet paulisper dif-
feras voluptatem , dum nexas tibi or-
dine contexo rationes. Ut libet, in-
quam. Tum velut ab alio orsa prin-
cipio, ita differuit. Omnium gene-
ratio rerum , cunctisque mutabili-
um naturarum progressus , & quid-
quid aliquo movetur modo, causas,
ordinem, formas , ex divinæ mentis
stabilitate sortitur. Hæc in suæ sim-
plicitatis arce composita , multipli-
bem rebus gerendis modum statuit:
qui modus, cum in ipsa divinæ intel-
ligentia puritate conspicitur, Provi-
dentia nominatur : cum verò ad ea ,
quæ movet, atque disponit , refertur,
Fatum à veteribus appellatum est.
Quæ diversa esse, facile liquebit , si
quis utriusque vim mente conspexe-
rit. Nam providentia est illa ipsa divi-
na ratio in summo omnium principe
constituta, quæ cuncta disponit ; fa-
tum

tum verò inhærens rebus mobilibus dispositio , per quam providentia suis quæque connectit ordinibus. Providentia námque cuncta pariter , quamvis diversa , quamvis infinita , complectitur : fatum verò singula digerit in motum , locis , formis , ac temporibus distributa : ut hæc temporalis ordinis explicatio , in divinæ mentis adunata prospèctu , providentia sit ? eadem verò adunatio digesta , atque explicata temporibus , fatum vocetur. Quæ licet diversa sint , alterum tamen pendet ex altero. Ordo námque fatalis ex providentiæ simplicitate procedit. Sicut enim artifex faciendæ rei formam mente percipiens , movet operis effectum , & quod simpliciter , præsentarièque prospexerat , per temporeis ordines ducit : ita Deus providentiæ quidem singulariter , stabilitérque facienda disponit : fato verò hæc ipsa , quæ disposuit , multipliciter ac temporaliter administrat. Sive igitur , famulantibus qui-

quibusdam brovidentiae divinis spiritibus, fatum exercetur, seu animâ, seu totâ inserviente naturâ, seu cælestibus siderum motibus, seu angelicâ virtute, seu dæmonum variâ sollertiâ, seu aliquibus horum, seu omnibus, fatalis series texitur: illud certè manifestum est, immobilem, simplicemque gerendarum formam rerum esse providentiam; fatum verò eorū, quæ divina simplicitas gerenda esse dispositum, mobile nexum, atq; ordinem temporalem. Quò fit, ut omnia quæ fato subsunt: providentiæ quoq; subjecta sint: cui ipsum etiam subjacet fatum. Quædam verò, quæ sub providentia locata sunt, fati seriem superent. Ea verò sunt, quæ primæ propinquæ divinitati stabiliter fixa, fatalis ordinem mobilitatis excedunt. Nam ut orbium circa eundem cardinem sese vertentium, qui est intimus, ad simplicitatem medietatis accedit, cæterorumq; extra locatorum veluti cardo guidā, circa quē versentur, existit: extimus:

mus verò majore ambitu rotatus ,
quantò à puncti mediâ individuitate
discedit, tantò amplioribus spatiis ex-
plicatur : si quid verò illi se mediò
connectat & societ , in simplicitatem
cogitur, diffundique, ac diffluere cef-
sat. Simili ratione quod longius à
prima mente discedit, majoribus fati
nexibus implicatur, ac tantò aliquid
fato liberum est, quantò illum rerum
cardinem vicinius petit. Quod si
supernæ mentis hæserit firmitati, mo-
tu carens , fati quoque supergreditur
necessitatem. Igitur uti est ad intel-
lectum ratiocinatio ; ad id quod est,
id quod gignitur ; ad æternitatem
tempus ; ad puncti medium circulus:
Ita est fati series mobilis ad providen-
tiæ stabilem simplicitatem. Ea series
cælum ac sidera movet, elementa in
se invicem temperat, & alterna com-
mutatione transforamat. Eadem na-
scientia , occidentiaque omnia per si-
mileis fœtuum, seminūmque renovat
progressus. Hæc actus etiam, fortunā-
que

minum indissolubili causarum connexione constringit : quæ cùm ab immobilis providentia proficiscantur exordiis , ipsas quoque immutabiles necessè est esse. Ita enim res optimè reguntur , si manens in divina mente simplicitas , indeclinabilem causarum ordinem promat : hic verò ordo res mutabileis , & alioquin temerè fluituras propriâ incommutabilitate coérceat. Quò fit, ut tametsi vobis hunc ordinem minimè considerare valentibus , confusa omnia perturbataqe videantnr , nihilominus tamen suus modus ad bonum dirigens cuncta difponat. Nihil est enim quod mali causâ nec ab ipsis quidem improbis fiat : quos , ut uberrimè demonstratum est , bonum quærentes pravus error avertit , ne dum ordo de summi boni cardine proficiscens , à suo quemqnam deflectat exordio. Quæ verò , inquies , potest ulla iniquior esse confusio , quam ut bonis tum adversa , tum prospera ; malis etiam

sup

tum

tum optata, tum odiosa contingent :
Num igitur eâ mentis integritate homines degunt, ut quos probos improbósve censuerint , eos quoque, uti existimant, esse necessè sit ? Atqui in hoc hominum jndicia depugnant ; & qnos alii præmio , alii supplicio dignos arbitrantur. Sed concedamus, ut aliquis possit bonos, malósve discernere. Num igitur poterit intueri illam intimam temperiem, veluti in corporibus dici solet , animorum ? Non enim dissimile est miraculum nescienti ; cur sanis corporibua ; his quidem dulcia, illis verò amara conveniant. Cur ægri etiam quidam lenibus, quidam verò acribus adjuvantur. At hoc medicus , qui sanitatis ipsius , atque ægritudinis modum temperamentūmque dignoscit, minime miratur. Quid verò animorum aliud salus videtur esse , quam probitas ? quid ægritudo , quam viția ? Quis autem alias vel servator bonorum, vel malorum depulsor , quam

rector ac moderator mentium Deus? Qui, cùm ex alta providentiæ specula respicit, quid unicuique conveniat, agnoscit, & quod convenire novit, accommodat. Hinc jam fit illud fatalis ordinis insigne miraculum, cùm à sciente geritur, quod stupeant ignorantibus. Nam ut pauca, quæ ratio valet humana, de divina profunditate perstringam, de hoc, quem tu justissimum, & æqui servantissimum putas, omnia scienti providentiæ diversum videtur. Et vietricem quidem causam diis, victimam verò Catoni placuisse familiaris noster Lucanus admonuit. Hic igitur quidquid citra spem videtas geri, rebus quidem reclus ordo est: opinioni verò tuæ perversa confusio. Sed sit aliquis ita bene moralis, ut de eo divinum judicium pariter, humanumque consentiat: Sed est animi viribus infirmus: cui si quid eveniat adversi, desinet colere forsitan innocentiam, per quam non potuit retinere fortunam. Parcit itaque sapiens dispensatio ei, quem deterio-

rem facere possit adversitas , ne cui non convenit laborare, patiatur. Est alius cunctis virtutibus absolutus, sanctusque , ac Deo proximus : hunc contingi quibuslibet adversis nefas providentia judicat ; adeo, ut ne corporis quidem morbis agitari sinat. Nam ut quidam me quoque excellentior ait : *viri sacri corpus virtutes.* Fit autem saepe , uti bonis summa rerum gerenda deferatur , ut exuberans retundatur improbitas. Aliis missa quædam pro animorum qualitate distribuit : quosdam remordet , ne longâ felicitate luxurient : alios puris agitari sinit , ut virtutes animi patientiae usu , atque exercitatione confirment. Alii plus æquo metuunt , quod terre possunt : alii plus æquo despiciunt , quod ferre non possunt : eos , in experimentum sui , tristibus ducit. Nonnulli venerandum facili nomen gloriosæ precio mortis emerunt. Quidam suppliciis inexpugnabiles exemplum cæteris prætulerunt,

invictam malis esse virtutem : quæ
quām rectē atque dispositè , & ex eo-
rum bono, quibus accidere videntur,
fiant, nulla dubitatio est. Nam il-
lud quoque, quòd improbis nunc tri-
stia, nunc optata proveniunt, ex eis-
dem ducitur causis. Ac de tristibus qui
dem nemo miratur, quòd eos malè
meritos omnes existimauit : quorum
quidem supplicia , tum cæteros ab
sceleribus deterrent ; tum ipsos, qui-
bus invehuntur, emendant : læta verò
magnum bonis argumentum loquun-
tur, quid de hujusmodi felicitate de-
beant judicare, quam famulari sæpe
improbis cernant. In qua re illud
etiam dispensari credo, quòd est forsi-
tan alicujus tam præceps atque im-
portuna natura, ut eum in scelera po-
tiùs exacerbare possit rei familiaris
inopiâ: hujus morbo providentia col-
latæ pecuniæ remedio medetur. Hic
fœdatam probris conscientiam spe-
ctans, & secum fortunam suam com-

pa-

parans, forsitan pertimescit, ne rei cuius jucundus usus est, sit tristis amissio. Mutabit igitur mores, ac dum fortunam metuit amittere, nequitiam derelinquit. Alios in cladem meritam præcipitavit indignè aucta felicitas. Quibusdam permisum puniendi jus, ut exercitii bonis, & malis esset causa supplicii. Nam ut probis atque improbis nullum fædus est, ita ipsi inter se improbi nequeunt convenire. Quidni? cùm à semetipsis, discerpentibus conscientiam vitiis, qui que dissentiant, faciantque sàpe, quæ cùm gesserint, non fuisse gerenda decernant: Ex quo sàpe summa illa providentia protulit insigne miraculum, ut malos mali bonos facerent. Nam dum iniqua sibi à pessimis quidam perpeti videntur, noxiorum odio flagrantes ad virtutis frugem rediere, dum se eis dissimileis student esse, quos oderant. Sola est enim divina vis, cui mala quoque bona sint, cùm eis competenter utendo, alicujus boni

elicit effectum. Ordo enim quidam cuncta complectitur, ut quod ab assignata ordinis ratione discesserit, hoc idem licet in alium, tamen in ordinem relabatur, ne quid in regno providentiae liceat temeritati. *Dificile autem est, me sermone explicare, quemadmodum Deus omnia regat, & suâ providentiâ disponat.* Neque enim fas est homini cunctas divini operis machinas vel ingenio comprehendere, vel explicare sermone. Hoc tantum prospexit sufficiat, quod naturam omnium proditor Deus idem ad bonum dirigens cuncta disponat: dumque ea, quae protulit, in sui similitudinem retinere festinat, malum omnne de reipublicæ suæ terminis per fatalis feriem necessitatis eliminat. Quô fit, ut quæ in terris abundare creduntur, si disponentem providentiam spectes, nihil usquam mali esse perpendas. Sed video jam dudum te & pondere quæstionis oneratum, & rationis prolixitate fatigatum, aliquā carminis

exspectare dulcedi nem. Accipe igitur
haustum, quô refectus, firmior in ulte-
riora contendas.

METRUM VI.

Slvicelijura tonantis
Pura solers cernere mente,
Adspice summi culmina celi.
Illuc iusto fædere rerum
Veterem servant sidera pacem.
Non sol rutilô concitus igne
Gelidum Phæbus impedit axem.
Nec qua summo vertice mundi
Flectit rapidos Ursa meatus,
Numquam occiduô lotâ profundô,
Cetera cernens sidera mergi,
Cupit Oceanô tingere flamas.
Semper vicibus temporis aquis
Vesper seras nunciat umbras,
Revehitque diem Lucifer alnum,
Sic aeternos reficit cursus
Alternus amor: sic astrigeris
Bellum discors exulat oris.
Hæc concordia temperat aquis
Elementa modis, ut pugnantia
Vicibus cedant humida siccis.

Iungantque fidem frigora flaminis,
 Pendulus ignis surgat in altum,
 Terraque graves pondere sidant.
 Hisdem causis vere tepenti
 Spirat florifer annus odores ,
 Æstas Cererem fervida sicut.
 Remeat pomis gravis autumnus,
 Hiemem defluus irrigat imber.
 Hec temperies alit , ac profert
 Quidquid vitam spirat in orbe:
 Eadem rapiens condit , & aufert ,
 Obitu mergens orta supremo.
 Sedet interea conditor altas ,
 Rerumque regens flectit habenas ,
 Rex & dominus , fons & origo ,
 Lex & sapiens arbiter aequi ,
 Et quamotu concitat ire ,
 Sistit retrahens : ac vag a firmat .
 Nam nisi rectos revocans itus ,
 Flexos iterum cogat in orbeis ,
 Quæ nunc stabilis continet ordo ;
 Dissepta suo fonte fatiscant .
 Hic est cunctis communis amor ,
 Repetuntque boni fine teneri .
 Quia non aliter durare queant ;

Nisi

*Nisi converso rursus amore
Refluant causa, quæ dedit esse.*

PROSA VII.

IAmne igitur vides, quid hæc omnia, quæ diximus, consequatur? Quid nam? inquam. Omnem, inquit, bonam prorsus esse fortunam. Et qui, inquam, fieri potest? Attende, inquit, cùm omnis fortuna vel jucunda, vel aspera, tū remunerandi, exercendive bonos, tum puniendi, corrigendique improbos causā deferatur, patet quòd omnis bona est, quam vel justam constat esse, vel utilem. Nimiris quidem, inquam, vera ratio: & si quam paulò ante docuisti providentiam, fatumve considerem, firmis viribus est nixa sententia. Sed eam, si placet, inter eas quas inopinabileis paulò ante posuisti, numeremus. Quid? inquit? qniam id nominum sermo communis usurpat, & quidem crebrò quorumdam malam esse fortu-

I 5 nam.

nam. Visne igitur, inquit, paulisper vulgi sermonibus accedamus, ne nimium velut ab humanitatis usu recessisse videamur? Ut placet, inquam. Nonne igitur bonum censes esse, quod prodest? Ita est, inquam. Quæ verò aut exercet, aut corrigit, prodest? Fateor, inquam. Bona igitur? Quidni? sed hæc eorum est, qui vel in virtute positi, contra aspera bellum gerunt, vel à vitiis declinantes, virtutis iter arripiunt. Negare, inquam, nequeo. Quid verò jucunda, quæ in præmium tribuitur bonis, num vulgus malam esse decernit? nequam, verùm uti est, ita quoque esse optimam censet. Quid reliqua, quæ cùm sit aspera, & justo supplicio malos coërceat, num bonam populus putat? Immo omnium, inquam, quæ excogitari possunt, judicat esse miserimam. Vide igitur, ne opinionem populi sequentes quiddam valde inopinabile confecerimus. Quid? inquam. Ex his enim ait, quæ concessa sunt,

sunt; evenit eorum quidem, qui sunt vel in possessione vel in proiectu, vel in adeptione virtutis, omnem, quæcumque sit, bonam; in improbitate verò manentibus, pessimam esse fortunam. Hoc, inquam, verum est, tametsi nemo audeat confiteri. Quare, inquit, ita vir sapiens molestè ferre non debet, quoties in fortunæ certamen adducitur: ut virum fortem non decet indignari, quoties increpuit bellicus tumultus. Utrique enim, huic quidem gloriæ propagandæ, illi verò confirmandæ sapientiæ difficultas ipsa, materia est. Ex quo etiam virtus vocatur, quod suis viribus nitens non superetur adversis. Neque enim vos in proiectu positi virtutis; difluere deliciis, & emarcescere voluptate venistis: sed prælium cum omni fortuna nimis acre conseritis, ne vos aut tristis opprimat, aut jucunda corrumpat, firmis medium viribus occupate. Quidquid autem infra subsistit, aut ultra progreditur, habet

contentum felicitatis, non habet præmium laboris. In vestra est enim situm manu, qualem vobis fortunam formare malitis. Omnis enim, quæ videtur aspera, aut exercet, aut corrigit, aut punit.

M E T R V M VII.

Bella bis quinis operatus annis
ulltor Atreides, Phrygiae ruinis
Fratris amissos thalamos piavit,
Ille dum Graiae dare vela classi
Optat, & ventos redimit cruore,
Exuit patrem, miserumque tristis
Foderat gnatæ jugulum sacerdos.
Flevit amissos Ithacus sodaleis,
Quos ferus, vasto recubans in antro,
Mersit immanni Polypheus alvo.
Sed tamen cæcō furibundus ore,
Gaudium mœstis lacrymis rependit,
Herculem duri celebrant labores:
Ille Centauros domuit superbos,
Abstulit sævo spolium leoni,
Fixit & certis volucres sagittis:
Poma cernenti rapuit draconis,

Aut-

Aureō lēva gravior metallo :
 Cerberum traxit triplici catenā.
 Victor immitem posuisse fertur
 Pubulum sēvis dominum quadrigis.
 Hydra combustō periit venenō ;
 Frōnte turbatus Achelous amnis,
 Ora demersit pudibunda ripis :
 Stravit Anteum Lybiciš arenis,
 Cacus Evandri satiavit iras,
 Quosque pressurus foret altus orbis
 Stetiger ſumis humeros notavit.
 Ultimus cēlum labor irreflexō
 Suffulit collō , pretiumque rursus
 Ultimi cēlum meruit laboris.
 Ite nunc fortes , ubi celsa magni
 Dicit exempli via : cur inertes
 Terga nudatis ? superata tellus
 Sidera donat.



LIBER QUINTUS.

PROSA I.

DIixerat, orationisque cursum ad alia quædam tractanda, & expedienda vertebat. Tum ego, recta quidem, inquam, exhortatio, tuaque prorsus auctoritate dignissima. Sed quod tu dudum de providentia quæstionem pluribus aliis implicitam esse dixisti, re experior. Quæro enim an esse aliquid omnino, & quidnam esse casum arbitrere. Tum illa, festino, inquit, debitum promissionis absolvere, viamque tibi, quâ in patriam reveharis, aperire. Hæc autem et si per utilia cogitu, tamen à propositi nostri tramite paulisper aversa sunt, verendumque est, ne deviis fatigatus, ad emetiendum rectum iter sufficere non possis. Ne id, inquam, prorsus vereare. Nam quietis mihi loco fuerit ea, quibus maximè delector, agnoscere. simul cùm omne

ne disputationis tuæ latus indubitata
fide constiterit, nihil de sequentibus
ambigitur. Tum illa, morem, inquit,
geram tibi; simûlque sic exorsa: Si-
quidem, inquit, aliquis eventum te-
merario motu, nullaque causarum
connexione productum, casum esse
definiat, nihil omnino casum esse con-
firmo, & præter subjectæ rei signifi-
cationem inanem prorsus vocem esse
decerno. Quis enim, coercente in
ordinem cuncta Deo, locus esse ullus
temeritati reliquus potest? Nam ni-
hil ex nihilo existere, vera sententia
est: cui nemo umquam veterum re-
fragatus est: quamquam illi non de
operante principio, sed de materiali
subjecto, hoc est, de natura omnium
rationum, quasi quoddam jecerint
fundamentum. At si nulls ex causis
aliquid oriatur, id de nihilo ortum
esse videbitur. Quod si hoc fieri ne-
quit, nec casum quidem hujusmodi
esse, possibile est, qualis paulo ante
definivimus. Quid igitur? inquam.
nihil-

nihilne est, quod vel casus, vel fortuitum jure appellari queat? An est aliquid, tametsi vulgus lateat, cui vocabula illa convenient? Aristoteles meus id, inquit, in Physicis & brevi & veri propinquâ ratione definivit. Quonam, inquam, modo? Quoties, ait, aliquid cujuspiam rei gratiâ geritur, aliudque quibusdam de causis, quâm, quod intendebatur, obtingit, casus vocatur: ut si quis colendi agri causâ fodiens humum, defossi auri pondus inveniat. Hoc igitur fortuitò quidem creditur accidisse: verùm non de nihilo est: nam proprias causas habet: quarum improvisus inopinatusque concursus casum videtur operatus. Nam nisi cultor agri humum foderet, nisi eo loco pecuniam suam depositor obruisset, aurum non esset inventum. Hæ sunt igitur fortuti causæ compendii, quod ex obviis sibi, & confluentibus causis, non ex gerentis intentione provenit. Neque enim, vel qui autum obruit,

vel

vel qui agrum exercuit, ut ea pecunia reperiatur, intendit: sed, uti dixi, quod ille obruit, nunc fodisse convenit, atque concurrit. Licet igitur definire casum esse inopinatum, ex confluentibus causis, in his, quæ ob aliquid geruntur, eventum. Concurrere vero, atque confluere causas facit ordo ille inevitabili conne^xione procedens, qui de providentiæ fonte descendens, cuncta suis locis temporib^{us}que disponit.

METRVM I.

Rupis Achæmeniæ scopulis, ubi versa
sequentum

Pectoribus figit spicula pugna fugax,
Tigris & Euphrates uno se fonte resolvunt,

Et mox ab junctis dissociantur aquis.
Si coëant, cursumque iterum revocentur
in unum,

Confluat alterni quod trahit unda
vadi:

Con-

*Conveniat puppes , & vulsi flumine
trunci ,*

*Mistaque fortuitos impicit unda mo-
dos :*

*Quos tamen ipsa vagos terræ declivia
casus ,*

Gurgitis & lapsi defluus ordo regit.

*Sic , quæ permisso fluitare videtur habe-
nis ,*

Fors , patitur frenos , ipsaque lege meat

PROSA II.

ANIMADVERTO, INQUAM, IDQUE UTI
TU DICIS, ITA ESSE CONSENTIO. SED IN
HAC HÆRENTIUM SIBI SERIE CAUSA-
TUM, ESTNE ULLA NOSTRI ARBITRII LIBERTAS,
AN IPSOS QUOQUE HUMANORUM MO-
TUS ANIMORUM FATALIS CATENA CONSTRI-
GIT ? EST , INQUIT. NEQUE ENIM
FUERIT ULLA RATIONALIS NATURA, QUIN EI-
DEM LIBERTAS ADSIT ARBITRII. NAM
QUOD RATIONE UTI NATURALITER POTESIT,
ID HABET JUDICIUM , QUÔ QUODQUE DIS-
CERNAT PER SE : IGIUR FUGIENDA, OPTAN-
DÆVE DIGNOSCIT. QUOD VERO. QUIS
OPTANDUM JUDICAT ESSE, PETIT : REFUGIT
VERO,

verò, quod existimat esse fugiendum.
Quare quibus inest ratio, ipsis etiam
inest volendi, nolendique libertas.
Sed hanc non in omnibus æquam es-
se constituo. Nam supernis, divinis-
que substantiis & perspicax judicium,
& incorrupta voluntas, & efficax
optatorum præstò est potestas. Hu-
manas verò animas libiores qui-
dem esse necessé est, cùm se in men-
tis divinæ speculazione conservant:
minùs verò, cùm dilabuntur ad cor-
pora, minùsque etiam, cùm terrenis
artubus colligantur. Extrema verò
est servitus, cùm vitiis deditæ, ratio-
nis propriæ possessione ceciderint.
Nam ubi oculos à summæ luce veri-
tatis ad inferiora, & tenebrofa deje-
cerint, mox inficiæ nube caligant,
perniciosis turbantur affectibus: qui-
bus accedendo, consentiendóque,
quam invexere sibi, adjuvant servi-
tutem, & sunt quodam modo propriâ
liberrate captiva. Quæ tamen illæ, ab
æterno cuncta prospiciens, provi-
den-

dentiæ cernit intuitus, & suis quæ.
que meritis prædestinata disponit,
Omnia videt, & omnia audit.

M E T R V M II.

Pro claram lumine phæbum
Melliflui canit oris Homerus:
Qui tamen intima viscera terra
Non valet, aut pelagi, radiorum
Infirmâ perrumpere luce.
Haud sic magni conditor orbis:
Huic ex alto cuncta tuenti
Nullâ terræ mole resistunt;
Non nox atris nubibus obstat.
Uno mentis cernit in ictu
Quæ sint, quæ fuerint, veniantque.
Quem, quia respicit omnia solus,
Verum possis dicere Solem.

P R O S A III.

Tum ego, en, inquam, difficiliori-
tutus ambiguitate confundor.
Quænam, inquit, ista est? Iam
enim, quibus perturbare, conjecto. Ni-
mium, inquam, adversari, ac repu-
gnare

gnare videtur, prænoscere universa
Deum, & esse ullum libertatis arbitri-
um. Nam si cuncta prospicit Deus, ne-
que falli ullo modo potest, evenire
necessè est, quòd providentia futurum
esse præviderit. Quare si ab æterno
non facta hominum modò, sed etiam
consilia, voluntatésque prænoscit,
nulla erit arbitrii libertas: neque enim
vel factum alliud ullum, vel quælibet
existere poterit voluntas, nisi quām
nescia falli providentia divina præ-
fenserit. Nam si res aliorum, quām
provisæ sunt, detorqueri valent, non
jam erit futuri firma præscientia: sed
opinio potius incerta: quod de Deo
nefas credere judico. Neque enim il-
lam probor rationem, quā se quidam
credunt hunc quæstionis modum
posse dissolvere. Aiunt enim non
ideo quid esse eventurum, quo-
niam id providentia futurum esse
prospexerit: sed è contrario po-
tius, quoniam quid futurum est,
id divinam providentiam latere
non

non possit : eoque modo necessarium
est , hoc in contrariam relabi partem.
Neque enim necessè est contingere,
quæ providentur : sed necelè est ,
quæ futura sunt , provideri. Quasi
verò , quæ cuiusque rei causa sit ,
præscientiāne futurorum necessitatis ,
an futurorum necessitas providentiæ
laboretur. At nos illud demonstrare
nitamur , quoquo modo sese habeat
ordo causarum , necessarium esse
eventum præscitarum rerum , etiam si
præscientia futuris rebus eveniendi
necessitatem non videatur inferre.
Etenim si quispiam sedet , opinio-
nem , quæ eum sedere coniecat , ve-
ram esse necessè est : at è converlo
rursus , si de quopiam vera sit opinio
quoniam sedet , eum sedere necelè
est. In utroque igitur necessitas in-
est : in hoc quidem sedendi , at verò
in altero veritatis. Sed non idcirco
quisque sedet , quoniam vera est , opi-
nio : sed hæc potius vera est , quo-
niā quempiam sedere præcessit.

Ita cùm causa veritatis ex altera parte procedat, ineſt tamen communis in utraque necessitas. Similia de providentia, futurisque rebus rationari oportet. Nam etiam si idcirco, quoniam futura sunt, providentur: non verò ideo, quoniam providentur, eveniunt: nihilominus tamen à Deo vel ventura provideri, vel provia evenire ncceſſè est: quod ad perimendam arbitrii libertatem ſolum ſatis eſt. Jam verò quām præpoſterum eſt, ut æternæ præſcientiæ temporalium rerum eventus cauſa eſſe dicatur? Quid eſt autem aliud arbitrari, ideo Deum futura, quoniam ſunt eventura, providere, quām putare quæ olim acciderunt, cauſam summæ illius eſſe providentiæ; Ad hæc, ſicuti, cùm quid eſſe ſcio, id ipsum eſſe neceſſè eſt: ita cùm quid futurum novi, id ipsum futurum eſſe neceſſè eſt. Sic fit igitur, ut eventus præſcitæ rei nequeat evitari. Poſtre-
mò ſi quid aliquis aliorum, atque ſeſe

sese res habet, existimet, id non modò
scientia non est, sed est opinio fallax,
à scientiæ veritate longè diversa.
Quare si quid ita futurum est, ut
ejus certus, ac necessarius non sit e-
ventus, id eventurum esse præsciri
qui poterit? sicut enim scientia ipsa
impermista est falsitati: ita id, quod
ab ea concipitur, esse aliter, atque
concipitur, nequit. Ea námque cau-
sa est, cur mendacio scientia careat,
quòd se ita rem quamque habere ne-
cessè est, uti eam sese habere scien-
tia comprehendit. Quid igitur: Quo-
nam modo Deus hæc incerta futura
ptænoicit? Nam si inevitabiliter
eventura censet, quæ etiam non eve-
nire possibilè est; fallitur: quod sen-
tire non modò nefas est, sed etiam
voce proferre. At si, uti sunt, ita ea
futura esse decernit, ut æque vel fie-
ri ea, vel non fieri posse cognoscat?
quæ est hæc præscientia, quæ nihil
certum, nihil stabile comprehendit?
Aut quid hoc refert vaticinio illo ri-
dicu-

diculo Tiresiae? *Quidquid dicam, aut erit, aut non.* Quid etiam divina prouidentia humana opinione præstiterit, si, uti homines, incerta judicat, quorum est incertus eventus: Quod si apud illum rerum omnium certissimum fontem nihil incerti esse potest, certus eorum est eventus, quæ futura firmiter ille præscierit. Quare nulla est humanis consiliis, actionibusque libertas: quas divina mens sine falsitatis errore cuncta prospiciens, ad unum alligat & constringit eventum. Quō semel receptō, quantum occasus humanarum rerum consequatur, liquet. Frustra enim bonis, malisque præmia, pœnæve propnuntur, qnæ nullus metuit liber ac voluntarius motus animorum. idque omnium videbitur iniquissimum, quod nunc æquissimum judicatur, vel puniri improbos, vel remunerari probos: quos ad alterutrum non propria mittit voluntas, sed futuri cogit certa necessitas. Nec vitia igitur

nec virtutes quidquam fuerint, sed omnium meritorum potius mixta atque indiscreta confusio. Quoque nihil sceleratiū excogitari potest, cùm ex providentia rerum omnis ordo ducatur, nihilque consiliis liceat humanis, sit, ut vitia quæque nostra ad bonorum omnium referantur auctorem. Igitur nec sperandi aliquid nec deprecandi ulla ratio est. Quid enim vel speret quisquam, vel etiam deprecetur, quando optanda omnia series indeflexa connectit? Auferetur igitur unicum illud inter homines Deumque commercium, sperandi scilicet, ac deprecandi. Siquidem justa humilitatis pretiō inestimabilem vicem divinæ gratiæ promeremur: qui solus modus est, quo cum Deo colloqui homines posse videantur, illique inaccessæ luci prius quoque, quam impetrent, ipsâ supplicandi ratione conjungi: quæ si receptâ futurorum necessitate, nihil virium habere credantur, quid erit, quô sum-

mo

mo illi rernm principi conne*di*, atque
adhærere possimus? Quare necessè
erit humanum genus, uti paulò ante
cantabas, disceptum, atque disjun-
ctum suô fonte fatiscere.

M E T R V M . III.

Quænam discors fædera rerum
Causa resolvit? quis tanta Deus
Veris statuit bella duobus,
Ut quæ carpim singula conflent,
Eadem nolint mista jugari?
An nulla est discordia veris,
Sempérque sibi certa coherent?
Sed mens, cæcis obruta membris,
Nequit oppressi luminis igne
Rerum tenuis noscere nexus.
Sed cur tanto flagrat amore
Veri tectas reperire notas?
Scitne, quod appetit anxia nosse?
Sed quid nota rescire laborat?
Et si nescit, quid cæca petit;
Quis enim quidquam nescius optet?
Aut quis valeat nescita sequi?
Quo^{rum} inveniat, quisve repertam

Queat ignarus noscere formam?
 An cùm mentem cerneret altam,
 Pariter summam & singula norat?
 Nunc membrorum condita nube,
 Non in totum est oblitas sui,
 Summamque tenet singula perdens.
 Igitur quisquis vera requirit,
 Neutro est habitu: nam neque novit,
 Nec penitus tamen omnia nescit:
 Sed, quam retinens meminit, summam
 Consultit, altè visa retractans,
 Ut servatis queat oblitas
 Addere parteis.

PROSA IV.

TUM illa, Vetus, inquit, hæc est de
 providentia querela, à M. Tullio,
 cum divinationem distribuit, ve-
 hementer agitata, tibique ipsi res
 diu prorsus, multumque quæsita:
 sed haud quaquam ab ullo vestrum
 haçtenus satis diligenter ac firmiter
 expedita. Cujus calignis causa est,
 quod humanæ ratiocinationis motus
 ad divinæ præscientiæ simplicitatem,

non


..

non potest admoveri: quæ si ullo modo cogitari queat, nihil prorsus relinquetur ambigui: quod ita demum patefacere, atque expedire tentabo, si prius ea, quibus moveris, expediero. Quæro enim, cur illam solventium: rationem minus efficacem putes: quæ quia præscientiam non esse futuris rebus causam necessitatis existimat, nihil impediri præscientiâ arbitrii libertatem putat. Num enim tu aliunde argumentum futurorum necessitatis trahis, nisi quod ea, quæ præsciuntur, non evenire non possunt? Si igitur prænotio nullam futuris rebus adiicit necessitatem, quod tu etiam, paulò ante fatebare; quid est, quod voluntarii exitus rerum ad certum cogantur eventum? Etenim positionis gratiâ, ut quid consequatur advertas, statuamus nullam esse præscientiam. Num igitur, quantum ad hoc attinet, quæ ex arbitrio eveniunt, ad necessitatem coguntur? Minime. Statuamus iterum esse, sed

nihil rebus necessitatis injungere ; manebit, ut opinor, eadem voluntatis integra atque absoluta libertas. Sed præscientia , inquies , tametsi futuris eveniendi necessitas non est , signum tamen est , necessariò ea esse ventura. Hoc igitur modo , etiam si præcognitio non fuisset , necessarios fututorum exitus esse constaret. Omne etenim signum , tantum quid fit , ostendit , non verò efficit quod designat. Quare demonstrandum priùs est , nihil non ex necessitate contingere , ut prænotionem signum esse hujus necessitatis appareat. Alioquin si hæc nulla est , nec illa quidem ejus rei signum poterit esse , quæ non est. Jam verò probationem , firmâ ratione subnixam constat , non ex signis , neque petitis extrinsecüs argumentis , sed ex convenientibus , necessariisque causis esse ducendam. Sed qui fieri potest , ut ea non proveniant , quæ futura esse providentur? Quasi verò nos ea , quæ providentia futura esse prænoscit , non

non eventura credamus : ac non illud
potius arbitremur , licet eveniant, ni-
hil tamen ut evenirent , sui naturâ
necessitatis habuisse : quod hinc faci-
le perpendas licebit. Plura etenim
dum fiunt , subiecta oculis intuemur :
ut ea, quæ in quadrigis moderandis ,
atque flectendis facere spectantur
aurigæ : atque ad hunc modum cæ-
tera. Num igitur , quidquam illorum
ita fieri necessitas ulla compellit ?
Minime. Frustra enim esset artis ef-
fectus , si omnia coacta moverentur.
Quæ igitur cum fiunt , carent existen-
di necessitate , eadem prius , quam
fiant , sine necessitate futura sunt.
Quare sunt quædam eventura , quo-
rum exitus ab omni necessitate sit
absolutus. Nam illud quidem nul-
lum arbitror esse dictorum , quod
quæ nunc fiunt , prius quam fierent ,
eventura non fuerint. Hæc igitur
etiam præcognita liberos habent
eventus. Nam sicut scientia præ-
sentium nihil his , quæ fiunt ; ita præ-

Scientia futurorum nihil his , quæ
ventura sunt , necessitatis importat.
Sed hoc , inquis , ipsum dubitatur , an
earum rerum quæ necessarios exitus
non habent , ulla possit esse prænotio.
Diffonare etenim videntur , purasque ,
si prævideantur , consequi necessita-
tem ; si necessitas desit , minimè præ-
sciri ; nihilque scientiæ comprehendi
posse , nisi certum . Quòd si quæ in-
certi sunt exitūs , ea quasi certa pro-
videntur , opinionis constat id esse
caliginem , non scientiæ veritatem.
Aliter enim ac se res habeat , arbi-
trari , ab integritate scientiæ credis
esse diversum . Cujus erroris causa
est , quòd omnia , quæ quisque novit ,
ex ipsorum tantum vi , atque naturâ
cognosci existimat , quæ sciuntur :
quod totum contra est . Omne enim ,
quod cognoscitur , non secundum sui
vim , sed secundum cognoscentium
potius comprehenditur facultatem .
Nam ut hoc brevi liqueat exemplo ,
eandem corporis rotunditatem aliter



visus, aliter tactus agnoscit. Ille eminens manens, totum simul jactis radiis intuetur: hic verò cohærens orbi, atqne conjunctus, circa ipsum motūs ambitum, rotunditatem partibus comprehendit. Ipsū quoque hominem aliter sensus, aliter imaginatio, aliter ratio, aliter intelligentia contuetur. Sensus enim figuram in subjecta materia constitutam, imaginatio verò solam sine materia judicat figuram. Ratio verò hanc quoque transcendit, speciemque ipsam, quæ singularibus ineſt, universali consideratione perpendit. Intelligentiæ verò celsior oculus existit. Supergressa namq; nniversitatis ambitum, ipsam illam simplicem formam purā mentis acie contuetur. In quo illud maximè considerandū est, quod superior comprehendendi vis amplectitur, inferiorem: inferior verò ad superiorē nullō modō consurgit. Neque enim sensus aliquid extra materiali valet, vel universales species imagi-

natio contuetur, vel ratio capit simplicem formam : sed intelligentia quasi desuper spectans, concepta formâ, quæ subsunt, cuncta dijudicat : sed eô modô, quô formam ipsam, quæ nulli alii nota esse poterat, comprehendit. Nam & rationis universum, & imaginationis figuram, & materiale sensibile cognoscit, nec ratione utens, nec imaginatione, nec sensibus, sed illô unô ieu mentis formaliter, ut ita dicam, cuncta propiciens. Ratio quoque cum quid universale respicit, nec imaginatione, nec sensibus utens, imaginabilia, vel sensibilia comprehendit. Hoc est enim, quæ conceptionis suæ universalis notio sit, tamen imaginabilem, sensibilemque esse rem nullus ignorat, quod illa non imaginatione, vel sensu, sed rationali conceptione considerat. Imaginatio quoque amet si ex sensibus visendi, formandique figurâ sum-

sum sit exordium, sensu tamen absente sensibilia quæque colluſtrat, non sensibili, sed imaginariâ ratione judicandi. Videsne igitur, ut in cognoscendo cuncta, suâ potius facultate, quam eorum, quæ cognoscuntur, utantur? Neque id injuriâ: nam cùm omne judicium judicantis actus existat, necessè est, ut suam quisque operam non ex aliena, sed ex propria potestate perficiat.

METRUM IV.

Quondam porticus attulit
Obscuros nimium senes,
Qui sensus, & imagines
E corporibus extimis
Credant mentibus imprimi,
Ut quondam ceteri stylo
Mōs est aquore paginae,
Quæ nullas habeat notas,
Pressas figere litteras.
Sed mens si propriis vigens
Nihil motibus explicat,
Sed tantum patiens jacet

Notis subdita corporum,
 Cassasque in speculi vicen
 Rerum reddit imagines,
 Unde haec sic animis viget
 Cernens omnia notio?
 Quævis singula prospicit,
 Aut quæ cognita dividit?
 Quæ divisa recolligit,
 Alternumque legens iter
 Nunc summis caput inserit,
 Nunc desidit in infima,
 Tum sese referens sibi,
 Veris falsa redarguit?
 Haec est efficiens magis
 Longè causa potentior
 Quam quæ materia modo
 Impressas patitur notas.
 Præcedit tamen excitans,
 Ac vires animi movens,
 Vivo in corpore passio.
 Cum vel lux oculos ferit,
 Vel vox auribus instrepit:
 Tum mentis vigor excitus,
 Quas intus species tenet,
 Admotus simileis vocans.

*Notis applicat exteris,
Introrsumque resonatis
Formis miscet imagines.*

PROSA V.

Quod si in corporibus sentiendis, quamvis afficiant instrumenta sensuum forinsecus objectae qualitates, animiq; agentis vigorem passio corporis antecedat, quæ in se actum mentis provocet, excitetque interim quiescenteis intrinsecus formas? si in sentiendis, inquam, corporibus animus non passione insignitur, sed ex sua vi subjectam corpori judicat passionem; quantò magis ea, quæ cunctis corporum affectionibus absoluta sunt, in discernendo non objecta extrinsecus sequuntur, sed actum suæ mentis expediunt? Hac itaque ratione multiplices cognitiones diversis ac differentibus cessere substantiis. Sensus enim solus cunctis aliis cognitionibus destitutus, immobilibus animantibus cessit: quales sunt

conchæ maris, quæque alia faxis hæ-
rentia nutriuntur. Imaginatio verò
mobilibus belluis, quibus jam inesse
fugiendi, appetendive aliquis videtur
affectus. Ratio verò humani tantum
generis est, sicuti intelligentia sola
divini: quod fit, ut ea notitia cæteris
præstet quæ suapte naturâ non modò
proprium, sed ceterarum quoque no-
tiarum subiecta cognoscit. Quid
igitur, si ratiocinationi sensus, ima-
ginatioque refragentur, nihil esse il-
lud universale dicentes, quod sepe
intueri ratio putet: Quod enim sensi-
bile, vel imaginabile est, id univer-
sum esse non potest. Aut igitur ratio-
nis verum esse judicium, nec quid-
quam esse sensibile: aut quoniam sibi
notum sit, plura sensibus & imagi-
nationi esse subiecta, inanem conce-
ptionem esse rationis, quæ, quod sen-
sibile sit, ac singulare, quasi quod-
dam universale, consideret. Ad hæc,
si ratio contra respondeat, se quidem
& quod sensibile, & quod imagina-
bile

bile sit in universitatis ratione conspicere ; illa verò ad universitatis cognitionem adspirare non posse : quoniam eorum notio corporaleis figuræ non possit excedere. De rerum verò cognitione; firmiori potius, perfectionique judiciō esse credendum. In hujusmodi igitur lite, nos quibus tam ratiocinandi , quam imaginandi etiam, sentiendique vis inest , nonne rationis potius causam probaremus ? Simile est , quod humana ratio divinam intelligentiam futura , nisi ut ipsa cognoscit , non putat intueri. Nam ita disleris , si quæ certos , ac necessarios habere non videantur eventus , ea certò eventura præsciri nequeunt. Harum igitur rerum nulla est præscientia , quam si etiam in his esse credamus , nihil erit , quod non ex necessitate proveniat. Si igitur , uti rationis participes sumus , ita divinæ judicium mentis habere possemus , sicut imaginationem , sensumque rationi cedere oportere judicavimus

vimus, sic divinæ sele menti humana-
nam summittere rationem, justissi-
mum censeremus. Quare in illius
summæ intelligentiæ cacumen, si
possimus erigamur? illic enim ra-
tio videbit, quod in se non potest in-
tueri, id autem est, quoniam modo
etiam quæ certos exitus non habent,
certa tamen videat ac definita præ-
notio: neque id sit opinio, sed sum-
mæ potius scientiæ nullis terminis
inclusa simplicitas.

METRUM V.

Quam variis terras animalia per-
meant figuris!
Namque alia extento sunt corpore,
pulveremque vertunt,
Continuumque trahunt vi pectoris inci-
tata sulcum.

Sunt quibus alarum levitas vaga, ver-
beretque ventos,
Et liquido longi spatia aetheris enatet
volatu,

Hæ

Hac persisse solo vestigia gressibusque
gaudent.

Vel virideis campos transmittere, vel
subire silvas.

Quæ variis videas licet omnia discrepare
formis,

Pronatamen facies hebetes valet ingra-
vare sensus.

Vnica gens hominum celsum levat altius
cacumen,

Atque levis recto stat corpore, despicitque
terras.

Hæc, nisi terrenus male desipis, admo-
net figura,

Qui recto cælum vultu petis, exerisque
frontem,

In sublime feras animum quoque, ne
gravata pessum,

Inferior fidat mens corporc celsius levato.

PROSA VI.

Quoniam igitur, uti paulò ante
monstratum est, omne quod sci-
tur, non ex sua sed ex compre-
hendentiū natura cognoscitur, intuea-
mur

mur nunc , quantum fas est , quis sit
divinæ substantiæ status , ut quænam
etiam scientia ejus sit , possimus
agnoscere . Deum igitur æternum es-
se , cunctorum ratione degentium
comune judicium est . Quid sit igi-
tur ætenitas , consideremus . Hæc
enim nobis naturam pariter divinam ,
scientiamque patefecerit . Æternitas
igitur est , interminabilis vitæ tota si-
mul & perfecta possestio : quod ex
collatione temporalium clariùs li-
quet . Nam quidquid vivit in tempo-
re , id præfens à præteritis in futura
procedit : nihilque est in tempore
constitutum , quod totum vitæ suæ
spatium pariter possit amplecti . Sed
crastinum quidem nondum appre-
hendit : hesternum verò jam perdidit .
In hodierna quoque vita non ampli-
us vivitis , quām in illo mobili transi-
torioque momento . Quod igitur
temporis patitur conditionem , licet
illud sicut de mundo censuit Aristoteles
nec cœperit unquam esse ; nec
desinat

desinat, vitaque ejus cum temporis infinitate tendatur, nondum tamen tale est, ut aeternum esse jure credatur. Non enim totum simul, infinitae licet vitae spatium comprehendit, atque complectitur: sed futura nondum transacta jam non habet. Quod igitur interminabilis vitae plenitudinem totam pariter comprehendit, ac possidet, cui neque futuri quidquam absit, nec praeteriti fluxerit, id aeternum esse jure prohibetur: idque necessere est ut sui compos praesens sibi semper assistere, & infinitatem mobilis temporis habere praesentem. Vnde non recte quidam, qui cum audiunt visum Platonis mundum hunc nec hahuisse initium temporis, nec habiturum esse defectum, hoc modo conditori conditum mundum fieri coeternum putant. Aliud est enim, per interminabilem duci vitam, quod mundo Plato tribuit: aliud interminabilis vitae totam pariter comple-

xam

xam esse præsentiam, quod divinæ
mentis proprium esse, manifestum
est. Neque Deus conditis rebus
antiquior videri debet temporis quan-
titate sed simplicis potius proprie-
tate naturæ. Hunc enim vitæ immo-
bilis præsentiarium statum, infinitus
ille temporalium rerum motus imi-
tatur; cùmque eum effingere, atque
æquare non possit ex immobilitate
deficit immotum, & ex simplicitate
præsentiae decrescit in infinitam fu-
turi, ac præteriti quantitatem; &,
cùm totam pariter vitæ suæ pleni-
tudinem nequeat possidere, hoc
ipso, quod aliquo modo nunquam
esse desinit, illud, quod implere at-
que exprimere non potest, aliquate-
nus videtur æmulari, alligans se ad
qualem cùnque præsentiam huius
exigui volucrisque momenti: quæ,
quoniam manentis illius præsentiae
quandam gestet imaginem, quibus-
cunque contigerit, id præstat, ut
esse videantur. Quoniam verò ma-
nere

nere non potuit, infinitum temporis iter aripuit: coque modò factum est, ut continuaret eundo vitam cuius plenitudinem complecti non valuit permanendo. Itaque si dagna rebus nomina velimus imponere, Platonem sequentes, Deum quidem æternum mundum verò dicamus esse perpetuum. Quoniam igitur omne judicium secundùm sui naturam, quæ fibi subjecta sunt, compræhendit: est autem Deo semper æternus, ac præsentarius status: scientia quoque ejus, omnem temporis supergressa motionem, in suæ manet simplicitate præsentiæ, infinitaque præteriti, ac futuri spatia complectens, omnia quasi jam gerantur, in sua simplici cognitione eonsiderat. Itaque si præscientiam pensare velis, quâ cuncta dignoscit, non esse præscientiam, quasi futuri, sed scientiam, nunquam deficientis instantiæ, rectius æstimabis. Vnde non prævidentia, sed providentia potius dicitur, quod porrò ab rebus

bus infimis constituta, quasi ab ex celso rerum cacumine cuncta prospiciat. Quid igitur postulas, ut necessaria fiant, quæ divino lumine lustrentur, cum ne homines quidem necessaria faciant esse, quæ videant; Num enim quæ præsentia cernis, aliquam eis necessitatem tuus addit intuitus? Minime. Atqui si est divini humanique præsentis digna collatio, uti vos vestro hoc temporario præsenti quædam videtis, ita illa omnia suo cernit æterno. Quare hæc divina prænotio naturam rerum, proprietatemque non mutat; taliaque apud se prælentia spectat, qualia in tempore olim futura prouenient: nec rerum judicia confundit; unoque suæ mentis intuitu tam necessario, quam non necessariò ventura dignoscit. Sicuti vos eum pariter ambulare in terra hominem conspicitis, & oriri in cœlo Solem videtis: quamquam simul utrumque conspectum, tamen disceritis: & hoc voluntarium, illud esse
necessarium

necessitatem judicatis. Ita rgitur cuncta despiciens divinus intuitus , qualitatem rerum minimè perturbat , apud se quidem præsentium , ad conditionem verò temporis futurarum. Quô fit , ut hæc non sit opinio , sed veritate potius nixa cognitio , cùm existiturum quid esse cognoscit , quòd idem existendi necessitate carere non nesciat. Heic si dicas , quod eventurum Deus videt , id non evenire non posse : quod autem non potest non evenire , id ex necessitate contingere , neque ad hoc nomen necessitatis adstringas : Fatebor quidem rem solidissimæ veritatis , sed cui vix aliquis nisi divini speculator accesserit. Respondebo namque idem futurum , cùm ad divinam notionem refertur , necessarium ; cùm verò in sua natura perpenditur , liberum prorsus atque absolutum videri. Duæ sunt etenim necessitates ; simplex una , veluti quòd necessè est , omneis homines esse mortaleis ; altera conditionis , ut

si aliquem ambulare scias, eum ambulare necessè est. Quod enim quisque nouit, id esse aliter, ac notum est, nequit. Sed hæc conditio minimè secum illam simplicem trahit. Hanc enim necessitatem non propria facit natura, sed conditionis adjectio. Nulla enim necessitas cogit incedere voluntariè gradientem, quamvis eum tamen, cùm graditur, incedere necessariu sit. Eodem igitur modo, si quid providentia præsens videt, id esse necessè est, tametsi nullam habet naturæ necessitatem. At qui Deus ea futura, qnæ ex arbitrii libertate proveniunt, præsentia contuetur. Hæc igitur, ad intuitum relata divinum, necessaria fiunt per conditionem diuinæ notionis: per se verò considerata, ab absoluta naturæ suæ libertate non desinunt. Fiunt igitur procul dubio cuncta, quæ futura Dens esse prænolcit, sed eorum quædam de libero proficiscuntur arbitrio: quæ quamvis eveniant existendo, tamen propriam

propriam naturam non amittunt : quia priùs, quàm fierent, etiam non evenire potuissent. **Quid** igitur refert non esse necessaria , cùm propter divinæ scientiæ conditionem modis omnibus, necessitatis instar , eveniant ? Hoc scilicet, quòd ea, quæ paulò ante proposui , Sol oriens , & gradiens homo , quæ dum fiunt , non fieri non possunt : eorum tamen unum priùs quoque quàm fieret, necessè erat existere : alterum verò minimè. Ita etiam quæ præsentia Deus habet, procul dubio existunt : sed eorum hoc quidem de rerum necessitate descendit : illud verò de potestate facientium. Haud igitur injurià diximus , hæc, si ad divinam notitiam referantur , necessaria ; si per se considerentur , necessitatis esse nexibus absoluta : sicuti omne, quod sensibus patet, si ad rationem referras, universale est : si ad seipsum respicias , singulare : Sed si in mea, inquies , potestate situm est mutare propositum ,

evacuabo providentiam , cùm , quæ
illa prænoscit , fortè mutavero . Re-
spondebo . Propositum te quidem
tuum posse deflectere ; sed quoniam
& id te posse , & an facias , quo
convertas , præfens providentiaæ ve-
ritas intuetur , divinam te præscien-
tiam non posse vitare ; sicuti prælen-
tis oculi effugere non possis intuitum ,
quamvis te in varias actiones
liberâ voluntate converteris . Quid
igitur inquies ? Ex meane disposi-
tione scientia divina mutabitur ; ut
cùm ego nunc hoc , nunc illud velim ,
illa quoque noscendi vices alternare
videatur ? Minime . Omne námque
futurum divinus præcurrit intuitus ,
& ad præsentiam propriæ cognitionis
reterquet , ac revocat : nec alter-
nat , ut tu existimas , nunc hoc , nunc
illud prænoscendi , vices : sed uno
ictu mutationes tuas manens præve-
nit , atque complectitur . Quam com-
prehendi omnia , visendique præsen-
tiam ,

tiā, non ex futurarum proventu rerū, sed ex propria Deus simplicitate sortitus est. Ex quo illud quoque resolvitur, quod paulò ante posuisti, indignum esse, si scientiæ Dei causam futura nostra præstare dicantur. Hæc enim scientiæ vis præsentariā notione cuncta complectens, rebus omnibus modum ipsa constituit, nihil verò posterioribus debet. Quæ cùm ita sint, manet intemerata mortalibus arbitrii libertas: Nec iniquæ leges solutis omni necessitate voluntatibus, præmia, pœnasque proponunt. Manet etiam spectator de super cunctorum præscius Deus, visionisque ejus præfens semper æternitas cum nostrorum actuum futura qualitate concurrit, bonis præmia, malis supplicia dispensans. Nec frustra sunt in Deo positæ spes, precesque; quæ cùm rectæ sint: inefficaces esse non possunt. Aversamini igitur vitia, colite virtutes, ad rectas spes

animnm sublivate , humileis preces
in excelsa porrigite. Magna vobis
est , si dissimulare non vultis, necessi-
tas indicta probitatis , cùm ante ocu-
los agitis judicis cuncta cer-
nentis.

F I N I S.



